

MYUUYA EYO IILI

MU NTOLONGO LINO



Nda lumba. Atu kotamike mitwe yesu kwaciindi cisyoonto.

Taata Wakujulu, tuli lumbide kuli Nduwe, sunu, ku coolwe eci ca kubungana antoomwe cindi cimbi alimwi, mukuziba kuti buzuba bumwi tuyo bungana ku ciindi cesu camamanino, mbuli bafwika, elyo mpawo tuyo bungana mu ciimo cabulemu a Nduwe, elyo boonse bakanununwa iba makkalo oonse bayo bungana kuya.

² Oh, myoyo yesu ila duntaana loko, ku . . . a bulangizi bupati, kulindila ku oora eelyo kuti lisike! A ceeco, kuyoowa koonse kwa zimaana kuzwa kuli ndiswe. Ta tujisi cakuyoowa, kwiina cakulibilika kapati. Tu langa kumbele ku cisyomezyo eco Leza Uutamani ncaka tubambila, alimwi tu lizi kuti Mbwini. Ako nke kaambo tula pona. Tu ponena eco, oora eelyo, ciindi eco, kwalo kufwika oku kuyo cincwa, alimwi tuyo oba mbuli Nguwe, alimwi takukabi malwazi limbi, taku cikabi kuusa, taku cikabi kuciswa mitwe. Oh, kuyo mana mpawo. A lutangalo lwa moyo, swebo, mu lusyomo a camba, tu langa kumbele ku Buzuba obo.

³ Ako nke kaambo nco tubungene ano sunu, Mwami, kulyaambilila bulubizi bwesu a kulomba luse. Ako nke kaambo twa langa ku cipaililo eci kuseeni oku, nkaambo tu lizi kuti tuli bafwika, alimwi kuli kulubizya kunji muli ndiswe, alimwi tu zwide tumpenda. Pele twa boola kulyaambilila bulubizi bwesu, alimwi mpawo kulanga kuli Taata wesu Wakujulu a myoyo ijukide, nkambo ka zileleko a ku bukulusigwa kwa nguzu a lusyomo, oko Walo nkwanga wa tupa mu oora eeli, mbuli mbo twa bungana kuno mbuli ku cisyomezyo, “mu myeenya Yakujulu muli Kristo Jesu.” Nkambo twa taminina kuti twa kazwa ku lufu kuya ku Buumi, kwiinda ku cisyomezyo Cakwe, nkabela twa kakwempwa mu bubambe Bwakujulu, katukkede a Nguwe lino. Akube kuti Atu yiisye kuseeni kuno zintu ezyo Nzya yanda kuteeti tuzibe, a ku tupa Cinkwa ca Buumi, kuteeti inga twa bambilwa ciindi ciza eco cili kunembo lyesu. Ko cipa, Mwami. Oyu ngo mupailo wesu cakuti twa lomba mu Zina lya Jesu Kristo. Amenii.

Inga mwa kkala.

⁴ Mwabuka kabotu, no bantu nyoonse. Elyo ncibotu loko ku bungana kuno a ndinywe alimwi kuseeni kuno, mu bubambe obu Bwakujulu ibwa kukomba.

⁵ Kumuka buyo aniini loko, twa jisi i . . . kwiitwa kumwi kwini, kubyaabi kwini ku kaindi buyo kasyoonto kainda; mulombe

kalede awo, kalimukufwa. Elyo masimpe mbuli mbo Ndi imvwi awa, Mwami waguma mubili wakwe a kumutuma mu lweendo. Aboobo. . .

⁶ Elyo i—i—i mulombe kaimvwi awa, uuli mwana mulombe wa mweenima. Bakali ba Katolika beni, kuzwa kumatalikilo, pele baunka ku mulalilo kuseeni sunu a cintu cimwi cabaambila ku boola kokuno. Elyo aboobo ba. . . Kuli kucinca. Aboobo bali—bali mukuboola eno ku ng’anda, a kubamba maanzi a lubbizyo. Aboobo mpawo bali i—bali i. . . zintu zibotu buyo ezyo Mwami wesu nzyacita ciindi coonse. Ula zumanana buyo kucita zintu. Bali kuboola kuzunjila, elyo teeba konzya kunjila. Baamba kuti teeba jana buyo nzila yakunjila.

⁷ Nda amba, “Ee, uyanda kwaambaula kuli ndime,” elyo Nda amba, “ee, usike buyo kutala ku ng’anda, elyo tuyo manizya kubandika eco, kuya.”

⁸ Aboobo Nda kayeeya, mu lweendo lwangu kuya ku New York lino, ku muswaangano oyu uuboola kucitika, kuti inga caba buyo cibotu maningi. . . Ndi lizyi inga Nda katalukwa ku kuswaya kuniini a—a kugwasya kuyasya mulilo wangu kuzwa ku mulilo oyo nyoonse ngo mwakajisi, nkabela twaima ku buzuba, cifumo cino. Elyo twa kabako jilo, buzuba bwa zoonza, isikati.

⁹ Elyo mpawo tweelede kunyamuka. Ndali sikunyamuka, isikati sunu, pele Ndi yeeya kuti Njo unka. . . Elyo tuyo talika kuseeni, kufuma, kufuma maningi ca. . . Antela inga katuno jisi caanda mu migwagwa, a zintu, aakati awa a New York. Nde elede kwiinda mu Virginia, kwiinda mu malundu, a kwalo kwiinda muli a Allegheny, a ku cibeela ca kungsi buyo mpawo i ca—ca Adirondack.

¹⁰ Aboobo tula talikila, Nda luba, ncilao cazyakucitika izya buleya kuya, bwalo bupya. Ba kamwayaula cilao cazyakucitikila cakaindi ca Musalali Nicholas, mbo Ndi mvwa. Ba kayaka obu bumwi bupya. Elyo kuciimo mbuli mbo Ndi zyi, tuli mukujana masiku amwi mataanzi ayo akasola. . . obo bubambidwe. Aboobo tuli lumbide kuli eco, ku bantu balemu ba Pentekoste baku New York. Elyo Ndi yeeya kuti tujisi mambungano manji abelekela antoomwe, elyo tulangila ciindi cipati.

¹¹ Elyo tuyo joka, Mwami nawayanda, ciindi cimwi mvwiki iboola. Elyo—elyo ikuti na nduyando lwa Leza, baa, tu langila kuba a kuswailizya kwa Munsondo, a mvwiki, ku—ku swaangana kwa Munsondo kuseeni.

¹² Elyo mpawo Nda njilila ncobeni mulimo wa mweembeli wesu alimwi, mbuli lyoonse kucita, nywebo mwabona, elyo—elyo Nda kayeeya ndiza kuti Nda njila, a kwalo kakutakwe kulomba. Elyo mpawo mukuti kuli nkamu mbotu awa, a bantu mbo Nda bona kuzwa ku dolopo, bali ano; Nda kayeeya ndiza, sunu masiku, ikuti na mweembeli tajisi cintu cili coonse cisalesale, eco cinga caba mpawo inga twaba a kuswaangana kuniini

sunu masiku, komwe buyo kufwaafwi, alimwi, ee, ndiza ku kombela balwazi. [Mukwesu Neville a mbunga babotelwa—Mul.] Nda lumba.

¹³ Tu langila ku kombela balwazi sunu masiku, kubandika aa kuponesegwa kwa Buleza alimwi—alimwi ku kombela balwazi. Kutalika cakufwambaana kutegwa inga twazwa cakufwambaana. Elyo ikuti na mweembeli uyocita, eco... Kanji mutalika aa seveni theeti. Sa mbombubo? Ino kujatikizya kutalika aa seveni sunu masiku, seveni? [Mukwesu Neville waamba, “Ameni.”—Mul.] Elyo andi konzye kuba aa seveni theeti, nkabela eco cilandi bamba kuno kotokede a eiti na eiti theeti, a kupa bantu ciindi mpawo ku—ku unka, ikuti oko—oko kuli—kuli kabotu. Bantu boonse baseka cindi ni Nda—cindi ni Nda amba eiti, na eiti theeti. Ndi—Ndi—Ndi langila kunozwide ku ciindi eco. Ku kombela balwazi, nywebo mulizi, ta tuzi.

¹⁴ Aboobo twa ka jisi i—i ciindi cipati kuzwa ni ndaka musiya ku ciindi eci ca Butololo camamanino, cakufwambaana, alimwi Mwami wa tuleleka mu zintu zinji zipati. Eco... Elyo sunu masiku, ikuti na Mwami wayanda, Ndi yanda ku mwaambila kuswaigwa kwa mamanino nko Nda kajisi, kuzwa kuli Leza, mu Colorado, mvwiki zisyoonto zyainda. Elyo eco ncencio nce Nda kayeeya kuti inga Nda muletela lino, ndiza kubukululya lusyomo ku kuswaangana kubotu kwa kuponesegwa sunu masiku, kwa balwazi a bapengede.

¹⁵ Lino, kuseeni kuno, kunjila moonya mu kuswaangana, Nda... Cintucimwi cakauma moyo wangu kutandila mweezi waanda. Elyo inga caba, lino, Ndi yeeya kuti bali... Sena bali mukuteping'a eyi? Sena bali mukuteping'a eyi? Inzya. Kuli kabotu. Kutegwa inga Nda ziba awo, ikuti na teepu yainka ku masena kuli bamwi. Ta ndikonzyi kwaamba eco nce Ndiyo kanana kuseeni kuno... Ta ndikonzyi kwamba kuti ci—ci—ci li... Ndi lizi cili luleme, mwabona, cibeela ca Mulumbe cino luleme. Pele icintu, eco nce Ndi yanda kucita, mubuzyo mu mizeezo yangu. Ci boneka kasimpe maningi. Alimwi kuzwa ciindi ni Nda kaboola, a kuzwa ciindi ni Nda... ca kayubununwa kuli ndime, Nda kayoowa cakuti inga Nda amba cintu cilubide alimwi antela inga kwasiya kumvwisya kulubide aa bantu. Elyo cili i... Elyo Ndi...

¹⁶ Obo bulembo mbo Nda kalemba aapepa, aali eco nce Nda kali kuyoamba, Nda cikosola kuli ncico, kutegwa inga Ndi tacibambi kuba canguzu loko. Nkaambo, nywebo mwabona, ikuti na i—ikuti na muntu... Nda—Nda muyanda Mwami Leza, alimwi, nzila buyo Mbwe zyi kuti Nda Mu yanda, nkaambo Nda muyanda nywebo. Mwabona? Eyo nje nzila buyo Mbwe zyi. Elyo nekuba Ta—Ta ndiyandi kuba a cintu cili coonse eco cayubununwa kuli ndime elyo mpawo ku ta mwaambila, ikuti na nku mwaambila. Elyo mpawo Ndili yoowede cakuti na Nda amba cintu cimwi ciyumu loko aniini, inga canyonganya muntu

umwi. Elyo, nywebo mulizi, ngu . . . Yebo ulatandila buyo kusika ku cibumbili alimwi mpawo kumvwa kusololelwa kwaamba eco ncoya kwaamba. Kwa mana. Alimwi mpawo ziindi zimwi inga waamba cintu cimwi, nkabela muntu umwi inga wamvwa i . . . kucengama kumbi kuli ncico, nkabela inga baleya kuya ku lubazu *olo*; alimwi mpawo muntu umwi inga waamba, “Oh, eco *nceeci*, mwabona.”

17 Pele Ndi yanda kuti muzibe eco nce Ndi ya kwaamba kuti nkuyeeyela buyo, alimwi bbala *kuyeeyela* buyo lyaamba “kucitacintu cimwi kakutakwe kuzumizigwa.” Aboobo Ndili . . . Ta—Ta ndaambi eci kuti mbwini, pele muyeeyo buyo muniini oyo Ngo ndinga ndalokezya antoomwe kuli ndinywe, kutegwa inga mwa ceeleka a kubona eco nco muyeeya kujatikizya ncico. Elyo mpawo ciyo, mubwini, ciyo—ciyo ba ca Lugwalo, nkaambo inga taakwe cintu nce ndinga Nda kambauka . . .

18 Pele sa oora eelyo tali naba? Sena eci casika ku oora eeli, alimwi sena zintu ezi zyakaamba eco? Nda lomba, a koonse kuli muli ndime, kuti talili ndilyo. Mwabona? Nda lomba kuti talili ndilyo, eelyo talili oora eeyo. Li yooba, pele sa lyasika ku ciindi eco kale? Mwabona, eco ncencico nce Ndi yeeya. Lino, bantu boonse bamvwisya, kumaninina, kuti Ta ndizyi? [Mbunga yaamba, “Ameni.”—Mul.] Nda buyo . . . Sena eci nce ciindi? Ikuti na ncico, Leza atufwide luse. Pele, ikuti na tacili ciindi eco, akube . . . ciyo boola.

19 Lino, cakufwambaana mbuli mbo tukonzya, tu jisi matobelanwa aa nyendo kumbele lyesu, Mwami nawayanda. Elyo Nde elede kuunka ku masi aambi, kwindi buyo Krisimasi, mu Europe a Asia; Europe, ikapati. Elyo mpawo Ndi yojoka kuno ku United States, ku miswaangano misyoonto, alimwi mpawo Ndiyo joka kuya ku musanza mu South Africa. Nda talika muli bwabili bwa—bwa Itwi, mu Durban, a kuunka kuzwa bwabili, Ndi yeeya obo, mane kutandila bwakkumi, alimwi mpawo Njo oba a mazuba kuunka kuzwa awo kuya ku Johannesburg a kutalika alubo. Pele Ndi yeeya kuti mweezi wa Mukubwekaangala, twa talika mu masi aa Scandinavia, mu Norway a Sweden a—Finland, a—Holland a Switzerland a Germany, a—kwiinda mu Europe kuya. Aboobo amube mu mupailo nkambo ka ndiswe.

20 Tu jisi miswaangano misyoonto kuno, ciindi ca Krisimasi eno, kwamana buyo Krisimasi. Akwalo bati, tu yanda kuba kuno mu ciindi ca Krisimasi, ku ng’anda. I bana bayanda kuboola ku ng’anda, mu ciindi ca Krisimasi. Elyo tu—tu botelwa Arizona, pele nywebo mulizi i—i cintu eco nco tu sweekelwa, alimwi ta tukonzyi kunyotokwa buyo, ni mbungano eyi a nywebo no bantu. Takukwe makani oko nko tuya, eco nco tucita, cili buyo . . . Bana, mebo, mukaintu a boonse. Taakwe buyo busena mbuli obu. Mbo mbubo. Kwiina buyo busena.

²¹ Nda keenda mu maato aa lwizi luli ciloba, alimwi Nda—Nda kali ku masena oonse, pele kwiina busena obo buboneka kusetekana kuli ndime mbuli kasena aka kaniini mpoonya awa. Obu mbombubo. Mukazwe buyo kuli mbubo ciindi cimwi, ikuti na muyanda kuziba. Kuli cintucimwi buyo kujatikizya awa. Nda ka kambauka ku nyika yoonse, muciyanza cakubeleka, alimwi ta Ndi na, ku ciindi cili coonse, ku busena buli boonse, kasola kumvwa Muuya wa Leza, a bulubusi a zintu, mbuli mbo Ndi cita kandiimvwi mpoonya awa. Obu mbombubo.

²² “Leza, akube. . .” Mbuli buzuba mbo Nda kabikka ciswi cabuyake kutala kuya, Nda kati, “Mwami Leza, tacilekeli kuwa.”

Bantu bakati, “Mu myeezi yobile, iyooba garaji.”

²³ Nda kati, “Uta cilekeli kuwa, Mwami. Ko cilekela ka ciimvwi, nkabela bantu mukati muno kaba Ku lumbaizya cindi Jesu aboola.” Nda syoma kuti ciyooba boobo.

²⁴ Lino atu jule mu Bbaibbele lino, a—a kulangila Mwami ku tupa zileleko Zyakwe. Elyo tu yanda kubala Malembe amwi. Ndi jisi Malembe amwi aalembedwe aapepa aawa ayo nge Ndi yanda kwaamba, a bulembo bumwi. Elyo Ndi yanda kubala kuzwa ku masena otatwe kuzwa mu Bbaibbele, nkabela Njo apa kuli ndinywe, kusaanguna. Ndi yanda kubala muli Juda 5 a 6. Juda ndi Bbuku lyomwe buyo, nywebo mulizi. Elyo mpawo Ndi yanda kubala kuli Petro Wabili capita 2, 4 a 5. Mpawo Ndi yanda kubala Petro Mutaanzi, 3:18 kusikaku 20.

²⁵ Elyo ciiyo cangu kuseeni oku, Mwami nawayanda, ngu: *Myuuya Eyo Iili Mu Ntolongo Lino*. Uh-huh. *Myuuya Eyo Iili Mu Ntolongo Lino*, iijalilidwe, yakapegwa mulandu kwalyonse. Taakwe, kwiina nzila ya kufutulwa, mwabona, myuuya eyo yaangidwe lino.

²⁶ Lino atu bale kuya mu Bbuku Iya Juda, kusaanguna. Nda syoma Nda engela awa aa busena butaanzi, muli Juda; alimwi mpawo muya muli Petro Wabili, alimwi mpawo—mpawo muya muli Petro Mutaanzi. Lino, Juda, Ndi yanda kucibala coonse; pele kuvuna buyo ciindi, nkaambo ngu teeni theeti kale, Ndiyo talikila aa kampango ka 5. Lino, Juda wakali munyina, munyina ku kulelwa buyo, wa Jesu Kristo, mbuli mbo tuzyi toonse. Mwabona? Wa kali mwana wa Josefa.

Nda mwiibalusya aboobo, nekubakuti nywebo mwakalizi kale eci, obo kwalo Mwami, mbwa kafutula bantu kuzwa ku nyika ya Egepita, kumane wakaba nyonyoona abo baka tazumina.

²⁷ Kaba futula, kusaanguna, kabagwisya kuzwa mu Egepita, elyo mpawo wakaba nyonyoona nkaambo teeba kazumanana a mulumbe wabo, nywebo mwabona.

Elyo baangelo abo baka tajatisya bwami bwabo bwa kusaanguna, pele baka busiya busena bwabo bwini, wa baanga mu kucinca kuteeli ku- . . . mu mudima uusiya mbi ku lubeta lwa buzuba bupati.

²⁸ Baangelo abo bakali kukkala ciindi cimwi ku Julu, nkabela teebe ka jatisya bwami bwabo a nzila eyo moba kabede, bakawa, alimwi lino bali mu nketani Zitamani zya mudima, nketani ziteeli izya mudima, kabambwa mu ciimo eci kusikila ku Lubeta lwa Buzuba bupati cindi noba yobetekwa a bamwi boonse batasyomi.

²⁹ Lino muli Petro Wabili, capita 2, kutalikila kampango ka 4, elyo liyooba bbuku buyo na obile kunze lya ndilyo, mwabona.

Nkambo ikuti na Leza taka balekede baangelo abo bakabisya, pele waka batonkela ansi ku gehena, a kubajalila mu nketani zya mudima, kuti bayobwedwe ku lubeta;

Elyo taka lekede nyika ya kalekale, pele waka vuna Nowa, a bantu bali lusele, mukambausi wa bululami, kunjizya zambangulwe aa nyika ya babi;

³⁰ Takalekela Baangelo; kaba bikka mu nketani ya mudima, a kupa nyika yoonse mulandu kwiinda ku lunyonyooko, lwa—lwa Nowa.

³¹ Lino muli Petro Mutaanzi, capita 1 a i. . . Petro Mutaanzi, capita 3, a kutalikila kampango ka 18, twa bala alubo. Lino, amusiilile kabotu lino.

Nkambo awalo Kristo wa kapengela cibi ciindi cimwi, uululeme nkambo ka bataluleme, kuti akonzye ku tuleta kuli Leza, kwiinda ku kajaigwa mu mubili wanyama, pele waka pononosegwa ku Muuya: . . . wa kajaigwa mu mubili wanyama, pele waka pononosegwa ku Muuya:

Kwiinda muli oko akwalo wakainka a kuyo kambauka ku myuuya mu ntolongo; waka kambaukila bantu abo bali mu ntolongo;

Eyo ziindizimwi yakatali kutamvwa, elyo kuciindi cimwi ku kukkazikamoyo ikwa Leza nikwa kalindila mu mazuba aa Nowa, kucindi bwaato nibwakali kubambwa, omo mwalo bace, nko kuti, bantu bakali lusele baka futulwa ku maanzi.

. . . mbuli cikozyanyo ndyoonya akwalo lubapatizyo mbo lucita lino lula tuvuna (kutali kusalazigwa ku tombe lya kunyama, pele kwiingula kwa manjezeezya mabotu kuli Leza,) kwiinda ku bubuke bwa Jesu Kristo:

Oyo wakainka ku julu, alimwi uli ku janza lyalulyo ilya Leza; baangelo a basibwami a basinguzu boonse bali bikkidwe kungsi lyakwe.

Atukombe alimwi.

³² Lino, Taata Wakujulu, ino mbubambe i—i bwa Lugwalo awa, bakamboni botatwe, masena otatwe mu Lugwalo kaapa bulunguluzi. Elyo Yebo wakati mu Ijwi Lyako, kuteeti, “Ku mulomo wa bakamboni bobile na botatwe, majwi oonse azulile.” Lino Nda Ku lomba, O Leza, kuti Uyo boola ku bantu a akupandulula Ijwi eeli, Mulumbe oyu, mu mumuni oyo ngo lyeede kubamo, kuti mwaalumi woonse, mwanakazi, mulombe, na musimbi, oonse inga wamvwisya mu ciimo eco Nco kaba salila kumvwidamo, alimwi eno kuziba kuti bakamboni aba botatwe bapa bulunguluzi bwa Bwini.

³³ Elyo Nda lomba kuti Uyo tuma Muuya Uusalala aali ndiswe lino. Elyo tuyo langa kuli Nguwe Oyo uuli Mwaami wesu, aakati kesu kuseeni kuno, Mwami Jesu Kristo; oko nko twabuka eno ku lusyomo, katu kkede mu myeenya eyi Yakujulu muli Nguwe. Twa lindila ku Mulumbe Wakwe. Koukanana kwiinda muli ndiswe, Mwami, kuumvwa kwinda muli ndiswe, mbuli mbo tu Ku lomba kupalula milomo eyo iikanana a matwi aamvwa, kutegwa cibe ku lulemeko a bulemu bwa nguwe Oyo Uuli Ndugwalo. Nkambo twa cilomba mu Zina Lyakwe. Ameni.

³⁴ Lino, amwiibaluke miswaangano sunu masiku, kuswaangana kwa kuponesegwa. Ta ndiyeeyi kuti cila yandika kuvozya makkadi aa mipailo, aboobo tula kombela buyo balwazi. Ndi jisi cintu cimwi eco nce Ndi yanda ku mwaambila, elyo Nda—Nda syoma kuti ciyo leta mbunga mu busena mane awo kuyooba buyo misyobo yoonse ya kuponesegwa. Ndili cizi ciyooba ikuti na twa cisyoma buyo mu nzila eyo.

³⁵ Lino eci, buntu buli mu ntolongo, buntu lino buli mu ntolongo!

³⁶ Lino, buntu bwa muntu tauli mubili wa muntu, bwalo mbuntu. Mwabona? Elyo buntu ncintu cimwi eco i—i mbulenge bwa muuya. Elyo mpawo cindi bulenge bwa muntu. . . Cindi na kati, “Tuli fwide,” Lugwalo lula twaambila cantangalala kuti, “tuli fwide, alimwi buumi bwesu buli sisidwe muli Leza kwiinda muli Kristo, kaandwa aa Muuya Uusalala.” Lino, eco tacaambi kuti mubili wanu wakafwa pe; tee wakali muuya wanu wakafwa. Bwa kali bulenge bwa muuya wanu bwakafwa; mwabona, i bulenge, buli mbuntu. I bulenge bwa buntu bwanu ngu—ngu Leza, ikuti na mwaka zyalululwa. Ikuti tacili obo, ngwa nyika. Kufumbwa cintu eco caka talika ceelede kugola, aboobo nzila buyo eyo njo mukonzya kuba a Buumi Butamani nkuba Buumi obo bwaka tatalika. Elyo mpoonya buumi bwanu bwa katalika cindi nomwa kazyalwa, cindi Leza nakayoya muya wa buumi mu mpemo zyanu nkabela mwakaba buntu bupona, mpoonya mwaka talika kaindi. Pele cindi nimwaka. . .

³⁷ Obo bulenge bwakali muli ndinywe, ku bulenge mwakali ba nyika, baka tantamukide kuli Leza, mubwini mwakali

banyama. Obo mbo mbubo ncobeni. Kufumbwa muntu ulizi kuti tuli cinyama. Mbangaye bazi obo? Swebo, tuli cinyama, tuli munyama uusitikizya ku kasaala kwakwe, pele obo mbo tubede kwiinda ku kulengwa kwesu kwa kunyika. Pele, nywebo mwabona, eco caka tubamba kwandaana kuzwa ku zinyama, ncakuti—ncakuti Leza wakabikka buntu aali ndiswe. Mwabona? Lino, zinyama zimbi ta zyeelede kusama zisani. Taakwe munyama uumbi weelede kusama zisani kuti asise cinswe cakwe, cita swebo. Nde ndiswe abo balikke balo bacita, nkambo tu jisi buntu. Pele, mwabona, Leza, ku matalikilo, wakalizi obo muntu mbwakali noyo boneka. Elyo Wa kalenga nyika, a kukomezya misyobo yoonse ya banyama, kuzwa kuciimo caansi maningi kusika kuciimo caatala maningi; munyama waatala maningi wakalibonya, wakali muntu.

³⁸ Elyo mpawo, kusaanguna, muntu wakapangwa, wa kali muntu wamuuya, mu cinkozya ca Leza.

³⁹ Kwalo, “Leza ngo Muuya,” Musalali Johane 4. Lino, “Walo i—i Muuya. Alimwi abo ba Mu komba, bala Mu komba mu Muuya a mu Bwini. Elyo Ijwi Lyako Mbwini.” Lino, tula Mu komba mu Muuya a Bwini. Walo i—i Bupange bwa Muuya.

⁴⁰ Mpawo kwakanyina muntu wakupanda insi, elyo mpawo Leza wakabumba muntu kuzwa ku bulongo bwa nyika.

⁴¹ Mpawo Wa kagwisya ku lubazu lwakwe, cipangwe, kabambo; alimwi, kuzwa kuli ako, kandaanya muntu oyo oyo wakajisi bulenge bobile, oko kwakali koonse kwaciimo cabwanakazi a bwaalumi. Elyo Wa kagwisya buzyazi, nkaambo lwakali luyando, nkabela Wa bubikka mu muntu uutegwa Eva, cakuti Adamu wakaita Eva, oyo wakali mukaintu wakwe. Awo mpaali luyando lwakwe, kunyama, luyando lwakunyama, kajatilila ku mukaintu wakwe. Eyo nje nzila muntu mbwaelede kuba sunu, a nguwe kujoka ku mulumi wakwe. I muntu, ciimo ca bwaalumi; i mwanakazi, ciimo ca bwanakazi.

⁴² Elyo mpawo, mwabona, Na kamana kupanga muntu mu cinkonzya Cakwe Mwini, “kalenga Walo balo, mweenze a muzyazi,” kwakanyina muntu wa kupanda insi. Elyo Wa kamubikka mu bulongo bwa nyika, elyo aboobo wa kaba . . . wa kaba muntu oyo. Oyu muntunsi wakali cinyama, mwabona, wa kali munyama; pele Wa kabikka muuya oyo wa Leza, i buumi, muli nguwe, a ku mupanga aa mbaakani kuti wakali kukonzya kusala. Elyo mpawo cindi muntu oyu . . .

⁴³ Lino tu yeeya kuti tuli cintucimwi. Amuyeeye buyo, ndiswe bani? I cikoto ca bulongo. Kwa mana. “Elyo nkaambo uli bulongo, ku bulongo uyo joka.” Aboobo cindi mwabona muntu oyo keenda kunselelo ku kagwagwa, kayeeya kuti muntuumwi mulemu, nywebo mulizi, nkabela ujisi lwiiyo luniini a zintu; amuyeeye, ncikomwe ca bulongo bwa Indiana. Kwa mana. Elyo mwanakazi oyo uusamide kabbudula koonse, a kufweba

misanga ya tombwe a kukwankana kumselelo mu kagwagwa, kalinyonanyona munzila eyo mbuli kuti ngu mukamwini cisi coonse, ncikomwe cabulongo bwa Indiana, alimwi eyo nje nzila mbo cijokolola. Aboobo toli cintu loko ciya kwamonga kuzwa kumatalikilo, mwabona. Kutegwa, mbo mbubo, obo mbobede.

⁴⁴ Pele, buntu obo buli mukati muya, mwabona, buntu obo mbombubo Leza mbwali mukubambulula, mwabona. Ikuti na Wa konzya buyo kujana bulenge obo, muuya oyo, ku zuminana a Nguwe, mpawo bulenge obo bwafwa, bulenge a luyando lwa nyika lwafwa, a zintu zya nyika zili fwide. Mwabona? Nkaambo, “Ikuti na kamuyanda nyika, na zintu zya nyika, luyando lwa Leza taluli muli ndinywe.” Mwabona? Elyo muntu weelede kuzyalululwa. Aboobo, bulenge obu bweelede kufwa, a bulenge bwa Leza bulasika a kupona muli ndinywe. Elyo Leza ncintu luzutu ciliko eco caka talika na cita konzyi kugola.

⁴⁵ Kwalo, aboobo, Wa beleka antoomwe aumwi, nywebo mwabona, a kubweza muntu oyu, wanyika, alimwi Muuya oyu Uutamani, a kuubikka antoomwe. Nkaambo, Leza wakalitondezya alubo Mwini muli eco, kuti Wa kaba Muntu cindi Na kaba Kristo Jesu, alimwi Wa kali Leza, mwabona. Leza wakali muli Kristo; cakuti, mwabona, wakapona muli Nguwe, kali yanzanisizya nyika Mwini. Elyo, kwiinda mu Muntu oyo uulondokede, umwi aumwi wesu uutalondokede oyo uusyoma muli Leza alimwi watambula Eco, ulaba bulondosi Bwakwe.

⁴⁶ Elyo Walo kwiina nakasiya mubili Wakwe kubona kubola, akwalo Ta kasiya buntu Bwakwe mu gehena, pele waka Mu busya ku buzuba bwatatu, alimwi Ula pona kwalyonse. Alimwi tu yooba a mubili mbuli mubili Wakwe Wini wabulemu.

⁴⁷ Ako nke kaambo ncotu bapatizigwa mu Zina Lyakwe, kuti tu kalibonye mu Zina Lyakwe, mu lufu Lwakwe, mu bubuke Bwakwe, kuti tuka buke alubo, kupa bumboni ku nyika kuteeti tu jisi Buumi bupya, kuteeti muntu mukulukulu uli fwide. Tuli zikkidwe ku bulenge obo butaanzi. Mwabona? Obo bulenge butaanzi buli manide, nkabela lino tuli bulenge Bwakwe. Ula pona muli ndiswe, alimwi ta tujisi bukanze bwesu bwini. Tu cita bukanze Bwakwe. Ta tuyeeyi mizeezo yesu iini. I muyeeyo, i muyeeyo walo ngo uuyeeya. I muyeeyo oyo wakali muli Kristo Jesu uli mu basyomi boonse. Mwabona, mboobo—mboobo buntu, alimwi eco ncencico nco twaambaula. Lino, eco nce cibeela nco Ndi yeeya lino, eco cili muli ndiswe, i buntu.

⁴⁸ Lino, ikuti na twabona, muli eci, kuli zintu zinji ezyo zyaka citika ciindi cimwi, nkabela tula gambwa kukaambo ncozi citikila, alimwi tula libuzya, a kubuzya bamwi. Pele kumalekelo, kwiinde kaindi, tu jana kuti, ikuti na tuli Banakristo, cila beleka buyo kabotu, munzila imwi. Mwa kabona eco. Banakristo boonse balabona eco. Tula gambwa kuli nco twa kacicitila.

⁴⁹ Nda kagambwa ciindi cimwi, elyo ni Nda katalika kubala Bbaibbele, “Nkaambonzi Leza nca kalekela Abrahamu, muntu oyo mulemu, kusola kwiima awo a kwaamba kuteeti Sara taakali mukaintu wakwe?” Elyo nzila Mbwa ka mulekela kwiima awo a kubeja kujatikizya eco, a zintu ezyo nzya kacita, alimwi mpawo nzila eyo Mbwa kasola kulekela Abrahamu kusiya nyika ya cisyomezyo oko Nkwa kamwaambilide kutazwa. Kufumbwa mu Juda uusiya nyika ya cisyomezyo uliwide, nkaambo Leza wakapa eyo kuli mbabo a kuba syomezya ku kkala kuya, mwabona, nkabela bakaisiya. Aboobo wa kainka ku musanza mu Gera. Pele ikuti nicata kaba nkaambo ka ceeco . . .

⁵⁰ Elyo mpawo Abimeleki, mwaami oyo ku musanza kuya mu cisi caba Filisiti, wakayanda Sara nkabela wakali sikumukwata, nkabela wa kali mwaalumi mubotu, mwaalumi uululeme. Elyo antela na kamana . . . Eci cimvwika bufubafuba, pele kucibamba kasimpe maningi kuli ndinywe. Naka mana kusamba kwakwe kwa ku mangolezya a kusama pajama yakwe, a kwaamba mipailo yakwe a kuya kukulala, Mwami waka libonya kuli nguwe a kwaamba, “Yebo uli buyo mbuli muntu uufwide,” nkabela mwaalumi kwiina nca kacita. Mwabona? Wa kacengwa ncobeni, kuli boonse Abrahamu a Sara. Mbo mbubo. Wa kati, “Yebo wabweza mukaintu wa mwaalumi umwi, mwabona. Elyo Ta—Ta ndiko swiilila mipailo yako, tacikwe makani oko kunji nko komba. Yebo uli buyo mbuli uufwide. Pele mwaalumi oyo musinsimi Wangu.” Mwabona?

⁵¹ Mwabona, nciyumu kumvwisya eco, mwabona. Pele ikuti nicaatali eco, inga ni twa takaziba obo luzyalo mbo lwakabede.

⁵² Nkaambonzi nca kaunka a kukwata Hagare, kumane kuba a mukaintu mubotu mbuli Sara? Alimwi ta kali kuyanda kucicita, mwabona, pele Sara waka mwaambila. Alimwi mpawo Mwami waka mwaambila, “Yebo ko swiilila eco Sara nca kwaambila.” Nkaambonzi? Kwa keelede kuba Ishimaeli, “oyo mwanakazi muzike alimwi mwana wakwe takabi muswaana a mwanakazi mulubusi a mwana wakwe.” Mwabona eco nce Nda amba?

⁵³ Zyoonse zintu ezi nzikozyano. Nkaambonzi musinsimi oyo nca keelede ku kwata muvuule a kuba . . . a bana aba, kuba a bana bobile kwiinda kuli nguwe? Mbuli citondezyo. Nkaambonzi umwi nca kalala ku lubazu lwakwe lwa lulyo kwa mazuba aali myaanda yotatwe a makumi one, alimwi a kulala mazuba manji ku lubazu lwakwe mbuli boobo? Mbuli citondezyo. Umwi waka samununa zikobela zyakwe a kweenda kumbele lya Israyeli. Elyo, lino, zyoonse zintu ezi, zyakali zikozyano a zimvule, mwabona; alimwi tweelede kuba a zintu ezyo, zyakuba ziiminizyo.

⁵⁴ Elyo, ziindi zinji, zintu zila citika kuli ndiswe cakuti tula zingwa ku kaambo mbozibede. Ngu Leza kali mukututondezya cintu cimwi kumbele.

⁵⁵ Lino, mbuli mulombe muniini, alimwi nywebo mulizi kaano ka buumi bwangu, Nda—Nda kasyoma lyoonse, mbokunga inga Nda saanguna kwiibaluka. . . Cimwi ca zintu eco nco Ndi ibaluka. . . Lino eci, lino, antela mwaka ndaambila cintu cimwi ijilo, alimwi inga Nda ciluba kusika sunu. Pele kuli zintu zimwi, kaindi, ezyo zyakacitika mu mazuba esu a bukubusyi, bunji bwesu tuli boobo, kuti lyoonse tula ibaluka. Elyo eci citandila kulimvwisya bufubafuba kwaamba eci, pele Ndila iibaluka cindi ni Nda kali kuyavula, kandisamide cikobela cilamfu. Bavwanda baniini, lino nywebo nobamwi bantu ba myaka yangu yakukomena inga mwaibaluka eco, bavwanda bakali kunga basama zikobela zilamfu ncobeni. Elyo Nda ibaluka kuyavula, a kuyasayasa caanda kuzwa ku matende a baisha a ku cilya, cindi na kaboola a kwiimikila munsu lya ciko camulilo.

⁵⁶ Elyo mpawo cintu ciccilila nce Ndi yeeya kucitika mu buumi bwangu, cakali cilengaano, citaanzi eco nce Nda kasola kuba aco, alimwi ka ndaambila kuti inga Ndiyo kkala cibeela cipati ca buumi bwangu munsu lya dolopo litegwa New Albany. Elyo Nda kali muvwanda muniini wamu malundu kutala kuya, kwakanyina akwalo dokotela cindi ni Nda kazyalwa. Elyo—elyo Nda—Nda. . . Nywebo mulizi, ba. . . Nda kapona kuno kutandila myaka iili makumi osanwe, nkoonya kuno; i cilengaano.

⁵⁷ Elyo mpawo obo lyoonse mbo Nda kazyi kuteeti kwakali Leza ku busena bumwi, alimwi mbuli mulombe muniini Wa kaambaula kuli ndime, “utaka fwebi pe, kunywa, na kusofwaazya mubili wangu,” oko nkuba uucita bwaamu a banakazi a zintu. Nda kajisi kuyoowa kupati kuli ncico, nkabela ndakali mwaalumi mukubusyi.

⁵⁸ Elyo mpawo Nda kali kubusena kuyo vwima ciindi cimwi, eco ciboneka kuba bulenge bwabili kuli ndime, kuyandisya kuvwima. Elyo Nda kali kubusena kuyo vwima a mulombe, Jim Poole, mwana mubotu. Ndi yeeya kuti mwana mulombe wakwe ula boola ku cikombelo kuno, Jim muniini, alimwi mukwasyi mubotu wa bantu. Ndili bazyi bana Poole. Jimmy a Ndime twa kali kulala antoomwe a kupona antoomwe kuzwa ciindi nitwakali balombe baniini mu cikolo. Tuli tantamukene kutandila myeezi iili cisambomwe, mu myaka yakukomena. Elyo Jimmy wakalekela ntobolo yakwe kudubuka, nkabela ya kandi dubula mu maulu oonse, munsu loko kuli ndime, a shotigani. Nda katolwa ku cibbadela, alimwi, kuya, kandilede kuya cakufwa, kakutakwe peninsilini na taakwe cintu mu mazuba ayo. Elyo, lino, baka bikkide isila lya mupila kunsu lyangu, alimwi ndi lizi busiku obo. . . Bakali kuyanda kundipandula kuseeni kuccilila.

⁵⁹ Ba kabweza buyo a kusalazya cilonda, a zibeela zipati zya nyama zyaka zapaulwa, alimwi baka bweza kagele a kucitenda, elyo Nda kacita kujata maanza a mwaalumi. Elyo baka jisi Frankie Eich, wa kazwaa kulijaya cainoino, elyo bakacita kujata, kupasununa maanza aangu kuzwa kumaswaanino aa

maboko aakwe, cindi—cindi niba kamana. Nda kakwiila akulila, a kujatilila awo mbuli boobo, elyo balo kabagela cibeela eco ca kuulu. Nda kali myaka iili kkumi ayone yakukomena, mulombe buyo.

⁶⁰ Elyo busiku obo Nda kasola kuya ku koonna, elyo ba... Nda kasinsimuka, cintucimwi caka kupaika. Elyo mpaawa kwakali bulowa, kutandila cisela ca galoni, Nda yeeyela, bwakazwa ku nsinga. Elyo balo baka... bakabweza ekisi-reyi, elyo bakati kudubulwa kwa ntobolo kwakali muni maningi ku nsingampati, ku mabazu oonse, elyo kufumbwa buyo kakwalu kaniini inga kiikosola mu bubili, nkabela inga Nda talika kuzwa malowa. “Ee,” Nda kayeeya, “aya mamanino angu.” Elyo Nda kalengelezya maanza aangu mbuli *boobu* a kwaanyamuna mujulu, nkabela bulowa kabuloka mu maanza angu, bwakali bulowa bwangu bwini mo Nda kalede. Nda kaita, kalizya mulangu. I narsi wakasika, elyo waka bupukuta a cisansamuzyo nkaambo kwakanyina cintu ncoba kali kukozya kucita.

⁶¹ Elyo kuseeni kwa kaccilila, kungsi lya ziimo ezyo zyakali kukompama, teeba bakali kubikka bulowa mu mazuba ayo, nywebo mulizi, aboobo ba—ba kandipandula. Elyo baka ndiyasa musamu wakulebula. Elyo cindi ni Nda... I musamu wakulebula wakaindi, Nda yeeya mla yeeya, walo musaamu wakaindi uulesya kucisa. Elyo kungsi lya musamu wakulebula oyo, cindi ni Nda kapempenukwa, Nda kali kupempenukwa kuzwaku musamu wakulebuka kumane maora aali lusele. Ba kandiyasa munji loko, ba kayeeya kuti tii Nda kali kukonzya, inga ni Nda takasinsimuka. Ba kakakilwa kundi sinsimuna.

⁶² Nda ibaluka Muka. Roeder wakaima muni lyangu, kubusena kuya mu cibbadela. Ta ndika mulubi mwanakazi oyo. Takukwe makani cintu cicitika, Tii ndaka konzya ku muluba. Waa kali buyo mwanakazi mukubusyi kuciindi eco. Mulumi wakwe wakali mweendelezi kunselelo kuya kubambilwa myootokala. Elyo Nda—Nda ibaluka waa kaliimvwi muni lyangu, walo a Muka. Stewart. Elyo bakali mbabo mubwini baka bbadela cikwelete cangu camu cibbabela. Nda... Tii twakajisi zilyo zyakulya, mu ng’anda, aboobo mbo buti mbo twakali no konzya ku bbadela cikwelete camu cibbadele, myaanda ya madollar? Pele walo, kwiinda ku nsangano ya cikombelo a Ku Klux Klan, ka bbadela cikwelete camu cibbadela nkambo ka ndime, ca Mason. Ta ndikonzyi kubaluba. Mwabona? Takukwe makani eco ncobacita, na cintu, Nda ci... kuli cintu cimwi, alimwi eco cila kkala endime, mwabona, eco nco baka ndicitila. Elyo baka bbadela cikwelete kuli Dokotela Reeder. Walo ucipona, ukkala kuno mu Port Fulton, inga wa mwaambila kaano.

⁶³ Cindi ni Nda kapempenukwa kuzwa ku musamu wakulebula oyo, kwakali cintu cimwi caka ndicitikila kuya. Nda ka cisyoma lyoonse kuba cilengaano. Nkaambo, Nda kali kompeme maningi,

alimwi Nda . . . Ba kayeeya kuti Nda kali kufwa. Waa kali kulila. Cindi ni Nda kabamuna meso angu, konzya kulanga, Nda kakonzya kumumvwa kaambaula, elyo mpawo Nda kajokela koono, a kusinsimuka, ziindi zyobile na zyotatwe. Elyo mpawo Nda kajisi cilengaano mpawo. Elyo mpawo Nda kaba . . .

⁶⁴ Kutandila myeezi iili ciloba yakainda, Nda kacita kuunka a kuyo gwisigwa buntanje a zisila zya zicisa izya shotigani azilembo zigwisya mafuta ku mauulu angu; dokotela taaka cigwisya pe. Elyo aboobo Nda kaba aciimo cabulwazi mu bulowa, mauulu oonse akazimba akwiindila kubili alubo kungsi lyangu, nkabela bakali kuyanda kukosola mauulu angu oonse kusika ku zikungu zyangu. Alimwi Nda buyo . . . Nda kati, “Peepe, boola buyo aatala loko a kuci gwisya *awa*.” Tii nda kakonzya kucizunda, mwabona. Alimwi kumalekelo mpawo, Dokotela Reeder a Dokotela Pirtle, uuzwaku Louisville, wakacita kupandula, a kutenda aansii mukati kuya a ku cigwisya; elyo sunu Ndi jisi mauulu aali kabotu maningi, kwiinda ku luzyalo lwa Leza.

Pele kungsi lya—lya cilengaano camamanino eco nce Nda kajisi . . .

⁶⁵ I cilengaano citaanzi, cindi ni Nda kasika ku, elyo mpawo Nda kanjila mukunyangwa muya oku. Elyo Nda kayeeya kuti Nda kali mu gehena, cantangalala buyo mbuli . . .

⁶⁶ [I mukwesu mu mbunga waamba, “Ndijatile, munene.”—Mul.] Uh-huh. [“Ngooyu mwanakazi aawa oyo wawizukide, nkoonya kuya.”] Ncibotu, muntu umwi aabikke maanza akwe aali nguwe, alimwi waa . . . antela kumuleta ku luwo. Lino kufumbwa muntu oyo wiimvwi awo, kobikka maanza ako aali nguwe.

Atu kombe.

⁶⁷ Oyandwa Mwami Jesu, akube kuti mucizi wesu oyo uucisidwe cifumo cino, alimwi wawizuka mu kaanda, akube kuti luzyalo Lwako a bukozu a nguzu . . . mpaawo kubikkidwe maanza aali nguwe eno, kwiiminina Nduwe. Elyo Lugwalo lwaamba kuti, “Ezi zitondezyo ziyo batobela abo basyoma. Ikuti na babikka maanza abo aa balwazi, bayo pona.” Elyo lino akube kuti mucizi wesu azwe mu bulwazi obu, a kuba kabotu nkambo ka bulemu ibwa Leza. Mu Zina lya Jesu Kristo twa cilomba, a ku mutuula kuli Nduwe. Amenii.

⁶⁸ Lino amu mutole kuli luwo. Nku—nku yuminina kubyaaabi. Nda konzya ku kumvwa kuno, nkubi ncobeni, ncobeni. Nku limvwa buyo kuwizuka maningi, ano a cibumbili. Nda kumvwa, ziindi zyone na zyosanwe ano. Ikuti na kuli . . . mbwa tatalike kulimvwa kabotu aniini, baa, amu mutole oko nkwa konzya kujana luwo. Eco ncibotu. Uh-huh. Mwabona, nkubula muwo loko mupya mubotu, nywebo mulizi. Bantunsi bala lenga, umwi aumwi wesu, ma sikkweya fiiti manji loko a malwazi buyo.

Ikuti na ulijisi, muntu umwi ujisi maanzi kuya, na cintu cimwi cakubikka aali nguwe. Walo ngu—walo ngu ku, kwa lulama eno. Mwabona? Ncibotu. [Mukwesu mu mbunga wati, “Katu cijulide milyango, Mukwesu Branham.”—Mul.] Inzya, ndiza ikuti mwajula milyango, ndiza, na kupa buyo kusyoonto kwa luwo, kunji mbuli mbo cikonzeka, mu nzila imwi, mwabona.

⁶⁹ Lino mu ciindi eci, mbuli mbo Nda kajisi cilengaano eci, ku yeeya kuti Nda—Nda kazwa mu buumi obu kuya mu kupenzegwa.

⁷⁰ Elyo myeezi iili ciloba niyakainda, kuno ku Clark County Memorial Hospital, Nda kaba a kupandulwa kwabili. Elyo ku ciindi eco, cindi ni Nda kazwa, Nda yeeya kuteeti Nda kali kwiimvwi kubusena bwa Kumbo. Nda katambula cilengaano cimbi. Elyo kwakali ciingano cipati cangolide mu milengalenga, a Bulemu bwa Mwami kabukunka kuzwa ku ciingano eco. Elyo Nda kaima a maanza angu mbuli *boobu*, alimwi obo Bulemu bwakali kuwida mu kaango kangu. Elyo Nda . . . I cilengaano caka ndisiya. Bataata bakali kkede awo kaba ndilangide, cindi cilengaano nica kaboola.

⁷¹ Nda kamvwa lyoonse, yebo . . . Bantu boonse abo bandizyi myaka eyi yoonse, balizi lyoonse Nda kali kuyanda kuya Kumbo. Nywebo mulizi mbo cibede. Kwali cintu cimwi lyoonse Kumbo. Pele nkaambo kakuti silwiiyo lwa zintu zyakujulu waka ndaambila ciindi cimwi, cintu nciconya, kuti Nde elede kuya kumbo . . . I nyenyeezi, cindi zyakosola mikondo yazyo a zimwi zintu, Nda kazyalwa kungsi a citondezyo eco, alimwi kuti ni nda takazwidilila Kujwe; Nda keelede kuya Kumbo. Elyo mwaka wainda Nda kabweza lweendo, Kumbo, kuzulizya oko kuyandisya kwa ciindi cabuumi buliko, mwabona, ku—ku cicitu.

⁷² Nkaambonzi Ndili kuno? Ncintu cabufubafuba loko. Nke kkede kuya mu nkanda, nkebbadela madollar aali mwaanda ali kkumi mu mweezi, akubbadelela, alimwi kuno kuli ng’anda ili yakidwe awa, buyake bwa mupaizi, waka ndibambila njiyo, mwabona. Pele nkutobela Mwami, mwabona, oko—oko nku koonse nko Ndi zyi kucita. Elyo nywebo mulizi zilengaano a ceeco caka citika kubusena kuya. Lino—lino muli eci Ndi yanda kwaamba ku . . .

⁷³ Lino ikuti na mucizi wesu walimvwa kukompama aniini, Mukwesu Roy, alimwi inga waa . . . yanda ku mugwisya kuya kumwi a kumubikka mu kaanda awa, awo mpanga wajana luwo lunji na cintu cimwi, nkabela eco cili kabotu ncobeni, nkaambo, Ndi limvwa kuti ulaba kabotu eno, mwabona. Kuli kabotu. Waa wizuka buyo, kuciswa. Elyo aboobo Nda—Nda mwaambila, ikuti na waa . . . ikuti na uyanda kumuleta awa awo luwo . . . kojula mpulungwido ezi, Mukwesu Roy, elyo ikuti na mucizi uyanda kuboola kwiinda, eco—eco cili kabotu. Mwabona, ikuti na uyanda ku—ku boola awa, ee, uta yoowi buyo eco.

74 Ndi yanda kubikka maanza aali nguwe cindi aanda mumsi awa. Nyoonse amundijatile kwa kaindi kaniini. Elyo Leza andi jatile ku . . . Eco, kuli kabotu, mukwesu.

75 Taata Wakujulu, oyu mwana Wako musimbi awa ulikkede cifumo cino, nkabela waa boola kumvwa Mulumbe, alimwi waba. . . Saatani usola kumuuma kuzwa kuli ncico, pele ta konzyi kucicita. Ta konzyi kucicita.

Saatani takonzyi, mu Zina lya Jesu Kristo.

Ncibotu. Ee, mulyango oyo, Ndi yeeya kuti basyoonto . . . ? . . . bakwesu, mpawo luwo inga lwanjila kwiinda awa, kuli ndinywe.

76 Oh, nywebo mwaambaula zyakubula muwo loko mubotu mupya, mweelede kunjila mu masi aya amwi oko nko balundana buyo aatala aali umwi aumwi, kaba jisi cinsenda a kkulenge. Elyo, oh, ma, inga wayoya cabu yumuyumu, nywebo mulizi, mu zintu mbuli boobo. Kabakkede muli ngawo mayake mapati ncobeni, mwaka sofwarzigwa buyo a—a malwazi. Elyo nywebo mulizi eco cinsenda mbo cibede. Kuya, kabakkede kuya kakutakwe matwi, a masyu abo kaalidwe cisela, alimwi kwiina maboko, a mifunko ya kwiimika matende, a zintu mbuli boobo, kabakkede, kabalundene ali umwi aumwi. Elyo bunji bwabo kabali mukufwa ndyoonya buyo, kabakkede kubusena kuya, kuzwa kukulundana aali umwi aumwi, kusola kunjila mu busena bumwi, nywebo mulizi, kuti baswiilile Mulumbe.

77 Elyo lino—lino muli eci, Nda mwaambila eco cakacitika. Mu cilengaano eco nce Nda katambula, Nda jokela, nkaambo Nda leta eco, zilengaano zyobile mukati, ku mutondezya makani aa cimwi cazyo. Nda keelede kuba kubusena bwa Kumbo. Nda kasukamina lyoonse kuli oko.

78 Elyo eno, bukanze bwa Mulumbe kuseeni kuno nku zwidilizya mbungano, mu zintu zyoonse ezyo Nzya yondilekela kuzwidilizya mbungano, mbuli ku ciimo nce Ndi zyi, kusikila i . . . mbuli mbo Nde enda antoomwe. Elyo eci caka ndijata, aboobo Nda kali kuyanda kupa mbungano. Lino, eci nca cikombelo eci buyo, mwabona, okuno. Lino, alimwi mu cilengaano eci, cimwi citaanzi, nceeci eco cakacitika.

79 Cilengaano nica kamana kundijata, alimwi Nda kali kompeme maningi, elyo Nda kasweekelwa bulowa obo boonse, a kwiinka . . . Nda kayeeya kuti Nda kali kubbila mu Butamani butagoli. Bunji bwanu mwaka ndimvwa kwaamba eci kaindi, alimwi—alimwi kubbila mu Butamani butagoli. Kusaanguna, Nda kali kuya bwiinda mu makumbi, alimwi mpawo kwiinda mu mudima, a kubbila kuyabuya aansii, aansii, aansii. Elyo cintu citaanzi nywebo mulizi, Nda kanjila mu zilawo zya basweekede, alimwi muya Nda—Nda kakwiila. Elyo Nda kalanga, alimwi awo, zintu zyoonse buyo, kwakanyina ntalisyo kuli ncico. Tii

nda kakonzya kwiima kuwa. Kwa Butamani, mbo kwakaboneka, Nda kali kuwa. Kwakanyina kwiima, taakwe busena.

⁸⁰ Elyo mpoonya olo lwandaano mbo lwakabede kuzwa ku cilengaano nce Nda katambula kuno, kutali ciindi cilamfu cakainda, kuba mu Bulemu a bantu, lwandaano! Pele muli eci, mbuli mbo Nda kali kuwa, Nda kagola, Nda—Nda kakwiilila bataata. Mubwini, mukuba buyo mwana, eco ncencico nce Nda kali kunga ndacita. Nda kakwiilila bataata, nkabela bataata teeba kaliko. Alimwi Nda kakwiilila baama, “Muntuumwi andi jate!” Kwakanyina baama kuya. Nda kali kuyabuya buyo. Elyo Nda kakwiila mpoonya kuli Leza. Kwakanyina Leza kuya. Kwakanyina cintu kuya.

⁸¹ Elyo ni kwakainda kaindi Nda kamvwa kumvwika kwa koomoka nko Ndi tana sola kumvwa, alimwi kwakali kulimvwa kubyaabi. Kwiina nzila . . . Akwalo mulilo kuuyaka kwini inga caba cibotu ku lubazu lwa ceeco mbo cakabede. Lino zilengaano ezyo taakwe no zyaka lubide pe. Alimwi kwakali kumwi buyo kwa kulimvwa kuyoosya maningi oko nko Nda kasola kujana, a eco nci . . .

⁸² Nda kamvwa coongo, cakalimvwisya mbuli musyobo umwi wa i—i—i kucitika ku kandusya. Elyo cindi ni cakali boobo, Nda kalanga, kakuboola, elyo bakali banakazi. Elyo baka jisi zintu zya girini, buyo kukonzya kubona masyu abo, alimwi baka jisi zintu zya girini kungsi aa meso abo. Elyo meso abo akalangika mbuli kubilauka, mbuli banakazi sunu bapenta meso abo, kuzunguluka mbuli *boobo*, alimwi meso abo a busyu. Elyo bakali kuyabuya, “Ooh, ooh, ooh, ooh!” Oh, ma!

⁸³ Nda kakwiilisya maningi, “O Leza, ko ndifwida luse. Ko ba a luse, O Leza! Ino Uli kuli? Ikuti na Yebo wandilekela buyo kujoka a kupona, Nda Ku syomezya, kuba mulombe mubotu.” Lino, eco nce cintu cilikke nce Ndi konzya kwaamba. Lino, Leza ulizi, alimwi ku Buzuba bwa Lubeta, Uyo ndibeteka ku kaambo aako. Eco nce Nda kaamba, “Mwami Leza, ndilekele ndi joke, nkabela Njo Ku syomezya kuti Njo oba mulombe mubotu.”

⁸⁴ Elyo cindi ni Nda kadubulwa, Nda kaamba bubeji, Nda kacita kutandila zintu zyoonse ezyo zya keelede kucitwa, cintu comwe buyo eco nce Nda amba . . . Antela akwalo inga ndacisalazya buyo kuciindi ni Ndili ano lino. Elyo cindi ni Nda langa aansi elyo Nda kabona kuteeti ndaka zapaulwa mu bubili, kutandila, Nda kati, “Leza, ko ndifwida luse. Yebo ulizi kwiina ni Nda kacita bumambi.” Eco nce cintu cilikke nce Nda kakonzya kwaamba kuli Leza. Nda katambula kujatila Kwakwe, alimwi zintu ezi zyoonse. Nda amba buyo, konzya kwaamba, “Kwiina ni nda kacita bumambi.”

⁸⁵ Elyo mpoonya ba kandigwisya kuya. Elyo mpoonya, muli eco, Nda kalila, “Leza, ko ndifwida luse. Njo oba mulombe mubotu, ikuti na Uyo ndilekela kujoka,” nkaambo Nda kalizi

kuti kwakali Leza kubusena bumwi. Alimwi aboobo ndigwasye, zilenge ezyo zikatede koonse ku masena, Nda kali mweenzu buyo mupya. Elyo kulimvwa kubyaaabi loko, kuyoosya, kusesemya muli eco. . . Kuboneka mbuli meso mapati ncobeni, zikoye zipati mbuli *obo*, a kuzunguluka mbuli aa kaaze, mbuli kuzunguluka mbuli *obu*; a zintu zya girini, a mbuli cakaligwa na cintu cimwi.

Elyo ba kali—kali kuyabuya, “Ooh, ooh, ooh!” Oh, ino nkulimvwa! Lino cindi ni Nda. . .

⁸⁶ Mpoonya mu ciindi ciniini, Nda kajokela ku buumi bwa kunyama alubo. Eco cintu cakandi penzya. Nda kayeeya, “Oh, acibe kuti Nta kainki kubusena mbuli boobo; taakwe muntunsi uumbi oyo uuyosola kuunka ku busena mbuli boobo.”

⁸⁷ Kwiinde myeezi iili ciloba, Nda kaba a cilengaano kandimvwi Kumbo, alimwi kubona ciingano eco cangolide kaciselukila aali ndime. Elyo Nda—Nda kaziba kuti kwakali zilawo zyaba nyonyookede ku busena bumwi.

⁸⁸ Lino, Tii ndaka ziba maningi kusikila kutandila mvwiki zyone zyaında. I mukaintu. . .Kwiina kuyeeya mu ziimo ezyo. Kutandila mvwiki zyone zyaında, mukaintu a Ndime twa kaunka kunselelo ku Tucson, kuyo ula zintu. Elyo kuciindi ni twa kakkede. . . I mukaintu, twa keenda aa matantilo aansii, alimwi—alimwi mpaawo kwakali nkamu ya balombe bakompeme mbuli bamakaintu baka jisi masusu aabo kaapekema, nywebo mulizi, mbuli banakazi mbo bacita, alimwi—alimwi zikuti kazikamwidwe kuyaansi awa kumbele, elyo baka samide malukwe ayo aatala ncobeni, musyobo, Nda yeeyela basankwa bazilengwa zya mizyano ya jazi, na kufumbwa mbo mubaita. Elyo bakali mukati muya, nkabela bantu boonse bakali kubalanga, alimwi mitwe yabo yakali mipati *obo*, mbuli banakazi abo basama ezi kuno kugelwa kwa “nkata zyamasusu,” nywebo mulizi. Elyo ba kaselemukila kuya.

⁸⁹ Elyo mwanakazi mukubusyi wakakonzya kusika, nkabela waa kati, “Ino uyeeya nzi kujatikizya eco?”

⁹⁰ Nda kati, “Mpawo weelede kuusansoni kuli lwako, ikuti na inga wayeeya eco.” Nda kati, “Uli jisi buya nguzu zinji kucicita mbuli mbo cita. Kwiina umwi wanu uujisi nguzu.”

⁹¹ Aboobo Nda katanta matantilo aatala, nkabela Nda kakkala ansi. Elyo cindi ni Nda kacita, mpaawo kwa kaboola esikkaleta, yakali mu cintoole ca J. C. Penney, alimwi esikkaleta kiitansika bantu. Ee, Nda ka cimwa ncobeni, kubona banakazi abo kaba boola aatala kuya; bakubusyi, bacembeede, a batuncimwa, bakasutene lukanda, bakubusyi, a nzila zyoonse, kaba samide tubbudula tuniini; mibili yabo yatombe, abaabo banakazi baka samide cabwaamu, a mitwe eyo mipati mbuli *obo*, alimwi mpawo ba kaboola. Elyo umwi kaboola nkoonya kuzwa ku esikkaleta, kaboola nkoonya aatala mbuli boobo, awo mpo Nda

kakkede musule mu cuuno, kandi kkede awo a mutwe wangu kuugogomene aansii.

⁹² Elyo Nda kacebuka a kulanga. Elyo umwi wabo kaboola aatala lya matantilo wakali kwaamba, “Ooh,” kwaambaula ci Spanish, ku mwanakazi umwi. Waa kali mwanakazi mukuwa kaambaula ku mwanakazi wa Spanish. Alimwi cindi ni Nda kalanga, [Mukwesu Branham wanontola kanwe kakwe—Mul.] ndyoonya buyo Nda kacincwa. Kuya, Nda kali bwene kale eco kaindi. Meso aakwe, nywebo mulizi nzila banakazi mbo bacita eno, kupenta meso abo, cainoino buyo, mbuli kaaze, nywebo mulizi kucibikka mbuli *boobu*, alimwi kasamide magilazi a kaaze a zintu zyoonse, nywebo mulizi, a meso kaapakamene mbuli *boobu*, a zintu zya girini kungsi lya meso abo. Nceeco cintu calo nce Nda kabona cindi ni Nda kali mwana. Ngooyo mwanakazi mbubonya buyo. Elyo Nda kaba a cinywe buya koonse, a kutalika kulanga koonse, alimwi kwakali baabo bantu kabaamba mukumbuluma, nywebo mulizi, kuyabuya kulanga myuulo a zintu mu buyake. Elyo Nda buyo. . .

⁹³ Kwakaboneka mbuli kuti Nda kacincwa buyo mu kaindi kaniini. Elyo Nda kalanga, alimwi Nda kayeeya, “Ezyo nze Nda kabona mu gehena.” Mbaabo mbo bakabede, eco cilonda. Nda kayeeya nkaambo bakali mu gehena omo mwaka babamba kuba munzila eyo, bube bwagirin-bbulu kungsi lya meso abo. Elyo mpaawa kwakali banakazi abo kaba pentedwe a bube bwagirini-bbulu, nzila buyo eco cilengaano mbo ca kaamba kutandila myaka iili makuni one yakainda.

⁹⁴ Mwabona, kutandila myaka iili makumi one yainda, mbo cakabede. Ndili makumi osanwe ayone; Nda kali kkumi ayone. Aboobo kutandila myaka iili makumi one yakainda, Nda. . . Elyo eco i—i. . . Oyo ngo mweelwe, nekuba, wa lubeta, nywebo mwabona. Lino kwakali. . .

⁹⁵ Nda kabona eco alimwi Tii ndakali kukonzya akwalo kwaambila mukaintu wangu cindi nakasika. Waa kali kuya kasola kuulila Sarah a bana zintu zimwi, kubaanga i—i dressi na cintu cimwi caku cikolo, alimwi Tii—Tii ndaka konzya akwalo. . . Tii ndaka konzya akwalo kwaamba kuli nguwe. Waa kati, “Bill, ino ndipenzi nzi kuli nduwe?”

Nda kati, “Oyandwa, Ndili mbuli. . . Ndi tandila kuba muntu uufwide.”

Elyo waa kati, “Ino ndipenzi nzi? Sena wa ciswa?”

Nda kati, “Peepe. Cintucimwi cazwaa kucitika.”

⁹⁶ Lino tazi pe. Waa kali kulindila teepu eyi kubweeda. Ta ndina caambide ku muntu naba omwe. Elyo Nda kayeeya kuti inga Nda lindila, mbuli mbo Nda kasyomezya, ku cileta ku mbungano kusaanguna. Mwabona? Kuci leta ku mbungano. Eco cakali cisyomezyo cangu. Alimwi muyo mvwisya, masiku

sunu ainda, ikaambo nco Ndi sola kubamba cisyomezyo cangu. Mwabona?

⁹⁷ Nda kayeeya mpawo, mbuli mbo Nda kabona alo meso aakali kuboneka kuligwa ku zilonda aali mbabo banakazi. Kwakali ba Spanish, ba French, a ba India, a bakuwa, a boonse antoomwe, pele eyo mitwe yabo mipati ncobeni, nywebo mulizi, kaikwazeme, a bubambe obo bwa masusu, nzila mbo baakamuna mu cikata cipati kuya kusule, nzila mpati, alimwi mpawo zyalibonya. Nywebo mulizi, nywebo mulizi mbo bacicita, kucibamba mbuli mbo bacicita. Elyo mpoonya alo meso aakali kuboneka kuligwa ku zilonda, a meso kaajisi penti, akali kuzunguluka mbuli meso aa kaaze. Elyo balo kabaambaula, alimwi mpaawo Nda kaliwo alubo, kandiimvwi kuya mu cintoole ca J. C. Penney, kujokela mu gehena alubo.

⁹⁸ Nda—Nda—Nda kayoowa maningi. Nda kayeeya, “Mwami, nincobeni Ta ndifwide pe, alimwi Wa ndi lekela kuboola ku busena obu nekuba.”

⁹⁹ Elyo mpaawo bakaliko, kabapanga . . . koonse buyo mbuli obo, mu cilengaano eco kuboneka, inga wakonzya kucimvwa buyo kusyoonto a matwi ako, nywebo mulizi. Kwaamba mukumbuluma buyo a kuzumanana, aa bantu, elyo balo banakazi ka baboola aatala mu esikkaleta eyo a kweenda koonse awa, a kuti, “Ooh, ooh!” Ngaayo alo meso, aakali kuboneka kugambya aa girini, ca koomoka.

¹⁰⁰ Elyo mukaintu wakaboola. Elyo Nda kati, “Kondileka buyo endikke kwakaindi kaniini, oyandwa.” Nda kati, “Ikuti na ulayanda, Ndi—Ndi—Ndi yanda kuya ku ng’anda.”

Elyo waa kati, “Sa waciswa?”

¹⁰¹ Nda kati, “Peepe, ko zumanana buyo, oyandwa, ikuti na ujisi zya kuala zili zyoonse zyakucita.”

Waa kati, “Peepe, Nda manizya.”

¹⁰² Elyo Nda kati, “A ndi kujatilile ku kuboko.” Mwabona? Elyo Nda keenda kuzwa.

Waa kati, “Ino ndipenzi nzi?”

Nda kati, “Meda, Nda—Nda—Nda . . . Cintucimwi cacitika kutala kuya.”

¹⁰³ Elyo kuciindi ni Nda kali kungsi aceeco, Nda kayeeya eci, “Ino mbuzuba nzi mbo tuponamo? Sena oku inga kwaba Kukwelwa Kwatatu?” Lino Ndi jisi bulembo bumwi awa.

¹⁰⁴ Jesu. Tu jana kuti, Jesu, mu mulimo Wakwe, Na kamana ku kambauka ku bantu. Lino tu yooba a Lugwalo ncobeni aali eci. Jesu naka manizya mulimo Wakwe, nkabela mulimo Wakwe wakakakwa ku bantu. Lino muyo bala aakati ka mizila, kuti mubambe muzeezo wanu nobeni. Amuyeeye eco nce Nda kamwaambila ku matalikilo. Na Ka mana ku kambauka . . .

¹⁰⁵ Wa kaboola mbuli Umwi waka syomezegwa wa buzuba obo. Toonse tulizi eco. I Magwalo akazibya Jesu Kristo kuba Mesiya. Mbo mbubo. Cakumaninina, cakukakatila, kasimpikizigwa kuli Leza a Ijwi Lyakwe, kuti Wa kali Mesiya. Kwakanyina mubuzyo. Ikuti na kufumbwa muntu wakaubuzya, ikuti na wacita, mpawo weelede kuboola ku cipaililo, cakuti, “Ta kali Mesiya.” Wa kalizibya cantangalala kuba Mesiya. Pele Na kamana cantangalala . . . Leza waka Mu zibya.

¹⁰⁶ Mbuli Petro mbwa kaamba aa Buzuba bwa Pentekoste, cindi na kali kwaambaula kuli ba Sanhedrini kuya, kuli one. . . kutandila mazuba one nakainda. Wa kati, “Jesu waku Nazareta, Muntu wakatondezegwa aa Leza aakati kanu kwiinda ku zitondezyo a zigambyo, ezyo Leza nzya kacita kwinda kuli Nguwe aakati, kwalo toonse tuli bakamboni. Mwabona? Nywebo mwaka mubweza, a ku maanza anu mabi, a kubambula Mwaami wa Buumi; walo Leza ngwa kabusya, a kutondezya zintu ezi nzo mubona.” Mwabona? Kristo wakazumanana kupona. Mu bwini, ucipona sunu.

¹⁰⁷ Lino Jesu nakamana kusika cantangalala, kalizibya Mwini; Leza waka Mu zibya, alimwi Wa kasinsima. Elyo mazuba nakamana aa businsimi Bwakwe, nekubakuti waka tondezegwa mu nzila yaku Lugwalo, bantu baka Mu kaka. Mbo mbubo. Elyo Wa kakambauka mpawo niba kamana ku Mu kaka awa, bamwi abo baka jisi ciimo cakali kukonzeka ku futulwa. Amuyeeye, cindi Na kali kukambauka, kwakali ciimo cakali kukonzeka ca muntu uuli oonse kufutulwa. Ta tuzi abo na bakali bani. Bali kanzidwe. Pele Wa kakambauka cakuzumanana.

¹⁰⁸ Pele mazuba nakamana aa kukambauka Kwakwe, mulimo Wakwe wakazumanana, nkaambo nkamu ya mamanino Nja kakambaukila yakali ku buntu bwakali mu gehena, eyo yakatakwe bujatile. Nda bala caantangalala kuzwa ku Bbaibbele awa, kuzwa kuli Petro Wabili. Mwabona? Wa kaunka a kukambauka ku buntu obo bwakali mu ntolongo, obo buli ngu gehena, bwakajalilwa mane ku Buzuba bwa Lubeta.

¹⁰⁹ Nkaambo, nywebo mwabona, Lubeta taluli ino, alimwi taakwe gehena iiyaka lino. Muntu umwi wakwaambila, “I mulombwana uli mu gehena iiyaka lino,” eco cili lubide. Mwabona? I mubetesi wa nyika eyi uuleelela kwini kuta pa mulandu ku muntu kusikila waletwa lutaanzi ku kusolekwa. Alimwi Leza kwiina nayo waala muntu mu i—i bbila lya mulilo kusikila lutaanzi wapegwa mulandu ku milao ya Leza Mwini. Wa kakaka luse, aboobo, nywebo mwabona, weelede kusaanguna kuba a kusolekwa, alimwi kusolekwa ndu Lubeta lwa Cuuno cabwami Cituba Cipati. Pele lino uli mu busena butegwa ng’anda ya ntolongo.

¹¹⁰ Mbuli mbo Nda kabona cilengaano ca masena obile, alimwi ku luzyalo lwa Leza. . . Nda amba eci kuta sanku cintu

cisetekene, alimwi, ikuti cili lubide, Leza andi jatile. Nda syoma Nda kali mu masena obile, mwabona, mu masena obile. Elyo Nda kabona bakanununwa, balelekedwe; alimwi Nda kabona basweekede, alimwi awo mpo bakabede. Elyo ako nke kaambo nce Nda ima mbuli munyoko, sunu, ku mucenjezya kucija kuzwa oko ku kazila kayaansi. Muta inki mu mugwagwa oyo. Alimwi muli jisi zintu zyoonse zya kuponena, eyo nzila iyaatala, oko bakanununwa nkobali mu lutangalo a luumuno, nkabela ta bakonzyi kubisya. Ta bakonzyi—bakonzyi kuusa. Ta bakonzyi. Kuya, kuya kwiina cintu; bali londokede. Kabona masena obile! Ndi lizi kuti aako nkaambo katabotelezyi ku muntu ku bamba, pele, Leza mukuba Mubetesi wangu, Nda syoma cakusinizya kuti Nda kabona masena obile. Nda—Nda syoma eco.

¹¹¹ Elyo, oh, nkule maningi ku muntu uuli oonse kusola kunjila zilawo ezyo zya basweekede! Ikuti nimwali kwiimvwi a mawaya aapya kadonkwedwe kwiinda muli ndinywe, kupenzegwa mu nzila zyoonse, inga tii caba mbuli obo dyabulosi kapenzya muya mu busena obo. Inga tii kwaba cintu cikonzya. . . Mizeezo ya muntunsi tiiya kakonzya, mizeezo ya muntunsi tiiya kakonzya kumvwisya ezyo zilao izya basweekede mbozibede. Kwiina nzila ya kucipandulula. Alimwi kwiina nzila ya kupandulula ezyo zilawo zya balelekedwe mbo zibede, nzya bulemu loko. Oko kula yoosya maningi, alimwi Oku nkulemu maningi—maningi, cizwa kubufuba kuya ku bubotu loko. Aboobo ikuti na muntu uuli oonse wa ndimvwa. . .

¹¹² Elyo Ndiya buya buba mwaalumi mudaala. Ta ndizi obo kunji ciindi nce Ndi jisi. Ndi yooba myaka iili makumi osanje ayosanwe yakukomena cainoino. Alimwi Ta—Ta ndizi pe, kweendelana ku bulenge, ndiza ta Ndi jisi myaka minji. Ta ndizi oko teepu eyi nkoiya kuya. Pele amuleke bantu boonse bamvwe, kuno a ku teepu, na kufumbwa kubusena nko inga yaunka. Muta inki ku zilao ezyo zya basweekede. Nywebo tamu konzyi kumvwisya gehena kuba mbyaabi obo. Elyo kufumbwa cintu nco mucita, muta soli kujana kufumbwa. . . kuluba eci, kuti zilawo zya balelekedwe. . . Inga ndaamba eci, a Musalali Paulo, “Meso tana bona, matwi tana kumvwa, na kuteeti cakonzya kunjila mu moyo wa muntu, eco Leza nca jisi mu ciyobwedo cabaabo ba Mu yanda.” Aboobo amwiime, ikuti na mula swiilila ku teepu, amu zime muncina, a kweempwa ikuti na tamuna kufutulwa, a ku lulama a Leza.

¹¹³ Nda amba eci kwiinda ku luzibo lwaciimo citaanzi, mbuli mbo Ndi syoma mu moyo wangu. Elyo Nda amba, ikuti ezi, ikuti zilengaano zya ndicenga, Leza andi fwide luse kupanga kaambo mbuli oko. Pele a kusinizya mu moyo wangu, kuziba kuti taakwe cimwi ca zilengaano cakasola kukakilwa, Nda syoma kuti Nda kali mu masena obile. Kutabi obo ku muntunsi uuli oonse kuunka mugwagwa oyo uyaansi!

114 Lino, Jesu, Na kamana mulimo Wakwe, kakambauka ku buntu obo bwakatakwe bufutule, bwakatali kukonzya kufutulwa. Lino Bbaibbele lila twaambila eco. “Wa kaunka a kukambauka ku buntu obo bwakali mu ntolongo, obo bwaka teempwa.” Cindi luse ni lwa kapegwa kuli mbubo, bwaka kaka luse, alimwi eno bulindila Lubeta. Oh, ino cakeelede kuti cakali ciindi! Oh, Ndi lombozya kuti nikwakali nzila imwi nje Ndi konzya kuzungaanya nyika kuli eco, ku babamba kubona kasimpe mbo kabede.

115 Elyo Jesu wakati, Mwini, “Mbuli Taata mbwa ka Ndi tuma, ambebo Nda mutuma.” Elyo mbuli Taata mbwaka Mu tuma ku kambauka ku i—i bapona, kuli baabo baka jisi bulangizi, alimwi mpawo kupa Mulumbe nguonya kuli baabo batakajisi bulangizi, ci boneka kweelela, ku ciindi eci, kuti eco ceelede kuyo citwa, nkaambo Muuya wa Kristo uupona muli ndiswe tau cinci bupange Bwao, na kutacinca cilengwa ca Leza. We elede kuba mbubonya mu mazyalani oonse. We elede kuba mbubonya. Kati, “Mbuli Taata mbwaka Ndi tuma, ambebo Nda mutuma.”

116 I milimo yeelede kuba mbubonya, cakuti walo oyo Wa kaamba. . . Nda bona nobamwi mulemba Magwalo aa mapepa. Musalali Johani 14:12, “Oyo uusyomo Ndime, imilimo Nje cita uyo icita ayalo.” Mwabona, “imilimo,” kukambauka ku basweekede, kuponya balwazi, alimwi mpawo kuli batakonzeki kusola kufutulwa. Mwabona? I mulimo waka zumanana mbubonya buyo. Aboobo, oyu mbowa kabede, (mbowa kabede na?) a Ndi cibikke mbuli boobu, mulimo wa Jesu Kristo waba mu buntunyama alubo mu Mbungano Yakwe mu buzuba obu bwa mamanino. Eco ncencico bunji bwesu nco tusyoma. Nda syoma antoomwe a ndinywe. Nda syoma eci. Ikuti na ta Ndi cisyomi, inga Nda cita cintu cimwi cimbi kujatikizya ncico. Nkaambo, kakuli, eci ndime kujati- . . . eco cijatikizya makani a mukati muno. Elyo ikuti na Muuya wa Leza uli muli nduwe, ula bikkila maanu ku bantu.

117 Kwakali Lugwalo olo lwa kandinyonganya lyoonse, nzila eyo Musa nja kakonzya kwaambila Leza muzeezo mubotu kwiinda wa Leza ngwa kajisi, kusikila Nda kajana kuti wakali Muuya wa Kristo muli Musa. Mwabona?

118 Leza wakati, “Musa, lyandaanye kuzwa kuli mbabo. Njo nyonyoona cintu mbo cizulwa, a kutalika a nduwe.”

119 Wa kati, “Mwami!” Wa kali waala aakati, kati, “Ko nditola. Kozimaazya zina lyangu.” Ku bantu aba mbabonya abo bakapapa, moyo wakwe waka bayanda. Mwabona?

120 Elyo cindi mukambausi walo uujisi bantu ku moyo wakwe. . . Mbobuti mbwe Ndi konzya kusola kululamika kwangu. . . kumbele lya Leza, a kuli lwangu, ku sola kusisa cintu cili coonse ku bantu abo mboyanda maningi kwiinda mbo liyanda. Mbobuti mulombwana mbwa konzya kubweza busena

bwa muntu mu mbungano kwiinda ku kusangana kwaku janza, na kusansaila kumwi, na lubapatizyo lwa bubeji lumwi, na cintu cimwi, aku balekela kaba bambidwe kubweendelezi i—i bwa koongelezegwa kwa bubeji a kuziba kuti Bbaibbele lilibikkidwe awo, alimwi kwaamba kuti ula muyanda muntu?

¹²¹ Nekubakuti Nde elede kukumbilila kujana ca kuponena, kufumbwa cintu mbo cibede, andibe uusyomeka kuli Leza a bantu, ku baambila Bwini. Kuta ndilekela kuba mucengi. Mbobuti mbo Ndi nga ndacenga oyo Ngwe yanda? Nekubakuti Nda bacisa, nekubaboobo Nda bayanda. Ako nke kaambo ncobakula mwana wako a lubayi, ngu kaambo kakuti ula muyanda. Kutali kuti tomu muyandi pe; nkaambo ula muyanda. Ikuti na walubila, uyofwa ikuti na teewa mululamika.

¹²² Lino, mbubonya mulimo mbo wakabede. Mbuli mbo kwa kabede, mbubonya mbo kubede sunu. Wa kakambauka, a kusimpikizigwa cakumaninina a Ijwi lya Leza, akuti takonzyi kuba muntu, weelede kuba Leza. We elede kuba. Amubone, zitondezyo nzizyonya zya kumuuya ezyo Jesu nzya kacita, zya loolola aa nyika mu mazuba aya amamanino. I citondezyo nciconya ca kumuuya eco caka Mu zibya Mwini kuba Mesiya, ca Mu zibya sunu. Walo ucili Mesiya! I zitondezyo nzizyonya zyakunyama zyalibonya aa nyika, ezyo zyakalibonya kwiinda kuli Nguwe, obo Mbwa kabede. Nguonya Musumpululu wa Mulilo uulya Musalali Paulo ngwa kabona, Umwi nguonya, zyoonse ezyo zyaloolola a bulenge mbubonya muli ncico, kucita cintu nciconya.

¹²³ Jesu waka taminina kuti Ta kali kukonzya kucita cintu cita Taata waka Mu tondezya. Elyo Taata ngu Muuya Uusalala, tula mvwisya eco. Walo mulimo buyo wa Leza. Ikuti na tacili obo, mpawo nguuli umwi wabo Wisi wa Jesu Kristo? Jesu wakati Leza wakali Wisi Wakwe, alimwi Bbaibbele lyakati Muuya Uusalala wakali Wisi Wakwe. Lino, yebo tokonzyi ku Mu bamba kuba mwana wamusokwe, aboobo Muuya Uusalala ngu Leza, aboobo Jesu wakali Leza. Aboobo, Leza, Taata, Mwana, a Muuya Uusalala ngu... Walo ngu i... Eyo milimo yotatwe ya Leza omwe. Bwalo mbube botatwe, Leza nguwenya.

¹²⁴ Yebo uli cibeela ca Leza, alimwi Ndi cibeela ca Leza, mwabona; pele Ta ndili Leza oonse, alimwi ayebo toli Leza oonse. Mwabona? Mwabona? Bwalo mbube bwa Leza aali ndiswe, mbuli bana bakatambula bwana kwiinda kuli Jesu Kristo. Walo, Leza Mwini wakaba mu mubili wabuntu, ku fwida ndiswe.

¹²⁵ Lino, Muuya Uusalala lyoonse waka Mu tondezya zintu zyakali kuza, alimwi Walo kwiina nakalubide pe. Wa kali londokede lyoonse. Sa obo mbombubo? Taakwe nakali bwezela kulumbaizigwa Mwini. Wa kapa kulumbaizya kuli Leza. Wa kati, “I Mwana taakwe ncakonzya kucita muli Lwakwe cita eco

Nca bona Taata kacita.” Elyo Taata, Muuya Uusalala, wakali Wisi Wakwe. Sa obo mbombubo? “Josefa, yebo o mwana wa Davida, uuta yoowi kuli bwezela Maria mukaintu wako, nkambo Eco cimitidwe muli nguwe nca Muuya Uusalala,” walo wakali Wisi Wakwe. Elyo Muuya Uusalala wakatondezya Jesu zintu ziciza, ka Mwa ambila zintu zya kaliwo.

¹²⁶ Elyo Wa kali Leza-Musinsimi. Nkaambo, Ijwi lya Mwami liboola buyo ku musinsimi; kutondezya kuti Majwi akaboola, mu ciimo caansi, basinsimi bakalemba eco Mwami nca kabaambila. Pele Walo taakwe cintu nca kalemba, nkaambo Wa kali Ijwi. Wa kali Ijwi.

¹²⁷ Amuzibe, nguonya Muuya Uusalala oyo wakapona muli Nguwe, “Nekubaboobo kaindi kaniini, a nyika taici kandiboni limbi; nekubaboobo nywebo mula Ndi bona, nkaambo Njo oba a ndinywe, akwalo muli ndinywe, kusikila ku mamanino aa nyika. Njo boola kuli ndinywe,” Wa kaamba. “Njo,” wakali Taata oyo wakali muli Nguwe, “oyo uyo boola aali ndinywe.” Elyo Wa kati, “Cindi Muuya Uusalala waboola aali ndinywe, Uyo yubununa zintu ezi nze Nda kamuyiisya, alimwi uyomu tondezya zintu ziciza.” Nceeco we lino.

¹²⁸ Lino tula bona, kuti mbuli Muuya Uusalala mbowaka beleka mu Mbungano kaindi, mbubonya Muuya Uusalala wacita ncobeni zintu nzizyonya sunu; kwaambilizya kwiinda ku Musumpululu wa Mulilo, mbubonya buyo mbo cakabede kumatalikilo, cintu nciconya. Elyo kubona eci kuboola ali Jesu, Johani waka caambilizya ku mulonga wa Jordano. Elyo watondezya zintu zyoonse, azyalo zifoto zyasayansi zya ncico. Ta cikonzzyi kukazigwa. Cakali casayansi. Cakali cintu cabwaampe. Tii cakali muzeezo wakuyeyela buyo. Tii lwakali lwiyo lwakukwabana mizeezo. Mbuli George J. Lacy mbwa kaamba, “I liso lya muncini wa kkamera talikonzyi kukkopa kulilemeka kwa mizeezo. I Mumuni wakauma lensi.”

¹²⁹ Elyo ino kujatikizya nduwe, mbungano, kuti kutandila myeezi iili cisambomwe na lusele yakainda kuno, alimwi kandiiimvwi kuno, nkeyamba, “Ngu MBUBOBU MBWA AMBA I MWAMI, kuti Ndiya ku Tucson, Arizona. Ku yooba kubbotoka, nkabela Baangelo bali ciloba bayo libonya.” Nywebo mula yeeya na? [Mbunga yaamba, “Ameni.”—Mul.] Kutali akwalo... Leza kacibamba kuba kasimpe maningi kusikila magazini ya *Look* yaka bweza zifoto zyaco. Cakumuuya, kwakabonwa kumbele, kaba cintu caampwa mbubonya buyo kukozyanya, Baangelo bali ciloba, abo bakaleta kumanizya kwa Magwalo oonse. Nkaambo, oonse makani aasisidwe aa Bbaibbele lyoonse alede mu Zinatizyo zili Ciloba. Tu lizi eco kuti Eco cili i—i Bbuku, cinamatizyo Calyo, a Eco cakeelekwa bweelene koonse. Ngu makani aasisidwe aa Bbuku lyoonse, alede mu Zinatizyo ezyo zili Ciloba, ezyo Mwami nzyaka tulekela kuleta.

¹³⁰ Elyo kuli baalumi bakkede awa, sunu, bakaliko ncobeni kuya a ndime cindi nica kacitika. *Look* magazini yakatondezya cintu nciconya, kuti ca—ca kacitika mubwini. Nkaambo, Wa kali Leza waka caamba. Wa kali Leza waka zwidilizya Ijwi Lyakwe, ku Li cita cindi Na kaamba kuti Uyo cicita. Aboobo, tali muntu umwi, sinyama mbuli lwangu, oyo uuli aakati ka ndinywe no bantu. Ngu Leza Utamani.

¹³¹ Walo ubelesya bantu. Obo mbwini. Ta citi cintu kunze lya ceeco Nca cita. Tula ziba eco. Walo, oyo Wakwe—oyo mwiiminizi Wakwe. Oyo ngonguwe Ngwa kasala. Baa, Ta ndizyi. Na kakonzya kubamba zuba ku kambauka Makani mabotu. Na kakonzya kubamba guwo ku kambauka Makani mabotu. Na kakonzya kubamba guwo kucita zintu, pele Wa kasala bantu.

¹³² Eyo wakali muyeeyo Wakwe, kuti muntusi inga waamba alimwi ku muntusi; kutali mwini, pele, “I Ijwi lya Mwami lya kaboola ku basinsimi,” basikusinsima, i bakambausi. Elyo sikusinsima oyo uukaka Ijwi taanzi, mbobuti mbwakonzya kuba musinsimi wabwini? Mwabona? Ta konzyi kuba, nkaambo uukaka Bwini bwa Ijwi. Elyo mpoonya kuti taciciti, mpoonya Ijwi eli, Lini, mbuli Mbo likambaukwa mukasimpe ka Ijwi a kwiinda mukasimpe ka Muuya Uusalala, Liyo yubulula zisyomezyo zyoonse ezyo Nze lyakasyomezya. Eyo nje nzila mbo tuziba naa cili luleme na pe. Eco ncencico Jesu nca kaamba, “Ikuti na Ta ndiciti eco cilembedwe kwa Ndime kucita, nkokuti muta Ndi syomi.” Mwabona? Lino tula bona zintu ezi.

¹³³ Amwiibaluke, Zinamatizyo zili Ciloba zya kamanisigwa, alimwi cindi oto Tusimpe tuli ciloba twaka yubununwa . . .

¹³⁴ Bumwi bwa mbubo, Ta katuzumizya kuziba. Tu . . . Mbangaye bakali kuno ku Zinamatizyo zili Ciloba, a kumvwa? [Mbunga yaamba, “Ameni.”—Mul.] Nyoonse nywebo, Nda yeeyela. Mwabona, i—i Cinamatizyo ca Ciloba, Ta kacizumizya.

¹³⁵ Wa kaima nkoonya kuno mu kaanda a kuyubununa cimwi acimwi cazyo. Elyo ikuti na Nda kasola kukambauka cintu cili coonse mu buumi bwangu, caka nanikidwe, cakali eco. Elyo ceelede kuba bwini, kuli ndinywe. Kandiimvwi awa a ku mwaambila kuteeti ciyo citika, a kuunka ncobeni kuya, a yalo sayansi a zintu zyoonse zimbi, kubbutukizya kwasayansi a zintu zyoonse, makani aasisidwe ku bantu, katondezya kuti caka citika nkoonya kuya. Elyo kajoka ncobeni a kucimvwa kaciyubununwa, a kubamba Ijwi lyoonse kululama ncobeni. Ino mbuzuba nzi mbo tupona? Tuli aali?

¹³⁶ Elyo amwiibaluke, mu Cinamatizyo eco ca Cisambomwe, oko, Myeembo yoonse ili Ciloba yakalila kungsi lya Cinamatizyo eco ca Cisambomwe. Cindi kwasika kuli eco, muyo bona eco. Yoonse (ciloba) Myeembo yakacitika mu Cinamatizyo eco ca Cisambomwe.

¹³⁷ I ciloba lyoonse makani aasisidwe. Amulangilile eco ciloba, oko nkumana. Oko kwakali Kuboola kwa Mwami. Julu lyakali zii, lyaka luumwine wii, taakwe muntu wapakuta. Nkaambo, Jesu wakati Mwini, “Kutali walo Angelo waku Julu uulizi cindi ne Ndi bweeda. Ta ndizi ambebo, Lwangu, na nciindinzi. I Taata wabikka eco mu muzeezo Wakwe.” Leza alikke uli cizyi, i Muuya. Kati, “Ta ndi cizyi.” Mpawo, kwiina nocaka yubununwa. Cindi Mweembo oyo wa Ciloba niwa kalila. . . na Angelo wa Ciloba, i—i Cinamatizyo cakajulwa, mpawo kwakali luumuno mu Julu. Mwabona, tii caka yubununa maseseke, eco ciyo citika.

¹³⁸ Pele kungsi lya Cinamatizyo ca Cisambomwe, oko Myeembo eyi nkoya kajuka. Amwiibaluke, kungsi kuya, tu jana kuti Kabelele wakaboola, wakabonekela aa cilao. Wa kasiya Cuuno ca Luse. Mulimo wakwe wa lununuko wakali manide. Elyo Wa kaboola a kubweza Bbuku kuzwa ku janza lyalulyo ilya Nguwe waka kkede aa Cuuno cabwami, nkabela “ciindi tiicaka ciliko.” Elyo mpoonya buyo angelo wakalibonya mu capita yaciloba, na capita 10 a kampango ka 7, kaamba. . . Oyu Angelo wakaseluka a kukonka, kuti, “ciindi tiicaka ciliko limbi.”

¹³⁹ Pele, nywebo mwabona, mu Bbuku eli mwakali abo bakanununwa. Lya kali Bbuku lya Lununuko. Elyo zintu zyoonse ezyo Nzya kanununa zyakali lembedwe mu Bbuku eelyo. Boonse abo Mba kafwida bali lembedwe mu Bbuku, alimwi Ta kakonzya kusiya Cuuno Cakwe cakukombelezeyza kusikila Wa kanununa cakumaninina. Elyo Ta kakonzya ku cinununa aa ciingano, nkaambo bakali kanzidwe mu Bbuku lya Buumi ilya Kabelele, nkabela Wa keelela kukkala Awo kuti akombelezeyze kusikila oyo muntu wamamanino waka manizigwa. Bulemu!

¹⁴⁰ Pele buzuba bumwi Wa kabuka kuzwa Awo, kalibonya. Mpaali Bbuku mpo lyakabede? Lya kacili muciiimo ca Mukamwini, Leza Singuzuzyonse. Elyo Johani wakalanga koonse, nkabela wa kalila, nkaambo kwakanyina muntu akwalo wakali kweelela kulanga aa Bbuku alimwi, kapati, kujula Zinamatizyo, ku yubununa ayo makani aasisidwe mbwa kabede.

¹⁴¹ I makani aasisidwe akali mu Zinamatizyo zili Ciloba. Cindi Zinamatizyo ezyo zili Ciloba ni zyaka julwa, ezyo zyaka jula Bbaibbele mbolizulwa. I Zinamatizyo zili Ciloba; Lya kanamatikwa a Makani aasisidwe aali Ciloba, alimwi mu Zinamatizyo ezyo zili Ciloba mwaka li makani aasisidwe oonse aa Ndilyo. Elyo lya kali Bbuku lya Lununuko, Cizuminano Cipyaa.

¹⁴² Kutali Cakaindi. Ca kaambilizya buyo nkambo ka Cizuminano Cipyaa. “Ba kabambwa. . . taba konzyi kulondolwa kakutakwe ndiswe,” ba Hebrayo 11. Mwabona? Mwabona? Lino, lununuko lwa kaboola buyo cindi Munununi nakafwa. Elyo bakali kungsi lya bulowa bwa tubelele kumwi kale, kutali Munununi; tiiba kalina nununwa, kusikila Munununi nakasika.

143 Amubone eno cindi oyo Munununi...Johani wakalanga koonse, alimwi mpaawa Leza wakali kkede aa Cuuno cabwami, kajisi Bbuku mu janza Lyakwe, elyo lyaka namatikidwe a Zinamatizyo zili Ciloba, a makanze oonse a lununuko akali muli ndilyo.

144 Elyo lya kasweeka kwiinda ku mukowa wabantu, Adamu. Elyo Leza...Lya kajokela kuli? Saatani taakali kukonzya kulitola; wa kamucitya buyo kuti lisweeke. Pele nkokuli Bbuku nko lyakaya mpawo? Tii lyakali kuzulilwa ku mukowa wabantu. I zilongezyo tii zyakali kuzulilwa kuno; kuno mukowa wabantu wakali sowa. Aboobo lyaka jokela nkoonya kuli Mukamwini mutaanzi, oyo wakali Leza.

145 Mpaawa Wa kali kkede a Ndilyo, alimwi Wa kaitila mwaalumi umwi, muntuumwi, kuboola a ku Li taminina.

146 Johani wakalanga koonse, nkabela kwakanyina muntu mu Julu, kwakanyina muntu aa nyika, taakwe muntu, taakwe Angelo, kwiina cintu cakakonzya kubweza Bbuku na kuvungulula Zinamatizyo, na akwalo kulanga aali Ndilyo. Kwakanyina muntu wakali kweelela. Johani wakati wa kalila cakubijilwa.

147 Mpoonya Angelo waka muboolela, kati, "Uta lili, Johani, nkambo Mulavu wa Mukowa wa Juda wazunda, alimwi Walo uleelela."

148 Elyo Johani wakalanga kubona kabelele...na kubona mulavu, elyo ino wakajana nzi? I Kabelele, alimwi kakali Kabelele kakazwide Bulowa, Kabelele ako kakajayigwa. Ciindi cilamfu buti? Kuzwa ku matalikilo aa nyika.

149 I Kabelele kakaboola, kakeenda kumbele kuli Nguwe oyo wakajisi Bbuku mu janza Lyakwe lyalulyo, a kutambula Bbuku; wakatanta aa Cuuno cabwami a kukkala. Nce ncico. Kwa kamana (ciindinzi?) cindi Zinamatizyo nizya kayubununwa. Ciindi umwi wamamanino, kuteeti zintu zyoonse ezyo Nzya kanununa, kwakanyina cintu... .

Wa kaboola kunununa.

150 Wati, "Nkaambonzi Nca takaba nununa myaka iili makumi one yakainda? Myaka iili zyuulu zyobile zyakainda?"

151 Mwabona, mazina abo ali mu Bbuku lya Buumi, mu Bbuku eelyo. Elyo Wa kacita kwiima kuno, nkaambo akali makanze aa Leza ku banununa. Mazina abo akabikkwa mu Bbuku lya Buumi ilya Kabelele kakutanaba matalikilo aa nyika. I Kabelele kaka bikkwa a ndilyo, ku jaigwa. Mpaawa waboola Kabelele, cindi naka jaigwa, kajoka kuyo bamba kukombezezeza.

152 Amu Mu langilile! Kuyooba kulikozyanisya kunji, kunji kwa zintu zyoonse zimbi, pele kuli muntu umwi wakeelede kuyo futulwa, nkambo Walo... .I Mbungano yakakanzwa kuba kaitakwe kampenda na kaimba. Iyo oba Kuya. Elyo Kabelele

wakafwida bukanze obo. Alimwi mpawo cindi zina lya mamano aa Bbuku eelyo lya kanununwa, Kabelele wa kaboola a kubweza Bbuku, “Ndime Oyo waka cicita!”

¹⁵³ I Baangelo, ba Kerabimu, Baalu bali makumi obile abone, i Banyama, zintu zyoonse, bakali samununa misyini, bakawa kumbele lya Cuuno cabwami, a kwaamba, “Yebo Uleelela!”

¹⁵⁴ Johani wakati, “Zintu zyoonse mu Julu a nyika zyaka ndimvwa kandongolola, ‘Ameni,’ kukwiila, ‘Aleluya,’ a kulumbaizya kuli Leza.” I kukwiila kwakainka kujulu. Nkaambonzi? Mazina abo akali mu Bbuku eelyo, lyakeelede kuyubununwa, nkabela Kabelele waka liyubununa.

¹⁵⁵ I Kabelele waka linununa, pele Ta kakonzya kuboola kusikila mazina oonse aka yubununwa, alimwi eco cakali kucitika kusi lya Cinamatizyo ca Cisambomwe, Caciloba kacitana juka. Mpawo katakwe kabala... Mpawo Kabelele waka boolela eco Nca kanununa. Wa kaboola kutaminina eco Nca kanununa. Wa kacijene kale, mpoonya awa mu Bbuku, ku Ci gwisya kuzwa ku janza Lyakwe. Lino Walo uboolela kutambula eco Nca nununa. Oyo mulimo Wakwe. Wa cita. Walo uboolela ku citambula. Oh, ino i—ino nciindi! Ka citondezya, Cinamatizyo Caciloba caka citondezya. Kajoka a kubweza Bbuku lya Lununuko!

¹⁵⁶ Amubone, wakali Mulumbe wa angelo waciloba wakeelede kuyubununa caciloba, Zinamatizyo zili Ciloba. Ciyubunuzyo 10:7, eno, muyo cijana. Mwabona?

¹⁵⁷ “Elyo wa kabona Angelo oyu kaseluka aansii, kabikka cituta Cakwe aa nyika ya lwizi,” oyo wakali Kristo, “kajisi fulicoongo aatala lya mutwe Wakwe.” Amu Mu bone, muyo Mu jana mu Ciyubunuzyo 1, alimwi, “a fulicoongo aatala lya mutwe Wakwe; kaboneka mbuli jasipi a sardiya,” a zimwi zimbi. Ngooyo Wa kaboola, kabikka janza lyomwe... “Cituta comwe aa nyika, comwe aatala aa maanzi; kanyamuna janza Lyakwe. Wa kajisi fulicoongo aatala lya mutwe Wakwe,” akwalo. Eco neizuminano. Wa kali Angelo wa Cizuminano, walo wakali Kristo; wakatolwa aansii loko kwiinda Baangelo, kuti apenge. Ngooyo Wa boola, “Elyo wa kanyamuna maanza Aakwe ku Julu, alimwi wakakonka kuli Nguwe oyo uupona lyoonse a lyonse,” Umwi Uutamani, Taata, Leza, “kuti ciindi tacikabi limbi,” cindi eci cacitika. Ca mana. Ca citwa. Ca manizigwa.

¹⁵⁸ Elyo mpawo Lugwalo lulati, “Elyo ku—ku Mulumbe wa angelo waansi waciloba,” mutumwa aa nyika, Bukkalo bwa Mbungano yamamanino a bwaciloba, “ku matalikilo aa mulimo wakwe,” cindi watalika mu nyika, ku ciindi eco, “makani aasisidwe aa Leza, aa Zinamatizyo ezi zili Ciloba, aeledede kuzibwa kusika ku ciindi eco.” Lino tula bona awo mpo tubede. Sa inga caba, beenzuma, sa inga caba? Amubone, zyoonse kukonzeka.

159 Boonse abo bakanununwa mu Bbuku, Wa kaboola nkambo ka lununuko. Boonse abo ba keelede kuba mu Bbuku, bakaanzwa kakutanaba matalikilo aa nyika. Wa kaboola ku Ci nununa. Boonse abo Mba kanununa bakali lembedwe mukati muya.

160 Ndi yanda kumubuzya mubuzyo eno. Alimwi a nywebo no bantu ku teepu, amuswiilile kabotu. Alo meso mabyaabi, mutwe oyo mubyaabi, sena inga caba ku kaambo kakuti Mulumbe oyu nco wali kulwana loko banakazi ba bukkalo bwa sunu? Sena inga oyu waba Mulumbe wa angelo wamamanino? Ino Wa kaamba nzi kuya ku mulonga, kutandila myaka iili makumi otatwe aitatu yakainda? “Mbuli Johani mbwa katumwa kuya,” mwabona, “kwaambilizya kuboola kutaanzi kwa Kristo, Mulumbe wako uyo ambilizya Kuboola kwabili.” Koonse ku nyika, alimwi eco ncencico nco wacita, mpawo Kuboola kweelede kuba afwaafwi. Amulangilile eco cicitika lino.

161 Nkaambonzi? Nda kakwezya mutwe wangu. Nda kabumbuluka aa pilo wangu. Nda keenda aa cibuye. “Ino ndipenzi nzi kuli nduwe?”

162 I mazuba masyoonto akainda, Nda kabuzya baalumi bobile mbe Nda kali kweenda abo. Nda kabuzya Jack Moore ciindi cimwi. Elyo nyoonse nywebo muli muzyi Mukwesu Jack Moore. Ndi inka kuli nguwe mu Shreveport. Nda kati, “Mukwesu Jack, wakali mulongwe wamunsi loko mbuli mbo Nda kacita aa nyika.” Elyo ka Ndi tana kumubuzya, Nda kabuzya mukaintu wangu.

163 Ikuti na kuli muntu uuzi cintu cili oonse kujatikizya ndime, kukacilwa kwangu a—a koonse, mukaintu wangu, mwabona, muntu uyandwa. Elyo Nda kati kuli nguwe buzuba bumwi, Nda kati, “Oyandwa, mbuli mulumi wako, Ndili mukambausi wa Makani mabotu. Ta ndiyandi ku leta sampu lili lyoonse aali Oyo ngo Ndi yanda. Peepe. Ta ndiyandi ku kunyonganya. Inga teenda leta sampu lili lyoonse aali nduwe. Leza ulakasya kuti Ndi sole kucita cintu cili coonse eco cinga ca kucisa. Elyo nkunji buti kwiinda kufumbwa cintu kuti inga ndacisa Leza, obo kunji mbo Ndi Mu yanda! Yebo uli mukaintu wangu; Walo Mufutuli wangu a Leza. Ndi yanda ku kubuzya mubuzyo. Uta lwani pe. Ko ndaambila bwini.” Nda kati, “Sena Nda kaiya maningi. . .”

164 Elyo Nda gambwa. Ndili, Ndi—Ndili bupange, bweenzu, bugambya. Ndi lizyi eco. Bantu boonse bakati, “Ino musyobo nzi wa muntu!” Ee, mwabona, yebo tokonzyi kulibamba. Yebo uli obo mbobede, ku luzyalo lwa Leza.

165 Elyo Nda—Nda—Nda kati, “Sena Nda nyongana mizeezo yangu buyo aniini, yebo ulizi, alimwi—alimwi kubaanga nkunyonyooka?” Nda kati, “Nkaambonzi nce Ndi tapatila banakazi abo, cakuzumanana, kakuli Nda bayanda?”

166 Ba laita, kati Nda kali “sikusulaika banakazi,” Ta ndisulaiki buyo. . . Ndi “sulaika buyo banakazi.” Mwabona? Eco cili lubide. Nda bayanda banakazi, Nda amba, mbuli bacizi bangu.

167 Ta ndika muumiumi kusule lyanu, kumubona ka mulubide. Inga nda mwaambila eco. Nda muyanda maningi kuli eco. Bantu bamwi abo banga bacita eco, musyobo umwi wandeene wa luyando. Mwabona? Nda muyanda nkaambo Nda muyanda obo mbomubede; muli bagwasyi ku bana balombe iba Leza, alimwi muli cibeela cakwe. Mwabona? Elyo Nda—Nda muyanda nkaambo kakuti—kakuti mwakali mu cinkozya ca mwaalumi, alimwi mwaalumi wakali mu cinkozya ca Leza, elyo aboobo, antoomwe, muli bomwe muli Kristo. Ako nke kaambo nce Ndi muyanda. Kufumbwa, cintu cimbi, taakwe nco caamba kuli ncico. Leza ulizi eco, boonse buumi bwangu. Mwabona? Mbo mbubo. Nda muyanda. Nkaambonzi ncenga Nda ima a kuzumanana. . .

168 Cindi baamba, “Koambila banakazi boonse, cindi, ikuti na bayo boola kumvwa Mukwesu Branham kukambauka, kaba kamuna bumbi masusu abo. Kusama ngowani na cintu cimwi na cimbi, nkaambo uyo talika kutapatila canguzu makani a masusu mafwaafwi, a zyanu. . . Muta nani misila ili yoonse,” a zimwi zimbi mbuli boobo. Eco nco bakacita. “Koonse nkwa kaambaula!”

169 Muntuumwi wakati, “Baa sena to. . .” Kati, “Bantu bakusyoma kuti uli musinsimi. Nkaambonzi ncota yiisi banakazi nzila ya kutambula zipego zipati zya kumuuya, a zintu mbuli boobo, mubusena bwa kusola ku bayiisya zintu mbuli ezyo?”

170 Nda kati, “Ikuti na taba koiya ma ABC abo, mbobuti mbobaya kuziba impalo zya ziiminizyo?” Mwabona? Amu lulame, kusaanguna.

171 Elyo kunji nko Nda kakambauka, kwiinda kubija mbo ciba. Mpawo wati, “Nkaambonzi no taleki?” Peepe, munene. Kweelede kuba jwi, bumboni bwa kucilwana.

172 Umwi wa bantu bapati maningi mu mulimo sunu, wakabikka maanza aali ndime kutali ciindi cilamfu cainda, kati, “Ndiyo ku kombela, Mukwesu Branham, ikuti na wandilekela kucicita, kuteeti Leza agwisye eco ku moyo wako.” Kati, “Kobaleka balo banakazi balikke, mu zintu ezyo.”

173 Nda kati, Nda kati, “Sena ula syoma muli eco, munene? Yebo uli mukambausi wabusalali.”

174 Wa kati, “Masimpe. Ta ndi cisyomi, pele,” kati, “eco cili—eco cili kuli. . .”

Nda kati, “Peepe.”

Wa kati, “Eco cili ku beembeli.”

Nda kati, “Ta bali mu kucicita.”

175 Muntuumwi weelede kucicita. I mulonga weelede kuzabukwa. I lukanda lweelede kukupululwa. Ta ndiyandi kucicita. Leza ulizi kuti Ta ndiyandi kucicita. Bunji bwabo banakazi basanina bana bangu, alimwi inga tii batuula buumi bwabo nkambo ka ndime, kutandila. Nywebo mulayeeya, alimwi luzyalo lwa Leza lwakatilwa cakupaya kwiinda ku Muuya Uusalala, nywebo muyeeya kuti inga Nda ima njii a kubona muntu oyo mucete kaunka kuyo dumpukila kuya kulaale mu Butamani kakutakwe bulangizi, ikuti na tii Nda kwiila canguzu kucilwana?

176 Kutaba muntu uulicengeezya kuziba zyoonse; pele muuya wa cisi eci, muuya wa mbungano, kutali Muuya wa Kristo, eno; muuya wa mbungano, kabungwe, zyakwela banakazi abo kunjila mu kunyongana oko kutala kuya. Elyo Ndili jwi buyo, lyoompolola, “Amuzwe kuli ncico. Amu cije busofwi obo.” Muta lekele dyabulosi kucita cintu mbuli eco kuli ndinywe. Cili lubide!

177 Alimwi nywebo noba Mbunga ya Leza, mula lekela banakazi, mula lekela banakazi kugela masusu abo, pele mula bakasya kunana misila. Taakwe ncobeni Lugwalo lu lwana misila, pele nkoluli lulwana kugela masusu anu. Ta yeeleli akwalo ku komba ku meso aa Leza, Bbaibbele mbo lyaamba. Mulumi wakwe ulijisi nguzu zya kumuleka a kumusiya. Ncobeni. Walo ula liiminina ku nyika mbuli mwanakazi uutasalali. I Bbaibbele lya kaamba obo. Walo uubausya mulumi wakwe wini cindi acicita. Obo mbombubo Bbaibbele mbo lya kaamba. Mwabona?

178 Ee, pele mwanakazi uunana misila, tu jana mwanakazi wakacita eco mu Bbaibbele, omwe luzutu. Wa kali Jezebele. Oyo ngu wakali nguwe. I muntu luzutu mu Bbaibbele oyo wakali kunana misila, wakali Jezebele, nkabela Leza ndyoonya buyo waka musanizya ku i—i ku babwa. Walo waba mause, alimwi akwalo ngu. . . Zintu zyoonse, zintu zyoonse ezyo zyuubaukide zitegwa Jezebele.

179 Nywebo ta mweelede kucita eco. Nywebo ta mweelede ku cicita. Ncinzi cimu bamba kucicita mpawo? I muuya wa dyabulosi.

180 Nywebo tamu cimvwisiyi. Ndi lizi tamuciti. Nywebo muli—nywebo muli bantu babotu maningi. Nywebo muli babotu. Mula suka janza lyangu, kwaambaula kuli ndime.

181 Elyo Ndila muyanda. Mbo mbubo. Pele ikuti na Nda bona eco, sa inga Tee ndaba sikuupaupa. . . Paulo wakati, “Tii ndakasisa ku mulungulwida Luyando loonse lwa Leza pe.” Kutabi kuti bulowa bwa mwanakazi bube aali ndime ku Buzuba obo, na bwa mwaalumi. Nda mwaambila Bwini. Alimwi Nda bijilwa ku cicita; kutali kubijilwa nkaambo Ta ndiyandi kucita eco Leza nca ndaambila kucita, pele Nda muyanda. Ta ndiyandi

ku mucisa, aboobo ncinzi nco Ndiyo cita? Pele Luyandisyo, lusalala lwa Buleza luyo kutonta ku cicita.

¹⁸² Jesu awalo wakakomba kweenguluka ciingano. “Sena cilakonzeka kuti kanywido kainde?” Kati, “Nekubaboobo, kutali kuyanda Kwangu, Kwako.”

¹⁸³ Sa Ndi yooba mulombwana oyo waamba eci? Sa Nde elede kuyobweza banakazi bayandisi abo babotu maningi a zintu zyoonse, a kuba fubaazyu buyo koonse? Sa Nde elede kuyoooba obo? Sa Nde elede kuyo bweza kufumbwa bakwesu bakambausi, a kwiima kuya a ku baambila kuti bayanda mali alimwi i—i kabungwe kwiinda mbo bayanda Leza? Mebo, ku bakwesu bangu bayandisi balo babikka maboko abo. . . Oh, sena Nde elede kucita eco? O Leza, uta ndilekeli ku cicita.

¹⁸⁴ Pele Tii ndakasisa ku mulungulwida Luyando loonse. Olo Nduyando lwini lwa kanditonta ku cicita.

¹⁸⁵ Sena ako nke kaambo Mulumbe oyu ncowali munzila eyo? Taakwe busena bumbi mu nyika mbo cibede. Ino cili aali? Ncibotu. Bala yoowa. Mwabona? Pele wali uutakwe bukandu. Mbombubo. Leza lyoonse uli boobo, mwabona. Ncibotu. Sena aka nke kaambo banakazi batapatilwa maningi kwiinda ku Mulumbe oyu? Mu kutaziba, tee caka yubununwa. Ca ka tondezegwa kuli ndime, pele tii caka boola kuli ndime mane buzuba buyo bumwi. Mwabona? Amulange kuya. Ncibotu. Masimpe weelela mulimo.

¹⁸⁶ Lino kaindi kaniini. Sena kwa kasola kuba ciindi cakuti cakaba nyika ya banakazi kale? Inzya. Kweendelana ku makani aakale, mu mazuba aa Eliya, kwakali mwanakazi wakaulikidwe Jezebele. Elyo wakajana bweendelezi ku mbungano ya Leza, eco Bbaibbele nco lyaamba kuti uyo cita lubo mu mazuba aku mamanino; muuya wakwe, kwiinda ku mbungano, i kabunga. Elyo uyooba sikuvuula, nkabela oonse mabungano a nguwe ayooaba basibwaamu, mbubonya biyo mbwabede. Sa eco cili luleme? [Mbunga yaamba, “Ameni.”—Mul.]

¹⁸⁷ Ciyubunuzyo 17, yakati, “Walo ngu sikuvuula, alimwi ngu I BANYINA WA BASIBWAAMU.” Abo taba konzyi kuba baalumi. Abo mbanakazi. Mwabona? Elyo boonse baka sowegwa, kabali baumi, mu Ziba lya Mulilo, a kuyonyoonwa. Mbwini na? Nceeco we.

¹⁸⁸ Amubone, cindi Jezebele naka buka aa cilawo, kwakali muntu waka buka kucilwana. Leza wakaleta muntu. Ta tuzi akwalo oko nkwa kazwa. Taa kajisi lwiiyo lwabuleya ilwa mulimo. Taakwe nakali mupaizi na cintu. Wa kayutuka, muntu wamugani wakagalankene wakaindi ku zina lya Eliya, elyo wa kalazika kaleba ku miyanda ya musamu, alimwi baka musulaika. Kutali eco buyo, pele mbunga yakwe mbiizulwa yaka musulaika.

189 Elyo ciindi cimwi wa kayeeya kuti wakaima aalikke. Wa kati, “Peepe, Ndi jisi bali zyuulu zili ciloba baciliko abo bali aa nduwe.” Mwabona? Eyo yakali nkamu yakasalwa, mwabona. Lyoonse kuli nkamu eyo. Kati, “Uta yoowi, Eliya. Ndi lizi uyeeya kuti tocikwe ancito, nkaambo tubungwe twa kutandila kutala kuya ku mpela lya cilundu. Pele,” kati, “Ndi jisi zyuulu zili ciloba zya abo basyoma cintu nciconya nco kambauka. Mwabona, Ndi bajisi.”

190 Mpawo kwiinde buzuba bwakwe, Rome yakatola bweendelezi, alimwi kwakaba ciindi ca nyika ya banakazi alubo, zilengwa zyoonse zya—zya banakazi, nzila mbo baka libonya mu ngowani zyabo a zintu, mwabona. Elyo Leza wakabusya umwi uumbi a Muuya nguwenya aali nguwe, Muuya wa Elisha. Sa eco cili luleme? Elyo wa kati, “I kaleba kali lazikidwe ku miyanda ya musamu.”

191 Elyo kwakali mwanakazi wakaindi muniini uukasaala alumwemwe mukati muya, wakali mukwete. . . kasiya mulumi wakwe, kakwatwa wa munyina, Heroda. Herodiasi, alimwi waa kali i—i sikusangabalisya wakali pentede wa buzuba obo, kaz yana. Waa kayiisya mwana wakwe musimbi nzila ya kuzyana. Waa kajisi mwana musimbi, kwiinda kuli wisi wakwe wakujana, i—i wisi wakujana; kwiinda kuli wisi, wa munyina. Herodiasi! Oyo wakali mwana musimbi wa—wa—wa mwanakazi. Elyo mpawo waa kamu yiisya kuzyana, alimwi waa kaba sikuz yana wankwela ncobeni, kutobela banyina. Elyo waa kayeeya kuti waa kali kukonz ya kukwata ziindi zyone na zyo sanwe, kucita kufumbwa cintu ncakali kuyanda kucita.

192 Elyo mpaawa kwa kayutuka Heroda. Boonse bakali ba Juda, eno amuyeeye. Bakali bantu ba cikombelo. Mpaawa Heroda waka yutuka, a mbungano yakwe, kuyo swiilila musinsimi oyu, bantu baka musyoma kuti wakali musinsimi.

193 Wa keenda kululama nkoonya mu masyu abo boonse, a kwaamba, “Ta ceelede kuli nduwe kuti umukwate.” Elyo eco cakamu bamba kunyema maningi! Mwabona?

194 Lino, muntu buyo umwi inga nakati, “Mwapon buti, ba Herodiasi? Twa botelwa masimpe kumutambula mu mbunga yesu sunu.” Pele kutali Johani.

195 Jesu wakati, “Nguni ngo mwakabona, cindi ni mwakainka kuyo bona Johani? Sena mwakainka kuyo bona umwi oyo uusamide kabotu koonse mbuli mupaizi? Peepe, oyo ukonz ya, musyobo oyo uumyonta muvwanda a kuzikka bafwide.” Mwabona? Wa kati, “Ino mwakainka kuyo bona nzi? I guwo, i tete eelyo lipekema ku guwo lili lyoonse? Ba kati, ‘Koboola kuno, Johani. Tuyo kuvozya kunji ikuti na wa tukambaukila. Alimwi, swebo, tuli kabunga kapati kwiinda?’” Kutali Johani. Peepe, ta kainka kuyo bona eco.

¹⁹⁶ Kati, “Nguni ngo mwakainka kuyo bona, mpoonya, cindi ni mwakainka kuyo mvwa a kubona Johani, musinsimi?” Wa kati, “Elyo Nda tii, kuli ndinywe, kwiinda musinsimi!... inga mwa citambula, oyo ngo nguwe musinsimi ngwa kaamba wakali kuboola, ‘Njo tuma mutumwa Wangu kumbele lya busyu Bwangu, nkabela uyo bamba nzila ya Mwami.’” Wa kali mutumwa wa Cizuminano. Wa kati, “Taakwe muntu, oyo wakazyalwa ku mwanakazi, mupati mbuli mbwabede.” Mwabona?

¹⁹⁷ Oyo ngo musyobo wa muntu Leza ngwa kabusya ku buzuba obo, Eliya, muntu wa gani. Johani, cintu nciconya. Mwabona? I Muuya wa Eliya wakali aali Johani. Elyo Ula amba, cindi caboola ku buzuba bwa banakazi alimwi, oyo Muuya uyobuka alimwi, “Kakutanaba Kuboola kwa Mwami, cindi nyika yakuumpwa, nkabela balulami bayoenda oonse aatala lya i–i twe lya babi, mbuli twe kungsi lya matende abo.” Wa ka cisyomezya, alimwi, mu mazuba aya. Amuzibe, Muuya Uusalala waka syomezya eco. Cili mukweelela ku ciindi eco nco tupona mo.

¹⁹⁸ Kweelede kuba muntu umwi kubuka. Oyo weelede kusika, nkambo ngu MBUBOBU MBWAAMBA I MWAMI, Malaki capita 4. Obo mbombubo Mbwa kaamba kuti cayooba citondezyo, “Kakutanaba buyo kuboola kwa Buzuba bupati a buyoosya ibwa Mwami, Njo mutumina Eliya.” Alimwi ncinzi ncayo cita? “Kusandula myoyo ya bana kujoka ku Njiisyo ya matata, kujoka ku Bbaibbele,” kuzwa ku kwiimpana oku kwatubungwe, “a kujokela ku Bbaibbele, kujoka kuli Leza.” Eco ncencico ncayo cita. Amubone eco cindi cipati nco tu pona mo.

¹⁹⁹ Balo basinsimi baka tapatila banakazi bazilengwa zipya baku mazuba abo, alimwi boonse baka cibbadelela kwiinda ku buumi bwabo. Makani aakale alatondezya eco cimwi acimwi ca ziindi ezyo nikwakali nyika ya banakazi, cindi banakazi niba keendelezya.

²⁰⁰ Amulange makani aa sunu. Tu yooba a omwe, Muleli, bumwi bwa mazuba aya, boneka kuti inga cacitika ndyoonya eno. Mubwini, walo Muleli. Mwabona? Mwaalumi mweendelezi kuzina buyo. Kuno kutali ciindi cilamfu cainda, muli cimwi ca masi aambi, waa kali kujana kulumbaizigwa maningi a zintu zyoonse kuzwa ku bantu boonse, kusikila Muleli, mwini, kati, “Ndili mulumi wakwe.” I Muleli wa United States, mwabona. Ula kkala mu ziyanza zyampuwo, banakazi kaba citobela, mwabona, mbuli buyo Jezebele mbwa kacita. Nywebo mwa kamvwa nkambauko yangu aa *Bukombi Bwa Jezebele*. Nywebo mulizi. Nywebo mulizi makani aco. Nywebo mwabona awo mpo tubede lino na?

²⁰¹ Nywebo mwabona eco cakacitika kuno, imwiki na zyoobile zyainda, kuno mu dolopo? I mukambausi wa Lusyomo lwabana

Lutherani wakatamba mupaizi muna Katolika wa Moyo Uusetekene kuboala a ku mukambaukila, nkabela wakacita, alimwi mukambausi wa Lusyomo lwabana Lutherani wakainka kumselelo ku mupaizi muna Katolika kuyo mukambaukila.

²⁰² I Nkamu ya Mabungano kuno eno, iili mukuswaangana mu Rome. Olu lugwalo lwa kumwaya kubantu banji lwalo mweenzuma wangu mubotu, David duPlessis; cindi ni Nda kakkala kuya a kulila kuli nguwe kujatikizya ndulo, ku Fourteen-Mile Creek, kutali ciindi cilamfu cainda; mukuta ziba kuti ulonzya mbungano kuya moonya mu Babuloni, cindi bantu boonse kabaamba, “Oh, mabungano oonse ayooba yomwe eno.” Inzya, Ndi lizi eco, mwabona, mbubonya buyo kuli eco cakalembwa mu bbuku lyangu ilya businsimi mu 1933, eco ciyo citika. Nkaambonzi, sena tamumvwisyi kuti oyo ngu Saatani kakamantanya antoomwe? I Bbaibbele lyakaamba eco. Elyo kwamana buyo kaniini, kaindi buyo kaniini, kufumbwa buyo baba bomwe, mpawo kubeleka antoomwe kwa tubungwe kwamana, mwabona. Kuyooba caando ca munyama, mboonya. Mwabona?

²⁰³ Ta Ndi jisi buyo ciindi ca kuzumanana aali eci, pele, pele kutandila kkota ya twelufu. Mwabona, Ndi yanda ku manizya eci, kujana kaambo aka kapati. Ndi bikka buyo Magwalo aya mukati awa abusena mpo mukonzya kubona kukonzeka kwa awo mpotubede, elyo mpawo tuyo jala buyo mu maminiti masyoonto.

²⁰⁴ Lino amubone buyo caka citika. I—i basinsimi baka tapatila banakazi abo mu mazuba ayo nkabela bakaitwa kuti “basikusulaika banakazi.” Mbo mbubo. Makani aakale ala tondezya obo.

²⁰⁵ Lino amulindile buyo kaindi kaniini. Muli mukulemba Magwalo aa mapepa, mweelede kulemba Timoteo Mutaanzi 5:6. I Bbaibbele lyakati, “I mwanakazi oyo uupona mu—mu misaalo yanyika.” Konzyi kuba misaalo ya Leza; aboobo ca keelede kuba, mwabona. “I mwanakazi oyo uupona mu misaalo yanyika ulifwide kuciindi na pona.” Eco ncencico musinsimi nca kaamba, Musalali Paulo, “I mwanakazi oyo uupona mu cimo eci canyika ulifwide kuciindi na pona.” Elyo ikuti na wa kakaka luse, inga wazabuka mweengo wandaanya awo aatacikwe busena kuli nguwe. Elyo mpawo mpaali mpabede, a meso aakwe apentedwe, masusu aakwe ageledwe? Elyo wazabuka mweengo, kakutakwe nzila ya kujoka, alimwi kweelede kuba mulimo umu kambaukila. Pele amuyeeye, ku ciindi eco, ciyo mana. Ca citwa. Cili mu kupenzya buyo.

²⁰⁶ Ku yooba mulimo oyo uyo tondezya zigambyo zipati, Joeli wakaamba obo, pele ta kukabi ciindi ca lununuko. Cinooli camana. I Kabelele kabweza Bbuku Lyako, alimwi bakanununwa Bakwe bamanina. Mbuli Jesu mbwa kakambauka

kusaanguna nkabela wakakakwa, nkabela kwalo wakainka a kupenzya abo bakali mukati muya, ku kambauka kuli mbabo bakali mu ntolongo, bakatali kukonzya kweempwa, taakwe ciindi ca lufutuko, oyo mulimo nguwenya uyo loolola. Ino ikuti oko kwaba Kukwelwa Kwatatu, ku basweekede Kutamani. Ino na nkokuli? Nda syoma takuli obo. Ino kuti mbo kubede? Amu ciyeeye kwa kaindi buyo kaniini eno. Ino kuti mbo kubede? Leza wakasya. Ndi jisi bana. Mwabona? Pele masimpe ku langika kuba muni loko kuno.

²⁰⁷ Nkaambonzi eco cilengaano nco cakasika cindi ni Nda kali mwana? Nkaambonzi nce Nda taka ciyeeya kaindi? Nkaambonzi oko kunyangwa muya nco kwaka boolela mu kaanda buzuba bumwi, kwaamba, “Nceeci we”? Cili mpoonya aakati kaba- . . . i—i myuuya isweekede. Elyo Jesu waka bakambaukila, kapa bumboni, pele taakwe—taakwe noba keempwa. Elyo Nda kambauka kunji, nobaindila kubija. Kwiina kweempwa. Taakwe busena bwa mbubo.

²⁰⁸ I Kabelele kakabweza Bbuku Lyako cindi, Cinamatizyo Caciloba kulibambila buyo kuli ncico ku julwa, Cinamatizyo Cacisambomwe. Amuyeeye, Wa kasisa Cinamatizyo Caciloba kuli ndiswe. Ta kakonzya kucicita. Cindi Angelo nakaima, buzuba a buzuba, ka caamba, pele mpawo Wa takakonzya kucicita aali eco cimwi. Kati, “Kwakali luumuno mu Julu.” Taakwe muntu wakazi. Kwakali Kuboola kwa Mwami.

“Oh,” yebo wati, “ta cikonzyi kuba.” Nda syoma tacili obo.

²⁰⁹ Ka tuya buyo aniini kumbele awa. Ndi jisi cintu cimwi cilembedwe aapepa, mwabona. Mbubo.

²¹⁰ Amuyeeye, “Oyo uupona mu misaalo yanyika,” ya zintu zya nyika, kulilemekaka mbuli njiyo. Waa kali kunga waunka ku cikombelo a kulilemekaka mbuli musalali, eco tacikwe cintu comwe cakucita a ncico, mwabona, pele, “walo uli fwide kuciindi na pona.”

²¹¹ Amulange kuli eco tubungwe nco twa mucitila. Ba kamubamba kuba sikujatauka Ijwi Lisalala, eco ciimpene ku Bbaibbele. Ba kamubamba kuba mukambausi. Cila kasigwa mu Lugwalo. Akwalo kumubamba loko kuba mweendelezi, meya, babanzi, zintu zyoonse mu cisi, a mukutausi mu ng’anda ya Leza.

²¹² Kakuli, walo ujisi mulandu wa zibi zyoonse ezyo zyaka solwa kucitwa, walo ngu sikucileta. Yaa. Lino, Ta ndili, Ta ndili mukwaambaula zya nguzu. Walo ujisi mulandu. Ngo nguwe wakapa kuti bavwanda boonse kuzyalwa kabali boofu. Ngo nguwe wakacitya zyuumbwe zyoonse kuti zisigwe. Ngo nguwe oyo wakacitya cibi, malwazi, buusu. Yalo ambulansi taikonzyi kulila cita mwanakazi wapa kuti icite. Taakwe mulandu uukonzya kucitwa, taakwe cibi, taakwe lufu, taakwe buusu, taakwe kupenga, pele mwanakazi wakacicita. Elyo Leza

ulamukasya kuya ku cikambaukilo kuyo kambauka, pele nekuba bala cicita. Kabungwe, mwabona awo mpo tubede?

213 Ngu kaleza kanakazi. Obo dyabulosi mbwali aa mulimo! Baa, bantu ba Katolika bala babamba, banakazi, tuleza, ku tukomba; mbo mbubo, Mariya kaleza, azimwi zimbi. Nda bona awo Nkamu ya Mabungano aa banakristo baamba kuti ciyo citika kuti bayo komba aniini kunji kuli Jesu ikuti na inga cagwasya bana Protestanti kunjila. Mwabona? Mwabona? Oh, eco cakakwelelezya! “Tacikwe buince,” ba kaamba. Mwabona? Walo ucili dyabulosi nguonya mukulukulu. I Bbaibbele lyakati, “Elyo uyo citya boonse kutambula caando ca munyama aa nkumu zyabo, abo baka tajisi mazina abo kaalembedwe mu Bbuku Iya Buumi ilya Kabelele.”

214 Ni Mbungano yakakanzwa nje Ndili mukwaambila, kutali abo kumasena kuya. Peepe, munene. Kuzwa ku nkamu zyoonse, Wa kasomona bakakanzwa Bakwe. Abo mbo mbabo Mba boolela, mu bukkalo abukkallo.

215 Pele njeeyo iilimvwi. Njeeyo mboibede. Nje njiyo; kambauka Ijwi, kukutauka zya Ijwi, kaba kaleza kanakazi, a kaambo ka cibi coonse. Bbaibbele lyakati, “Nse konzyi kuzuminina mwanakazi kuyiisya, na kuba a bweendelezi bwaatala, pele kuba mukuswiilila mbuli awalo mbo waamba i—i mulao.” Mwabona? Elyo takonzyi kucicita. Pele bamubamba kuba mweendelezi wa nsi, meya, mubanzi; calino uyooba Muleli. Masimpe. Nceeco we. Eyo nje nzila, eyo nje nzila mbo cuunka, mwabona. Elyo bantu bacita eco nkaambo tabakwe makani aa Ijwi eli. Taba kaciboni.

216 Amulange kuba Juda abo kabaimvwi kuya, basicikolo bapati, baalumi babotu. Elyo Jesu wakati, “Nywebo muli bauso wanu, dyabulosi.”

217 Ino kuti ni Nda Mu leta ku kusolekwa ndyoonya eno kumbele lyanu? Atu cisole buyo kwakaindi kaniini, nkabela Leza andi jatile kubweza mabazu kulwana Nguwe; pele kaindi buyo kaniini, ku mutondezya cintu cimwi.

218 Ino kuti wati, “Ee, Mebo, bulemu kuli Leza, Nda kaambaula mu myaambo! Aleluya! Ndi lizi. Ndi, inzya, Ndi—Ndi Ci jisi. Alelekwe Leza. Inzya!” Uh-huh, yebo wacita na?

219 Amwiibaluke balo bantu ba Israyeli. I Bbaibbele lyakati, Walo nakamana kubaita kuzwa, a kuba futula kuzwa ku Egepita, Wa kaba nyonyoona nkaambo tiiba katobela Mulumbe. Mwabona? Ba kalya mana akazwa ku Julu. Ba kalya mana ayo Leza nga kausizya aansu nkambo kabo kuti balye, alimwi kwiimikila mu busyu bwa mutumwa, a kubona Musumpululu wa Mulilo, a kumvwa Jwi Iya Leza, a ku cibona kacitondezegwa. Elyo mpawo, nkaambo bakali kuyanda kusyoma Kora, “Inga kwaba bambi bantu basalala. Inga kwaba *eci*, *eco*, na *cimbi*. Toonse twe elede kusalala, aswebo. Twe elede kucita *eci*. Bantu boonse bala salala.”

Leza wakati, “Lyandaanye kuli mbabo. Kozwa awo.”

220 Musa wakati, “Boonse bali ku lubazu lwa Mwami, amuboole a ndime.” Mbo mbubo. Mwabona? Elyo Wa kajula buyo nyika nkabela yaka bamena. Mwabona?

221 Ba kali bantu babotu, abalo. Masimpe, mbo bakabede. Ba kali bantu babotu. Iiyi, munene, pele eco tii caka cicita. “Kutali boonse abo baamba, ‘Mwami, Mwami,’ pele abo balo bacita luyando lwa Taata Wangu.” “Kutali oyo uatalika; ngo oyo uumanizya.” Kuti, taakwe zidabula; tozwidilizigwi ku mamanino aa muzundano. Taakwe zidabula. Yebo weelede kuboola buyo munzila Lugwalo ncolwa kaamba.

222 Ikuti na Lwa teeti, “Amusanduke, a kubapatizigwa mu Zina Iya Jesu Kristo, nkabela muyo tambula cipego ca Muuya Uusalala,” taakwe iidabula, kusuka maanza, kusangana cikombelo na kabungwe. Yebo weelede kuboola mu Nzila eyo! Watafwa kuli lwako, akuzyalwa aa Muuya wa Leza, yebo uli—yebo uli—yebo sweekede. Kwa mana. Taakwe zidabula.

223 Yebo wati, “Ee, Ndi zulilwa ku cikombelo.” Ndi lizi. Eco ncibotu. “Ee, baama bangu. . .” Ta ndi zumbauzyi eco, pele oyu nduwe ngo Ndi bandikila. Mwabona? Yebo weelede kuboola mu Nzila eyo, nkaambo taakwe zidabula; tozwidilizigwi ku Lubeta. Yebo koboola Nzila yomwe.

224 Kuli Nzila yomwe luzutu, nkabela Kristo ni Nzila eyo. Elyo Kristo ndi Ijwi eelyo lipona muli nduwe, eelyo litondezya zintu zyoonse ezyo Nzya kasyomezya mu ciindi calyo ceelede. Mwabona? Sena mwamvwa eco? [Mbunga yaamba, “Ameni.”—Mul.] Ncibotu. Amubone eno.

225 Bamwi balati, “Bantu aba mbabotu.” Masimpe. Ta ndaambi kuti tabali bantu babotu. Ta ndaambi kuti Musalali Cecilia aboonse babo teebakali banakazi babotu; mbubonya baama bangu mbo bakabede, pele incobeni Ta ndikombi kuli mbabo. Kutali obo ncobeni. Ncobeni, Nda kabona bantu banji babotu, pele tabali tuleza twanakazi. Balo mbanakazi, baalumi. “Kuli Sikwiiminina omwe luzutu aakati ka Leza a bantu.”

226 Mpawo nkaambonzi, nkaambonzi muntu ncanga, wa Pentekoste, muntu wanyika. . .olo lugwalo lwamwaigwa ku bantu banji lwalo Mukwesu duPlessis, mukwesu wesu muyandisi, ndwa elede kuya bumwaya. Ndiza bamwi banu muli lujisi. Bambidwe. . .Inzya, muli lujisi. Mu Nkamu ya Mabungano aa banakristo, ku lubazu lwa pope, a kuti, “Ca kali ca kumuuya maningi.” Oko kutweluka kwa muuya, embo na? “Oh, Muuya wa Mwami wakali kuya, ca kumuuya maningi.” Inzya. Nceeco we.

227 Nkaambonzi? Nkaambo nciindi ceelede cakuswaanganya ba Protestanti a ceeco antoomwe, eco nco twa kalwanina kwa myaka, alimwi Bbaibbele lyaiminina a ku twaambila kuti inga ciyo boola. Elyo esu. . .umwi wa basololi besu mupati loko

wakaima moonya mukati, kati, “Mbo mbubo. Eco ncencico ncotu cita,” alimwi mbungano yoonse yaba Protestanti ili mukucengwa kuli ncico.

²²⁸ Elyo mbubonya buyo, ikuti na mwalanga kuya, MBUBOUBU MBWAAMBA I MWAMI. Kusaanguna, Ijwi Iya kacaamba. Mpawo Muuya wa Mwami wakaamba, mu 1933, oyo wakaamba zintu ezi zyoonse kujatikizya masi kuya ku nkondo, a nzila mincina mboiya kuba, a zintu zyoonse mbuli obo, kati eco mbombubo ciyo citika ku mamanino. Elyo nceeci we. Ta cina kakilwa. Elyo mpaawa tula cibona kacikomona.

²²⁹ Sa mula yeeya nkambauko yangu aa *Bukombi Bwa Jezebele* kutali cindi cilamfu cainda? Sa nywebo mula yeeya Elisha kaselemuka mu mugwagwa cifumo eco, kuti abaambile? Eco, Nda kakambauka aali eco. Mwabona? Elyo nzila mbo Nda kaamba kuteeti ciyo citika kumbele mpawo kuti cindi ciyosika eelyo Nkamu eyo ya Mabungano aa banakristo kumalekelo niyooba caando ca munyama, nkambo iyo kamantana a munyama. Ili mukucicita. Mu kukomona kwangu, Nda pona kucibona. Elyo mbaaba ba Protestanti, ku mamilioni, balacengwa kuli ncico. Nkaambonzi? Eco ncencico ncobali mukulangila.

²³⁰ Bali ofweede! Jesu wakaambila ba Farisi abo, “Nywebo muli basololi boofu iba boofu. Ikuti na boofu basololela boofu,” Wa kati, “sa taba kawidi mu cidindi?” Elyo awo mpo bawida. Mbobuti mbo ndinga Nda sola kusyoma kuti muntu oyo wakaima a ndime a kwaambaula a ndime, inga wasola kukkala a kwaamba mubandi mbuli oyo! Mwabona, “Cili sisidwe, i meso, kuzwa ku basongo a basimaanu, a ku Ci yubununa ku bana mbuli abo bayoiya.”

²³¹ Ndi lizyi buzuba bumwi eco ciyo nditolela buumi bwangu. Mbo mbubo. Ciyo cita, pele mpaawa Bwini buli mukuzibwa. Uh-huh.

Umwi mutaanzi kufwa nkambo ka bukanze
bwa oyu Muuya Uusalala,

Wakali Johani Mubapatizi, pele takaleka
mulimo; wa kafwa mbuli muntu;

Mpawo kwa kaboola Mwami Jesu, baka Mu
bambula,

Wa kakambauka kuti Muuya inga uyovuna
muntu kuzwa ku cibi. (Sa mbombubo?)

Mpawo bakauma Stefano aa mabwe, wa
kakambauka kulwana cibi,

Wa kabapa kunyema maningi, bakakumpula
mutwe wakwe;

Pele wa kafwa mu Muuya, wa kafwa,

Elyo wakainka kuyo sangana bamwi, cilawo ca
bantu cipa buumi.

Ngooyo Petro a Paulo, a Johani wabuleza,
Ba kaaba maumi abo kutegwa Makani mabotu
akonzye kumweka;
(Ino inga noba kacitanzi?) Ba kasanganya
bulowa bwabo, bwa basinsimi bakaindi,
Kutegwa Ijwi lya bwini ilya Leza inga
lyaambwa cakusyomeka.

Myuuya kungsi aa cipaililo, yakali kulila,
“Kulampa buti?”

Ku Mwami kusubula boonse abo bakalubila;
Pele kuyooba bambi bayoopa bulowa bwa
buumi bwabo (yaa, mbo mbubo)

Nkambo Makani mabotu aya aa Muuya
Uusalala alimwi Kwalo nkukunka kusubila
maningi.

²³² Ala zumanana buyo kusweka bulowa! Iiyi, ciyo cicita buzuba
bumwi, pele Ndi lindila oora eelyo cindi lyamana.

²³³ Mucizi umwi wakazwaa kuba a ciloto. Waa kacituma
kuli ndime, kati, “Nda kababona, mbungano eyo yakabamba
nzila iyo jaya” mebo, cakumbali, ciindi cimwi Nda nozwa mu
mootokala wangu, kunjila mukati, ku dubwidwa mo... Pele
kati, “Mpawo Muuya wakati, ‘Kutali ku ciindi eci, pele ciyo
boola aakale.’” Uh-huh.

²³⁴ Leza wakasya kuti Ndi limvwaneye aa cintu cili coonse.
Ta ndizi cintu pele Jesu Kristo a Nguwe wakabambulwa. Tu
pona mu buzuba buyoosya maningi. Cibi cacita eci. Yaa. Ba—
ba kauma Stefano aa mabwe. Ba kakosola mutwe wa Johani,
waa kacita. Ta ndiziyi nzila mbo tu yooapa eesu, pele ciyooba ku
buzuba bumwi. Mbo mbubo, amuzibe.

²³⁵ Mu Musalali Johani, ikuti na muyanda Lugwalo olo aali eco.
Musalali Johani 6:49, awo mpo ba kalya mana, nkabela Jesu
wakati, “Elyo balo, boonse, balifwide.”

²³⁶ Kwaamba, “Ee, mucizi wangu—wangu, Nda—Nda bona
mwanakazi oyu kazyana mu Muuya.” Oh, inzya. Uh-huh. “Nda
babona ka bacita. Nda kamubona kaambaula mu myaambo. Nda
kamubona walo...” Inzya.

²³⁷ Jesu wakati, “Banji bayo boola kuli Ndime mu buzuba obo, a
kwaamba, ‘Nda kacita zintu ezi zyoonse.’” Mwabona? “Ba kalya
mana mu nkanda,” Jesu wakaamba, “alimwi balo, bantu boonse,
bakandaanisigwa Cabutamani. Ba lifwide.” Oko nkunyonyooka
Cabutamani. Ba kanyonyooka nkoonya kuya mu nkanda.

²³⁸ Nywebo mula yeeya ba Hebrayo capita 6, “Abo bakabambwa
ciindi cimwi kuziba Bwini, a kukaka kweenda muli Mbubo, taku
cikwe limbi kweempwa kuli mbabo.” Mwabona, bazina buyo
basyo... Cindi Bwini bwatondezegwa ku bantu kwa ciindi
camamanino, alimwi bakaka ku Bu tambula; kweendelana ku

Bbuku lya ba Hebrayo, mwabona, bayo . . . taakwe akwalo cintu mu nyika cinga casola kuba futula.

²³⁹ Bali nyonyookede. Kwiina kweempwa, kwiina lununuko, taakwe cintu cabo cisyeeede. Ba kandaanisigwa Cabutamani. I Bbaibbele lya kaamba obo, “Kulangila mulilo uuyoosya a bukali obo buyo nyonyoona mulwani.” Elyo cindi Bwini bwa Makani mabotu atondezegwa, kusimpikizigwa cakumaninina, alimwi mpawo a kufutata a kweenda kuzwa kuli Mbubo, bali nyonyookede. Kwa mana. Ta cibotelezyi, pele Nde elede ku caamba.

²⁴⁰ Amuyeeye Baangelo abo bata kajatisya bwami bwabo bwa kusaanguna, pele baka siigwa muya mu ng’anda ya ntolongo eyo mu mudima, oko nyika moendela sunu mu ntolongo eyo njiyonya, kwiina kweempwa.

²⁴¹ Amuyeeye myaka misyoonto yainda, Nda kati, cindi ni Nda kazwa ku Chicago, “Kwalo America iyo citambula mwaka uno, na taika citambuli nokuceya.” Amubone oko nkwaunka? Inzya.

²⁴² Lino Nda yeeya ikuti na Kukwelwa Kwatatu inga kwaba? O Leza, akube kuti kube kulaale kuzwa kuli ncico! Sena oko nkonkuko Kukwelwa Kwatatu? Sa inga eco caba? Oh, ma! Amu ciyeeye, beenzuma. Amu ciyeeye; Ta botelwi kucita.

²⁴³ Jesu wakati, “Oyu musyobo wa kuupaupa . . .” Ikuti na mu yanda kulemba eyo, Matayo 23, -ciloba. Ndi—Ndi jisi kuno, “bala eco,” pele inga mwabona. “Nywebo noba Farisi boofu!” Aci . . .

²⁴⁴ Sena muli jisi maminiti masyoonto aambi? [Mbunga yaamba, “Ameni.”—Mul.] Atu bone. Atu jule kuli eco, nkaambo Nda aamba “mu cibale.” Kuli cintu cimwi kuya nce Ndi yanda kubala buyo kakutanaba . . . Lino ndiza Njo kosola cintu cimwi cimbi, pele atu—atu jane buyo eci kwa kaindi kaniini. Matayo 23, kaindi kaniini, mbubo, alimwi tuyo talikila aa kampango ka 27. Amu swiilile buyo eno. Amu kabale cintu coonse cindi mwaunka ku ng’anda, ikuti na mula yanda. Maminiti buyo aambi maniini.

²⁴⁵ Lino amulangilile awa. Matayo 23, a kotalika aa kampango ka 27, “Maawe kuli ndinywe, balembi!” Lino, amuyeeye, aba mbantu basalala Mbali mukwaambila.

Maawe kuli ndinywe, no balembi a nywebo noba Farisi, basikuupaupa! nkambo muli mbuli tubanda tulambidwe a mulambo uutuba (abo mbantu bafwide, mwabona), tubanda tulambidwe a mulambo uutuba, oto ncobeni tuboneka kubota aanze, pele mukati muzwide mafuwa aa bantu bafwide, a zisofveede zyoonse.

²⁴⁶ Kuupaupa a bbivwe a nkazyanyo, mukati kabo; aanze, “Ndili Mwiiyi Niini-a-niini.”

Mbubonya anywebo aanze muboneka balulami ku bantu, (amulange ku Nkamu ya Mabungano aa

banakristo a ba Pentekoste kaba kkede awo), *pele mukati nywebo muzwide kuupaupa a bubi.*

247 Ino bubi niinzi? Cintu cimwi mubwini ncozyi kuti cili luleme nkabela to ciciti pe. Jesu, lino amulangilile eco Nca...eyo nzyalani Nja bikka eci eno.

Maawe kuli ndinywe, no balembi a ba Farisi, basikuupaupa! nkambo mula yaka malende aa basinsimi, a kubotya tubanda twa balulami, mwabona, "Oh, i basinsimi!"

Elyo kwaamba, Ikuti notwakaliko mu mazuba ayo aa matata eesu, nitwa taka swaanana a mbabo mu bulowa bwa basinsimi.

248 "Swebo nokunga twa kasyoma Ijwi lya Mwami ikuti ni twaka pona kaindi kuya." Amulangilile.

Aboobo nywebo amube bakamboni kuli lwanu, kuti muli bana aba baabo baka yaya basinsimi.

Mwazulizya mpawo mweelwe wa mauso anu.

249 Eco ncencico buyo cicitika. Lino amulangilile eco Nca amba awa.

Inywe no bazoka, a nzyalani ya bacipile, mbobuti mbo munga mwaloboka lubeteko lwa gehena?

250 Mbobuti mbomunga mwa cicita? Lino Uli mukwaambaula ku bakambausi, mwabona, mbo mbubo, bantu basalala. Mbobuti mbomunga mwaima a kuziba Bbaibbele kalyaamba zyakumbele a kwaambila bantu kuta cita eco, elyo inga waima a kulimvwanya nkambo ka madollar aanunka, a mabbi masyoonto, nkambo ka mpuwo imwi, alimwi muntu umwi ku kuumauma ku ndelo yako a ku kwiita kuti "Mwiiyi"? Mbobuti mbonga waamba kuti ula bayanda bantu abo?

Ndi kambauka aa teepu, akwalo. Mwabona?

251 Mbobuti yebo mbonga, mbobuti yebo mbonga waamba kuti ula bayanda bantu abo, a kulekela cintu mbuli eco kucitika? Mwabona? Nywebo—nywebo noba Farisi, nywebo no boofu, nywebo no bazoka, nywebo no nzyalani ya bacipile, mbobuti mbomunga mwatija lunyonyooko lwa gehena? Cindi nywebo...Mbobuti muntu sunu, oyo uuzi kuti zintu ezi zili lubide, a kwiima awo kujatilila mbunga yakwe, ku bamba kabungwe kakwe kukomena, a kukakilwa kwaambila banakazi a baalumi? Mbobuti mbomuyo tija bukali bwa gehena, kakuli yaka bambilwa ndinywe? Mbobuti mboya kucicita? Mwabona?

252 Amuswiilile, amuswiilile awa. Ino ncinzi ciyooba? "Aboobo..." kampango ka 34.

...amubone, Njo mutumina basinsimi,...

253 "Njo mu," kuciindi ciza. Mbaabo ba Farisi banu kabajoka alubo. Mwabona?

... bantu basongo, ... balembi: a bamwi babo muyo bajaya a kubambula; alimwi bamwi babo muyo bakwibbawula mu ma sinagogi aanu, a ku bapenzya kuzwa ku muunzi kuyaku muunzi:

254 Wa kasinsima kuti Uyo batumina basinsimi, kabajisi Ijwi lya Mwami. Elyo ino bayo cita nzi? I cintu nciconya bamawisi nco bakacita, nkambo obo mbomubede. Mwabona, imyuuya taifwi. Bantu abo bainjidwe balafwa, pele imyuuya taifwi. Wa kati, “Nywebo muli bana. Muli mbabo.” Elyo amubone buyo nzila zintu ezi mbo zibede.

255 Obo Musalali oyo Paulo mba kaima kuya (mula syoma kuti wakali musinsimi na?) nkabela wakatapatila banakazi, kugela masusu abo; wakatapatila tubunga twabo; kaambilizya kuti muntu oonse oyo wata kabapatizigwa mu Zina lya Jesu Kristo weeledede kuboola a kubapatizigwa alimwi. Mbo mbubo.

256 Elyo sunu bala limvwanya a kucibotya koonse. Ta bazyi lwandaano, nekuba. Calo cuusyansoni. Ikuti na oora lyamana, Nde elede kwaamba eci, mwabona: bakali boofu, bakakanzilwa kuba boofu. Leza koba siluse. Ta bakonzzyi kucibona.

257 Jesu wakati, “Nywebo no boofu. Nywebo no balembi a ba Farisi boofu, nywebo basikuupaupa! Cindi mwabala Ijwi ndilyonya eelyo boonse babo ndyo babala, alimwi mpaawa mwa boola a ku Ndi pa mulandu. Elyo Ndili mbubonya eco Ijwi nco lya kaamba kuti ciyooba mu buzuba obu. Nda keeledede kuba Mutumwa wa buzuba. Ndime Mesiya,” Wa kati, mu majwi manji loko. “Ndime Mesiya. Sena Nda kacilwa kucitondezya? Ikuti na tee Nda cita eco cilembedwe Ndime, mpawo amu Ndi pe mulandu. Elyo nywebo noba Farisi boofu muleesyanya bantu banu ncobeni kunjila mu cintu mbuli eco, a ku tuma nkamu yoonse.” Kati, “Ee, boofu basololela boofu.” Kati, “Nywebo muli . . .”

258 Yebo wati, “Oh, ikuti ni twa kapona kaindi mu ciindi ca Musalali Paulo, inzya, ni Nda kaba ku lubazu lwa Musalali Paulo.”

259 Nywebo no basikuupaupa! Mwabona? Nkaambonzi tamubwezi Njiisyo yakwe? Nywebo nomwa kacita cintu nciconya kaindi ncomunga mwacita lino, nkambo muli bana bamauso, mauso anu a tubunga: ba Farisi, ba Saduki, a bululami bwakulibambila. Eco—eco ncencico. Uh-huh. Njo mwaambila, alimwi—alimwi ku oora eelyo ndyo tupona, ndalibuzya ikuti oku inga kwaba Kukwelwa Kwatatu? Kaindi buyo kaniini eno, mwabona, Jesu wakati, “Oyu musyobo ngu tambula lunyonyooko lupati maningi.” Mwabona? Sa tacili cibyaabi?

260 Mbuli America mpati, ciindi cimwi, cindi sinkondo nakali aafwi kukona cisi eci, kwali muntu ku oora lyaakati kamasiku, wakatanta mbizi a kweenda kunselelo lya mugwagwa, kakwiila, “I sinkondo wasika!” Wa kali Paul Revere.

261 Ndili muna America, ambebo. Elyo Ndili tantide, eeli ndi oora lyaakati kamasiku, kutali kwaamba kuti sinkondo wasika pe, pele uli aano! Ta booli; uli kale kuno! Wa zunda. Nda yoowa kuti kwamana; kuzunda, oora eli lyaakati kamasiku.

262 Amuyeeye, ku Tucson, Baangelo bali ciloba, ino wakali Mulumbe nzi, “I kumanizya makani aasisidwe aa Leza.” Kumane buyo eco, kuselemuka cilundu. . .

263 Nywebo nyoonse mwakamvwa kujatikizya malundu. Amubone. Mukwesu Fred uli jisi zifoto zyaco, a Mukwesu Tom. Alimwi Ndi jisi zifoto zimwi, zipekupeku zimwi, a zintu zyoonse. Tuyo citondezya kuno buzuba bumwi, kumu tondezya awo buyo mpo cakabede. Nywebo nyoonse mulizi kaano.

264 Amulangilile, impela zyoatwe. Wa kati, “Nkooku kwanu Kutaanzi, Kwabili, a Kwatau.”

265 Elyo Mukwesu Fred ujisi cifoto calibonya kabotu cancico, cindi walo a Mucizi Martha noba kaina. I makumbi aboola aatala kuzwa ku nsi, nkabela aka sisa bamwi babo, alimwi akali kutondezya buyo Kukwelwa Kotatwe; kumwi *awa*, kumwi *awa*, a kumbi *awo*. Mwabona? I ciloba!

266 Amulangilile, Kutaanzi, kotatwe. Kotatwe nkulondoka. Eco nce cindi mulimo niwaka talika.

267 I Kukwelwa Kwabili kwakali kutweluka kwa myuuya, i businsimi. (Kutaanzi kwakali kuponya balwazi.) I Kwabili kwakali businsimi obo bwakatalika kubeleka, alimwi wakaziba maseseke a miyeeyo, cindi Ijwi Lini nilyakaba mu mubili wabuntu. Lili, olo nduzyalo.

268 Pele, amuyeeye, caciloba nku manizya. Sa inga eci caba Kukwela kwa kumanizya, kwa mana na? Sa inga kwaba? Amu ciyeeye eno. Amu yeeye. Mpaali mpo mubede? Mwabona? Ciloba lyonse nku manizya. Kukwelwa Kotatwe!

269 Mulimo wa Jesu wakajisi Kukwelwa Kotatwe. Sena mwakalizi obo? Amubone! Elyo amusinizye, ikuti na mwakasola mu buumi bwanu, lino kwa kaindi kaniini, kwa maminiti masyoonto.

270 Kukwelwa Kutanzi Kwakwe kwakali kuponya baciswa. Wa kaba muntu wampuwo maningi. Bantu boonse baka Mu syoma, kwalo mbo kuboneka. Mbo mbubo na? Cindi Na katalika kubeleka kuponya baciswa, bantu boonse bakali ku Mu yanda mu mbungano yabo.

271 Pele buzuba bumwi Wa kanyona a kutalika kusinsima, nkambo Wa kali Ijwi, alimwi Wa kali Musinsimi oyo Musa ngwa kaamba. Elyo cindi Na kaunka kubaambila, a kubaambila nzila mbo bakali kupona, a zintu nzo bakali kucita, Wa kabula mpuwo maningi. Oko kwakali Kukwelwa Kwabili Kwakwe.

272 Ndalibuzya ikuti na tii watondezya kuloolola alimwi ncobeni? Amu yeeye buyo kaindi kaniini. Sa inga caba? I

Kutaanzi, kuponya, bantu boonse. I Kwabili: “Oh, cakali kukonzya kuba ba Jesu Buyo. Cakali kukonzya kuba Beezebule, cakali kukonzya kuba i. . .” Eco nce cintu nciconya ncoba kacita kuya. Mwabona? Myuuya njiyonya iipona mu musyobo nguonya wa bantu, katapatila bantu abo bakatali kukonzya kufutulwa, nkaambo baka betekedwe kale; balo, mbuli Judasi Isikariote, wakazyalwa kali mwana wa lunyonyooko.

Yebo wati, “Judasi na?” Masimpe.

²⁷³ Amuyeeye, wakali mukombi maningi, pele ta kakonzya kuunka lweendo loonse a Mulumbe. Inga nakatola cibeela ca nguwo, pele cimwi ca nguwo takakonzya kutambula. Bala konzya kuzumina kuponesegwa a zintu mbuli ezyo, pele cindi nicaka boola kuli Leza kulenga basikaale, mpawo eco casakana maningi kuli mbabo. “Ta bakonzyi!” Oyo wakali Judasi. Muuya wakwe inga wazulizya ncobeni kusika ku kasena ako. Ta konzyi kwiindilizya kuzwa awo. Mwabona?

²⁷⁴ Bakali kukonzya kuzumina Musa kabotu cindi na kajula Lwizi Lusulala, a zimwi zintu mbuli ezyo. Pele cindi nicaka boola aansu kwaamba, taakwe wabo, boonse bamwi babo tii bakeelede kucita *eci* na *eco* na *cimbi*: “Uli bamba Leza, kweendelezya ndiswe.” Mwabona, tii bakakonzya kuunka kuli eco, Kora a balo. Aboobo, bakacita kuba a kabunga, aboobo Leza wakaba mena buyo boonse.

²⁷⁵ Mulimo wa Jesu, cindi Na kali kuponya baciswa, “Wa kali Musinsimi oyo, mukubusyi mubotu loko waku Galilaya! Baa, Walo ubamba boofu kuti babone. Kwalo wakabusya bafwide. Tuli jisi twaambo totatwe twa nkuko. Walo mubwini wakabusya bafwide.”

²⁷⁶ Pele buzuba bumwi Wa kanyona, Wa kati, “Mu nzyalani ya bacipile. Mu bamba mudisi aanze kusalala. Mu boneka kuba basalala, pele mukati kanu, tamuli cintu pele nkamu ya nzoka.” Oh, cindi obo businsimi nobwaka talika kubeleka, kutapatila kabunga ako, mpawo caka cinca. Ba ka Mu lwana. Mbo mbubo. Elyo kumalekelo, kwiinda muku Mu kaka, baka Mu bambula.

²⁷⁷ Pele tamu konzyi kujaya Mulimo. Walo ucipona. Inga walazika mutumwa, pele tamu konzyi kubikka Mulumbe. Uh-huh. Mbubo. Wa kazumanana kupona. Elyo amubone cindi Kukwelwa Kwatatu kwa mulimo Wakwe nikwa kasika. I Kutaanzi kwali kuponya baciswa.

²⁷⁸ I Kwabili kwakali kutapatila tubunga, a kusinsima; ezyo nzo bakacita, obo mbo bakabede, a ceeco cakali kuboole. Eco ciliko, eco ciliko, ciyo boole; a ceeco cakaliko, eco ciliko, a ceeco ciyo boole. Eco ncencico Nca kacita. Mbo mbubo na? [Mbunga yaamba, “Ameni.”—Mul.]

²⁷⁹ Pele Kukwelwa Kwatatu Kwakwe kwakali kucindi Na kakambauka ku basweekede batakali kukonzya kufutulwa limbi. Bakali kungsi kuya oko meso, mapati apentedwe

nkwakabede, “Ooh, ooh!” Kakambauka ku myuuya mu gehena, eyo yaka tatambula luse, pele yakandaanisigwa Cabutamani kuzwa ku Busyu bwa Leza. Pele nekuba baka ciziba, obo Mbwa kabede, nkaambo Leza waka Mu bamba kuya.

²⁸⁰ Ndalibuzya ikuti na mulimo Wakwe ulatanta moonya mu mazuba aa mamanino, mbuli mbo cakabede? “Mbuli Taata mbwa ka Ndi tuma, ambebo Nda mutuma. I milomo eyo Nje cita muyo icita ayalo.”

²⁸¹ Basweekede, bata kakonzya ku kufutulwa. Ba kakaka luse. Oko kwakali Kukwelwa Kwatatu Kwakwe.

²⁸² Lino kuli mubuzyo uuli oonse na? Kukwelwa Kutaanzi Kwakwe, Wa kaponya baciswa. Mbo mbubo na? [Mbunga yaamba, “Ameni.”—Mul.] Mulimo Wakwe Wabili, Wa kali kusinsima. Mulimo Wakwe Watatu wakali kukambauka ku basweekede Butamani. I malundu otatwe, a zimwi; basweekede, Butamani!

²⁸³ Mulimo wa Nowa, milimo yoonse, yakacita nciconya. Nowa wakakambauka. Obo mbombubo ncobeni. Wa kanjila mu bwaato. Elyo cindi na kanjila mu bwaato, kwali mazuba aali ciloba cakuti taakwe cintu cakacitika. Bumboni bwakwe bwa kakambauka ku banyonyookede.

²⁸⁴ Sodoma a Gomora! Jesu wa kaamba kuli yobile yawo mbuli kuboola. “Kakutanaba kuboola kwa Mwana wa muntu, mbo ciya kuba mbuli ku mazuba aa Nowa, aboobo mbo ciya kuba mbuli mbo cakabede mu mazuba aa Sodoma.” Wa kaamba kujatikizya Nowa.

²⁸⁵ Nowa waka jisi Kukwelwa Kotatwe, alimwi Kwatatu oku kwakali ku basweekede mulyango niwa kamana kujalwa. Nkambo, Leza waka ulekela kauli obo ncobeni, oko kwakanyina muntu wakali kukonzya kunjila na kuzwa aanze. Ba kali mukati. Nkambo, (mbuli aa mulundu waciloba) mulundu mulamfu kwinda, awo mpe mpawo Mpa kakkazika bwaato, mulundu. Mwabona? Mbo mbubo na?

²⁸⁶ Mu mazuba aa Sodoma, Kukwelwa Kutaanzi kwakali kwa Lota mululami. Elyo Bbaibbele lya kati, “I zibi zya Sodoma zyakapenzya buntu bwakwe bululeme mazuba oonse,” nzila balo banakazi mbo bakali kulilemeka a kucita.

²⁸⁷ Nywebo mulayeeya, “Mbuli mbo cakabede mu mazuba aa Nowa.” Ino bakali kucita nzi? “Kulya, kunywa, kukwata, ku kwatizigwa.” Banakazi, mwabona, banakazi. Ino cakali cinzi mu mazuba aa—aa Sodoma? Banakazi.

²⁸⁸ Elyo mulumbe Mutaanzi wakali Lota. Ba kamuseka ca kusabula.

²⁸⁹ Mpawo bakatuma batumwa bambi, bobile babo, nkabela ba kaunka kuselelo. Oko kwakali Kukwelwa Kwakwe Kwabili ikwa Lota . . . ikwa Sodoma.

²⁹⁰ Pele amulange kuli Umwi oyo wakaunka mamanino, kuli luse lunji a lunji. Lwa kamana loonse mpawo, kumana loonse ku ciindi eco. Oyo Mutumwa watatu wakaunka kunselelo kuya, Kukwelwa Kwatatu, ino Wa kalini? Ino musyobo nzi wa mulimo Ngwa kajisi? Wa kakkala a basale, a kubaambila eco cakali kucitika kunze Lyakwe. Mbubo na? Pele cindi Na kaleya kuya mu Babuloni, na mu Sodoma, Wa kali kuyanda kujana . . .

²⁹¹ Awalo Abrahamu, kalila, “Ikuti na inga Nda jana balulami bali makumi osanwe?” Kuyabuya kunselelo “balulami bali kkumi?”

Leza wakati, “Iiyi, kojana balulami bali kkumi.”

²⁹² Andi kwaambile cintu cimwi, mucizi, kaindi kaniini buyo. Yebo inga wabambwa mu ciyanza cakaindi, pele ujisi cintu cimwi mbuli baaba banamalelo babwaamu ncoba tajisi. Yebo ujisi cintu cimwi eco nca takonzyi kuba aco. Mbubo. Yebo inga wabambwa mu ciyanza cakaindi mu kusama kwako, kusama kabotu maningi mbuli mulindu. Inga baamba, “Amulange oyo mubumbulusi uusalala wakaindi.” Uta pengi. Walo ujisi cintu cimwi cakuti oyo namalelo muniini wakaindi wabwaamu, oyo uupede nyika yoonse kulanga aali nguwe kubusena kuya, ta cijisi pe. Ta konzyi ku cijana. Awalo uli sweekede, Cabutamani. Walo uli nyonyookede. Mwabona? Walo ta . . . Yebo uli jisi kulilemeka; uli jisi bubotu. Walo tajisi cintu pe. Walo ujisi namola oyo uucega myuuya isweekede mu gehena. I boofu baleenda kunjila muli njiyo. Lino, muli jisi cintu cimwi.

²⁹³ Nywebo mulizi, yebo inga toba akwalo mu bbuku lya cikombelo, pele antela mbuumi bwako bululeme bwalo bujatilide bukali bwa Leza kuzwa ku nyika sunu. I nyika taika cisyomi pe. Yebo o mwanakazi oyo wiitwa kuti mubumbulusi uusalala, yebo o mwaalumi muniini oyo uutazi nokuceya cintu cili coonse, pele ulalila kuli Leza, isikati a masiku, nkambo ka zibi zya cisi, yebo inga waba umwi oyo uutabulula bukali. “Ikuti Nda konzya kujana bali kkumi, Nse kaunyonyooni. Ikuti na Nda jana bali kkumi!” “Mbuli mbo cakabede mu mazuba aa Sodoma, mbubonya mbo ciyooba.” Mwabona eco nce Nda amba?

²⁹⁴ Kutali, “Ikuti na Nda jana ba Methodisti bali kkumi, ikuti na Nda jana ba Baptisti bali kkumi, ikuti Nda jana ba Pentekoste bali kkumi, ikuti Nda jana basikuzuza bali kkumi, ikuti na Nda jana basikwaanza milao, ikuti na Nda jana bakambausi bali kkumi.”

²⁹⁵ Pele, “Ikuti na Nda jana balulami bali kkumi!” Kuli Omwe mululami, oyo ngu Kristo. Kristo kapona muli Umwi, balo bali kkumi, mwabona, “Nse kaunyonyooni.”

²⁹⁶ Pele oyo Mutumwa wamamanino wakakambauka kuli baka nyonyooka. Yebo wati. . . Wa kayaansi kuya. Lugwalo talwambi eco caka citika, pele mulilo wakaloka cifumo caka ccilila, yaa,

Na kamana kucita zitondezuyo ezyo, Na kamana buyo kucita mulimo Wakwe wa businsimi. “Nkaambonzi Sara waseka?”

Waa kati, “Tee ndacita.”

Kati, “Iyi, wacita.” Mwabona?

²⁹⁷ Lino, kumane buyo eco, Wa kanjila mu Babuloni, na kainka kunselelo mu Sodoma. Taakwe naka bajana, aboobo mulilo wakaloka. Wa kajana Lota a bana bakwe basimbi bobile, kati, “Ko zwa kuno ndyoonya eno.” Mwabona? Wa kazwa. Wa kaunka kunselelo kuya. Amuyeeye, Wa kali mu lweendo Lwakwe kuya ku musanza. Wa katuma batumwa kumbele Lyakwe, pele Wa kainka ku musanza Lwakwe, yaa, kuyo langalanga ikuti na cintu eco coonse cakali boobo. Elyo Wa kacijana kacizwide nzi? Banakazi bapentedwe masyu. I Mulumbe kuba nyonyookede. Ino noba kacita nzi? Ba kauseka.

²⁹⁸ Ino bacita nzi sunu? I cintu nciconya. “Ndi zulilwa ku Assemblisi. Ndi zulilwa kuli Babumwi. Ndili—Ndili... Nda kaz yana mu Muuya. Bulemu kuli Leza, Nda kanana mu...” Mbubo, ko zumanana. “Njo gela masusu aangu ikuti Nda yanda. Njo cita *eci*. Njo—Njo amba buyo *eci*. Ta ndeede ku bapatizigwa mu Zina Iya Jesu. Ta—Ta ndikwe makani eco ca kaamba. Paulo walo mudaala sikusulaika banakazi, akwalo. Eco i...” Mbubo, kozumanana.

²⁹⁹ Bumwi bwa mazuba aya, ikuti tamuna cita kale, muyo zabuka muncali. Ta mukabi akuyandisya kumbi kwa kucita eco ciluleme. Sena mula mvwa eco nce Nda amba? Ngu makani. Mukwesu, mucizi, sa mula mvwisya eco caambwa? Muyo zabuka muncali oyo, nkabela tamu kayandi kucita. Mu cinomvwa Makani mabotu, masimpe, pele tamu Ka tambuli. Ta mukonzyi Kwa tambula. Pele Makani mabotu ayo kambaukwa ku banyonyookede, abo ba kasweeka Cabutamani, batakonzyi kufutulwa, limbi. Muli kale mu kasena ako, nkabela ta mukazi. Nywebo muyeeya kuti mupona mu misaalo, nkabela mulifwide kuciindi nco mupona.

³⁰⁰ Oh, amuswiilile. Boonse abo bakakaka Mulumbe wa oora, kakutanaba lunyonyooko, Makani mabotu a kakambaukwa ku banyonyookede, kusaanguna, kabatana kuunka; kakutakwe luse. Nowa, kajalilidwe, wakali bumboni. Leza wakajala mulyango, kumane Kukwelwa kwakwe Kwatatu. Kumane Kukwelwa Kwatatu ku Sodoma, milyango yaka jalwa. Tii kwakacili luse pe. I bali kkumi tiibaka janwa. Elyo basweekede baka kambaukilwa Makani mabotu, abo batakali kukonzya kufutulwa, nkaambo cakali buyo... Kali nzila eyo mu makkalo oonse, makkalo oonse alakaka Mulumbe kakutanaba lubeta.

³⁰¹ Sena ba cicita alimwi? Sa oko kulibonya mu Musumpululu wa Mulilo kunselelo awa ku mulonga? Sa oko kulibonya antoomwe aakati ka Mulumbe kau dinkaula banakazi, a kuwaala masena awo mpaelede kuba, a kutapatila abo

bakambausi babweza busena a kabungwe mu mweenya wa kukkala aa Ijwi? Kakuli, Leza wasimpikizya cakumaninina kuti Nguwe, alimwi kutali umwi uutayiide uutakwe ancazyi mucete mbuli muntu. Ngu Leza! Elyo sena lino twa boola ku kasena awo Kukwelwa Kwatatu mpo kunga kwa bweeda ku basweekede, Cabutamani?

³⁰² Sena eco ncencico cilengaano nco cakapedwa kuli ndime, mbuli mulombe muniini kutala kuya? Elyo Nda kainka Kumbo, alimwi mpaawo kwakali Ciingano cangolide ica Makani mabotu kaamweka aansi, ka tondezya citondezyo kuzwa ku Julu, mbubonya buyo. Amuyeeye, Ciingano cakali mu buboneki bukkwene, mbuli i—mbuli piramidi, akwalo, iyakidwe. Mwabona? Sa inga caba kuti ncibeela ca mutwe oko nko cimanina, a kutalika kuzwa *awa* kuboola kutala ku bweendelezi?

³⁰³ Mbuli piramidi, kasumpulwa kwiinda muli Luther, Wesley, Pentokoste, alimwi mpawo kubikkwa kwansonje ya bbwe. Sa inga caba eco? Ikuti na ncico, mpaali mpo tubede? Calo, antela eci. Nda syoma tacili ncico, pele ceelede kuba. Ci yooba. Amuyeeye buyo, yalo milimo yeelede kuba, ila zuminana kabotu lyoonse mbubonya buyo, alimwi cimwi acimbi. Ce elede kusika. Elyo Leza tacinci. Amu ciyeeye!

³⁰⁴ Amuli lume manjezeezya anu a meno aanu aa kumuuya, a kuziba awo mpo tubede. Ino kuti mbocibede, alimwi mu cili munzila njo mubede? Mpawo inga antela bweende akwalo. . . Muli manide, balo bali aanze. Kumane kuti Bbuku lyakabwezwa ku Kabelele, Cinamatizyo Cacisambomwe cayubununwa alimwi Zinamatizyo zyoonse, kwa mana. Inga caba. Nda syoma tacili obo. Inga caba. Ncibotu.

Lino, ako nke kaambo sa oku Kukwelwa Kwatatu nco kwatola ciindi cilamfu maningi?

³⁰⁵ Nywebo amubone, Kukwelwa Kutaanzi a Kukwelwa Kwabili kwakazwa kuli komwe kuya kuli kumbi. Nda kaamba ciza, nywebo mula yeeya, cindi ni Nda katalika, kutandila Citaanzi. Elyo Nda kati, “Kuyo boola ciindi no Ciyoziba akwalo maseseke aa moyo.” Nywebo mula yeeya? Mba ngaye? Baa, nywebo nyoonse mula yeeya eco, mu miswaangano yangu koonse. Elyo busiku bumwi Nda keenda buyo mu Regina, kutala kuya, a kweenda aa cibumbili; nkabela Mukwesu Baxter kuya, bantu bali cuulu cikubwene. Elyo mwaalumi wakeenda kumbele ku cibumbili, [Mukwesu Branham wanontola kanwe kakwe lomwe—Mul.] elyo mpaawo mbo cakabede. Elyo kuzwa eco cili mbubonya.

³⁰⁶ Pele yali myaka kuzwa no Nda kazwa ku masena aa kubelekela, yone, kutandila myaka yosanwe kuciindi no Nda kazwa. Ino ncinzi? Ino cacita nzi? Sena ako nke kakali kaambo

kuti cakali obo ku matalikilo, mu Matalikilo, “Kukkazikamoyo kwa Leza”?

³⁰⁷ Amuyeeye, cindi Na kalenga nyika, buzuba bwaciloba kwiina cintu Nca kacita. Wa kalyookezya. Wabona? Leza wakajisi kukkazikamoyo mu mwaka wacisambomwe, kutayanda kuti uuli oonse kuti anyonyooke, pele kuti boonse basike ku lweempo. Leza wakali kukkazikamoyo.

³⁰⁸ Alubo, akwalo, mu Matalikilo 15:16, ikuti na muyanda ku lulemba, 16, 15. Wa kaambila Abrahamu, “Kuya mu nyika eyo yaba Amori, milandu yabo,” bakali Bamasi lino. “Ta ndikonzyi kumu tola muya ndyoonya eno, nkaambo milandu yaba Amori, i Bamasi, tina zulila pe. Pele Njo babeteka. Njo boola mu nzyalani yane, alimwi mpawo Njo beteka cisi eco ku musako wa butale.” Sa eco cililuleme?

³⁰⁹ Sa catola ciindi cilamfu maningi, kuti kukkazikamoyo kwa Leza, mulimo cakuzumanana, kwiinda ku teepu a zintu zyoonse zimbi, zyalingula kabotu koonse ku nyika, kubona kuti na kucili aomwe? Pele ndiza omwe oyo wa mamanino wazwaa kunjila cainoino. Sena yakali milandu eyo ya—ya katola ciindi cilamfu maningi? Ikuti na Jesu ngu mbobuca, uli Walo mbwabede, ba Hebrayo 13:8, Mulumbe Wakwe weelede kuba mbubonya. (Kutandila kujala.) Micito yakwe yeelede kuba mbubonya.

³¹⁰ Ikuti na Kukwelwa Kutaanzi a Kwabili takujisi mubuzyo! Sa kuli mubuzyo mu mizeezo yanu kujatikizya Kukwelwa Kutaanzi a Kwabili? Sena kwaka boola kucitika mbuli Mbwa kaamba? [Mbunga yaamba, “Ameni.”—Mul.] Mpawo nkaambonzi kubuzya Kwatatu? Mwabona? Nkaambonzi ncomunga mwa Ku buzya? I kobile kutaanzi kwa katondezegwa ku Lugwalo. Nda tondezya kuli ndinywe kuseeni kuno kuti Kwatatu kwa tondezegwa ku Lugwalo, akwalo.

³¹¹ Amulange ku nyika, amubone awo mpoibede. Amulange nzila mbo yakaka Bwini, a nzila mbo calizibya kabotu, cibeela ca bunsinsimi. Lino mpaali mpo tubede? O Leza, koba siluse! Eco cibamba moyo wangu kusweka bulowa mukati kangu. Ino makaninzi ancico? Mpaali mpo tubede?

³¹² Amuyeeye, impela ezi zili ciloba kutala kuya, zya kakonzya kumwaambila. Cili . . . Takucikwe impela iimbi kwiindilila eyo. Ili aa Munyinja wa Cooko camasi. Yiinka moonya mu lukula, kuzwa awo kuyabuya. Butamani bwatalika. Impela zili ciloba, mpoonya aa Munyinja wa Cooko camasi. Awo mpoonya aakati ka ciluleme a cilubide. Elyo ku mamanino a ceeco, Kukwelwa Kwatatu kwakali Kukwelwa kwa mamanino ikwa cilundu. Sa mbo mbubo? Mwabona? Mbubo.

³¹³ Nowa wakanjila, mpawo kumane mazuba aali ciloba, kwiina cintu cakacitika, mwabona. Mu mazuba aali ciloba lubeta lwakasika. Ikuti buyo. . . Amuswiilile eno, mu kujala. Ikuti buyo, mu ciindi ca Nowa, no bakaziba citondezyo eco! Ikuti no baka

ziba buyo! Lino Ndila jala. Ikuti noba kaziba buyo citondezyo eco, nyika mu buzuba obo! Cakuti, Leza watondezya kuno, kwiinda ku kubala kwa Lugwalo, kuciindi cisyonto cainda, Wa kaba nyonyoona.

³¹⁴ Kutali kakutakwe luse; luse lwakatumba kuli mbabo kwiinda ku musinsi. Tiiba kakonzya kucisyoma. Leza ngu siluse, pele, Wa katuma luse pele tiiba kalutambula. Walo lyoonse ulatuma luse, kusaanguna.

³¹⁵ Ino ikuti no bakaziba citondezyo eco kuteeti cakali citondezyo ca ku mamananino? Elyo cindi niba kabona, ndyoonya buyo, lufutuko kalusumpulwa. Taakwe muntu, mwabona. Buyo, cintu citaanzi nywebo mulizi, mulyango wakajalwa. Ikuti niba . . . Kwakali muntu omwe luzutu wakaziba citondezyo eco, oyo wakali Nowa a nkamu yakwe. Abo mbe mbabo balikke buyo bakaziba. Cindi mulyango oyo ni wakazumbaala kujala ncobeni, Nowa waka ciziba. Nowa waka ziba kuti akali magolelo. Wa kaaziba. Mbo mbubo. Ikuti ni mwali kuzi buyo citondezyo!

³¹⁶ Oh, ikuti noba kaziba citondezyo eco, cindi niba kabona Umwi oyu kanjila muya, wakali kutala kuya antoomwe aa Abrahamu!

³¹⁷ Ikuti niba bakaziba buyo kuti oyo Billy Graham wasunu iwa buzuba obo, kainka kunselelo kuya, walo a Oral Roberts, a kukambauka mulumbe oyo kuli mbabo bantu boofu! Ikuti na bakonzya buyo kuziba, balo bakaindi ba Methodisti a Baptisti balulami kaindi kuya kuti bakali citondezyo kuli mbabo ba buzuba obo, Lota, cindi zibi nizya kapenzya njiyonya myuuya yabo. Mpawo ino ba Methodisti a Baptisti bakasanduka kubanzi? Mbuli Lota mbwa kacita, cintu nciconya. Pele baluleme, kubusena kuya, bakazwa. Masimpe.

³¹⁸ Ino kuti nakali Billy Graham cindi nakainka ku musanza, kwiinkila kubamba muzeezo, kunyeela cwiingamu, kudinkana dinkana umwi aumwi, a kuseka, masusu ageledwe, masyu aapentedwe, a kwalo kutabamba mulimo nouceya kujatikizya ncico. Kujoka buzuba buccilila, alimwi Billy wakati, “Ndi jisi zyuulu zili makumi otatwe; kujoka mu mwaka, nkabela Nse jisi akwalo bali makumi otatwe.”

³¹⁹ “Oh, Nda kabamba muzeezo. Ta—Ta—Ta ndiinki ku gehena; Ndiya ku Julu, mwabona,” kuzumanana kucovwaila moonya mu cibi. Ikuti buyo noba . . .

³²⁰ Elyo mpawo Makani mabotu na kambaukwa mu Nguzu, a zitondezyo a zigambyo, a Musumpululu wa Mulilo aatala aali ncico, a zintu zyoonse kazizumanana mbubonya buyo, a kwaamba ziza. Ikuti buyo noba . . . Ba kati, “I nkamu ya babumbulusi basalala. Ndwiiyo lwa kukwabana mizeezo. Musyobo umwi wa muuya wa bulozi. I dyabulosi, ngo koonse mbo Ci bede. Muta Ci syomi. Ta cili mu kabunga kesu. Ta tuyandi

cintu cakucita a Ceeco.” Ikuti noba kaziba buyo citondezyo! Ikuti noba kaziba buyo!

321 Jesu wakati, wakati, “Ikuti noka ziba buyo buzuba bwako, Jerusalema. Ikuti noka konzya kuziba buyo! Pele,” kati, “lino wasyaala kuli lwako.” Mwabona? “Ikuti noka ziba buyo. O Jerusalema, Jerusalema, nkanji kanji buti nke Nda kakubungilila, mbuli nkuku ntumbu mbwiinga yacita ku twana twayo, kuzwa ku mbeta ezyo zyzawaa kusika! Pele tokaziba buzuba bwako.” “Yebo o kauma bansinsimi a mabwe, a kujaya balulami, ikuti noka ziba buyo buzuba bwako! Ikuti noka ziba buyo, a kuli bambila aa Lugwalo lwako, a kuziba kuti kuboola Kwangu kwakali citondezyo ca mamanino ako. Lino uli moofu. Lino watapatilwa. Ciindi cako camana.” Elyo mbo cakabede. Mbo mbubo. “Ikuti noka ziba buyo ciindi!”

322 Amulange, cindi Jesu nakabamba bulunguluzi, nyika yaka zumanana ncobeni. Mwabona? I nyika yaka zumanana ncobeni, mbuli lyonse. Nkaambonzi? Nkambo teeba kaziba oora lyabo.

323 I nyika yaka zumanana ncobeni, cindi Nowa nakanjila mu bwaato. I nyika yaka zumanana ncobeni. I basikusabula, mu buzuba obo, bakacili jisi kubungana kwabuleya ikwankwela. Bakacili kulya, kunywa, kukwata, kacita zintu nzo bacita sunu. Mbubonya buyo, mbuli lyonse. “Ha-ha! Oyo mubumbulusi uusalala wakaindi wakajala mulyango. Lino, sena mwa kasola kumvwa cintu cili boobo? Ha-ha! Ulizi eco ncaamba? Toonse tuyo ‘nyikizigwa.’ Bufubafuba! Ali kuli maanzi?”

324 Basikusabula, mu mazuba aa Nowa. “Aboobo mbo ciya kuba mu kuboola kwa Mwana wa muntu.” Mbubo. Nowa wakalizi citondezyo. Cintu nciconya mu mazuba aa Lota. Zintu nzizyonya mu mazuba aa Jesu. Mbubonya mbo cibede sunu. Bala sabula kwa ciindi cabo ca mamanino. . . ? . . .

325 Mbubonya ku Sodoma, teeba kazi. Cindi Mutumwa oyo nakaimvwi kuya, Mulumbe kuzwa kwa Leza, ba kabaseka buyo a kusola kubasandula ku micito yabo beni. Mbo mbubo na? “Konjila a kutu sangana. Koba umwi wesu.” Sa mbo mbubo? “Konjila a kutusangana, koba umwi wesu. Uyooba umwi wa balombe. Kobooola, kotusangana.” Mwabona? Teeba kaziba citondezyo cabo.

326 Teeba kaziba kuti cindi Mulumbe oyo wakali kuzumanana, eco nciconya. . . Teeba kakonzya kucibona, oyo mulilo a bukali bwa lubeta, mbuli Leza, mulilo kuvutauka aa sulufa wakali kuyaka mu milengalenga. Teeba bakakonzya kucibona. I batumwa bakakonzya. Uh-huh. Lota wakali cizi, awalo. Wa kali cizi kuti cakaliko. Masimpe.

327 Mbubonya mbocibede sunu, cintu nciconya buyo. Bukali bulayaka, mabbomba aatomiki ala lengelela, zintu zyoonse zili ku mamanino. Cili mbubonya lino.

328 Amulange, no bantu, amuswiilile. Sena mwa kaziba . . . Yebo wati, “Mukwesu Branham, oh, ino kujatikizya coonse ca ncico?” Yebo ulizi, bantu bala konzya kweenda kuyabuya ncobeni kukambauka Makani mabotu mbuli mbo bakacita lyoonse, eco ncobaita kuti Makani mabotu, inga ka cimanide. Ba kacita mu mazuba aa Nowa. Ba kacita mu mazuba aa Lota. Ba kacita mu mazuba aa Jesu. Mbubo na?

329 Abalo ba Juda, Jesu nakamana kubaambila eco bukali . . . “Muli nyonyookede. Muli manide. Takucikwe limbi. Muli manide.”

330 “Oh,” wa kati, “oyo mubumbulusi uusalala. Ino ncikolo nzi Nkwa kazwa? Nko kuli Nkwa kazwa, oyo?”

331 Amuyeeye, Wa kali libambilide mpawo ku Kukwelwa Kwatatu Kwakwe. Uh-huh. Mbo mbubo. Wa kati, “Nkanji kanji buti ka Ndi kubungilila!”

332 Lota wakabamba kwitwa kwakwe kwa mamanino . . . na, Nda amba, Angelo wakacita, i mutumwa, kufumbwa oyo Mbwa kabede. Leza waimininwa ku buzuba buno, Leza waimininwa mu mubili wabantu, kabamba citondezyo ca mamanino, kacita bulizi bwa mamanino. Ca kamana koonse mpawo.

333 Nowa wakakambauka nkambauko yakwe ya mamanino; mulyango wakajalwa kunze lyakwe. Oko kwakamana. Ba kaciseka, a ku cifuubaazya.

334 Koyeeya, bantu inga bazumanana ncobeni kukambauka! I Nkamu ya Mabungano aa banakristo inga abelekela antoomwe a mbungano ya Katolika, mbuli buyo mboba kasyomezya kucita. Tubunga toonse inga twa talika kuboola, pele caando ca munyama nko cili kale. Bala cibweza, muli eco. Mwabona? Elyo ba lati, “Oh, aleluya, alelekwe Leza, kwakali banji loko bakafutulwa masiku ainda.” Ba kacita? “Ba kazyana mu Muuya. Ba kaamba mu myaambo.” Eco ta caambi cintu comwe. Mwabona? “Oh, mba buuya a babombe. Iiyi, munene. Bali jisi mucelo wa Muuya.” Eco tacili citondezyo. Kutali nokuceya.

335 Andi mupe mucelo wa Muuya, aakati ka Jesu a ba Farisi, mubone oyo waka jisi mucelo wa Muuya. Ino kuti Nda ima, mbuli mbo Nda talika kwaamba kuciindi cisyoono cainda, kulwana Kristo lino kwa kaindi kaniini? Leza andi jatile akwalo ku caamba, mwabona, pele ku mutondezya buyo cintu cimwi.

336 Ino kuti Nda boola kuli nduwe a kwaamba, “Kwaamba, kuli ndinywe no mbunga, nguni mweenzinyoko? Nguni uutondezya mucelo wa Muuya? Mupaizi wanu wakaindi sibuuuya. Nguni uboola kuli ndinywe mu cibbadela cindi nomu cisidwe? Mupaizi wanu wakaindi sibuuuya. Mbo mbubo. Ngwani walo oyo lyoonse uumuboleka mali amwi cindi nimu lwanwa, mu busena bwaku syanikila? Nywebo no bantu ba mbunga eyi, sena ta mwiinki ku mupaizi wanu wakaindi sibuuuya nkabela ula muboleka mali? Mwabona? Nguni oyo walo lyoonse wa luyando a buuya,

a kutondezya mucelo wa Muuya? Mupaizi wanu wakaindi sibuuya.

³³⁷ “Nguni oyo wakaiya kwa myaka a myaka, mu ma sinagogi kunselelo awa, oko syanyinakulu mupati-mupati-mupati-mupati-nkwa zwa, mucuindi coonse calweendo? Nguni oyo wakaiya a kuba... kabeleka canguzu a kujana madigrii a ma PhD a ma LLD, kuziba Ijwi eeli, a kwiima awa a kukambauka kuli ndinywe kuseeni Munsondo zyoonse mu mbunga yakwe? Mupaizi wanu wakaindi sibuuya.

³³⁸ “Nguni oyu muzangi, uutegwa, ‘Jesu’? Ino ncikolo nzi Nkwa kazwa? Ino ncikolo nzi Nkwa zwa? Lili kuli kkadi Lyakwe lya luswaanano? Ino nkabunga nzi Nkwa zulilwa?

³³⁹ “Ino ucitanzi cindi nywebo nyoonse no mujisi nkazyanyo ya mukwasyi? Nguni uboola kuli ndinywe? Mupaizi wanu wakaindi sibuuya, kusola ku... Elyo mwa nojisi nkazyanyo kuli simukobo oyu kutala kuya, alimwi mupaizi wanu wakaindi sibuuya ulaboola a ku mubamba. Kati, ‘Nywebo nyoonse muli bana ba Leza. Ta mweelede kucita eco.’ Eco ncencico eco nca... .

³⁴⁰ “Ino oyu Jesu waku Nazareta ucitanzi? Ulamwaya cintu. Ino Walo ucitanzi? Kutapatila maningi kabunga kanu. Ino Walo ucitanzi? Kaita mupaizi ‘musololi moofu wa boofu.’ Wa ka mwiita kuti ‘nzoka mu bwizu.’ Wa kabweza cituuzyo eco Leza nca kasala, a kutapaula matafule koonse, a ku mwaya mali koonse, nkabela wakabalanga a bukali. Sena mwakasola kubona mupaizi wanu kuboneka mbuli boobo?” Lino mpaali aali mucelo wa Muuya? Uh-huh. Uh-huh.

³⁴¹ Kutali ku kwaambaula mu myaambo. Kutali ku kuzyana mu Muuya. Kutali ku sangana cikombelo. Kutali ku mucelo wa Muuya; Bakristiani Sayansi inga bazimya nyoonse aali eco, mwabona, nkabela kukaka akwalo kuti Jesu Kristo wakali Sibuleza. Kutali eco.

³⁴² Pele ndi Ijwi, lipona! Ndeelyo we. Ikuti noba kalanga buyo, Wa kali Mesiya. Wa kali Ijwi lipona, kaba mu mbili wabuntu.

³⁴³ Elyo muntu ujisi Muuya wa Leza muli nguwe, na mwanakazi, uupona Ijwi eelyo, lilapona ncobeni muli mbabo. Oko nku dunta kwa moyo, kakanzwa, ku Ijwi lya Mwami liboola kuli mbabo, alimwi balo ndi Ijwi ku bantu. “Magwalo aalembedwe abalwa aa bantu boonse.” Mbo mbubo na? Sa inga Kukwelwa Kwatatu kuli mukucitika?

³⁴⁴ Bantu ku teepu, ndinywe nomu swiilila ku teepu eyi, Ndi lombozya kuti nimwali kukonzya kulanga ku mbunga eyi ku ciindi eci. Uh-huh. Nda syoma mulimvwa munzila njiyonya.

³⁴⁵ Ino kuti mbo kubede? Amulange ku Magwalo alundikidwe mukati muno. Sa inga kwaba? Sa Kukwelwa Kwatatu nkukambauka kuli bakanyonyooka Cabutamani abo bakakaka Mulumbe wa lufutuko?

346 “Ee,” yebo wati, “mbungano iyo. . .” Inzya, bayo cita. Bayo zumanana ncobeni, mbubonya buyo.

347 Pele, amuyeeye, cindi eci coonse, Nowa wakali mu bwaato. I Nabwiinga uli namatikidwe mukati a Kristo, muntu wa mamanino wa nununwa. I Cinamatizyo Cacisambomwe calitondezya lwaco. I Cinamatizyo Caciloba cila Mu josya ku nyika. I Kabelele kaboola a kubweza Bbuku kuzwa ku janza lyalulyo Lyakwe, a ku kkala a cuuno a kutaminina eco cakali Cakwe, eco Nca kanununa. Mbombubo na? Kwakali obo lyoonse Kukwelwa Kwatatu.

348 Kotatwe nkulondoka. I mulimo uboola ku bulondosi walo cindi wasika kuzyala Kristo alimwi kunyama, aakati kabantunsi, mbuli mbo cakaambwa kuza, “Mbuli mbo cakabede mu mazuba aa Lota.”

349 Oh, amuyeeye, bantu inga bazumanana ncobeni kukambauka, kaba yeeya kuti bali mukufutulwa, kusyoma kuti bali mukucita ciluleme, kusyoma tubunga twabo katu komena, masimpe, a kutali akwalo bube bwa bulangizi. Elyo ikuti cilengaano eco cakali eco, alimwi cali ciyumu loko kulwana banakazi, twa boola ku oora eelyo. Mulyango uli jalidwe, kwamana, kale Bbuku lili mu janza Lyakwe. Amu ciyeeye.

350 Andi mwaambile eci kakutanaba buyo kujala lino. Nda jala. Ca kaambwa, makani mu Ireland, kulanganya masena aa maanzi. Kwakali muncali mupati wa musee oyo unka kunselelo ambali lya lubazu lwa nkomwe, alimwi atala aa cilundu eci. Elyo kwakali mwaalumi wakali kuyabuya, keenda antoomwe buzuba bumwi, buyo—buyo ku ciindi cakucinca kufuta kwa lwizi nokutalika. Elyo kuya kwakali muntu mulemu wakali kupona aa cilundu, oyo wakazi kucinca kufuta oku kwa lwizi. Wa kalizi ciindi ca buzuba kucinca kupati kwa kufuta ikwa lwizi nokwa keelede kuboola. Wa kalizi eco ciindi kucinca kufuta kwa lwizi nokwa katalika. Oyu mulombwana takabikkila maanu ku ciindi. Wa kali umwi wabaaba bakali kulilemeka mbuli bazi zintu zyoonse. Wa kajisi muzeezo wakwe mwini. Wa kali simisobano ya kuzuza, mulombwana, musongo mupampu, pele ta kazi ciindi cakucinca kufuta kwa lwizi. Ta kazi cisi. Ta kazi ciindi citondezyo nicaka luleme, cindi mweezi niwaka bbila kunze lya nyika.

351 Elyo cindi Leza asola kulesya Muuya Wakwe kuzwa ku nyika, mukwesu, yalo yanyonyooka, ya maninina.

352 Oyo mweezi inga wasola kuzwa mu busena bwawo, maanzi aa lwizi inga avumba nyika mbuli mbo cakabede cindi Leza nakaitalika, ku Matalikilo 1. Pele mweezi ula kkala kuya, alimwi cindi watalika buyo kweendelezya kwawo, kucinca kufuta kwa lwizi inga kwatalika kunjila canguzu.

353 Oyo mudaala musongo wakali kukkala kuya mu busyu bwa mbubo, wawalizi ciindi eco mbo cakabede. Oyu mulombwana

taakazi. Taakwe na kaciiya. Taakali kubikkila maanu kujatikizya ncico. Elyo mudaala oyu musongo wakazuza kubusena, a kuti, “Muntu wangu mubotu, tabi acamba cakuciya aambe. Ko joka, cakufwambana. Kuli bwaanda. Yebo tokonzyi kutanta bwaanda. Uyo nyonyooka. I... Zyalo zitondezyo nkozili, ciindi. I—i kucinca kufuta kwa lwizi kuyo poomoka ndyoonya buyo, nkabela to konzyi kujoka. Uta unki ambele pe.”

³⁵⁴ Elyo mwaalumi waka nyona, a ku museka, kati, “Kolanganya buyo mulimo wako wini. Ndi lizi eco nce Ndi konzya kucita a ceeco Nce takonzyi.” Elyo kucinca kufuta kwa lwizi kwaka mufumpa. Mwabona?

³⁵⁵ Inga kwaba kumuka kwiinda mbo tuyeeya. Mwabona? Inga akuvumpa. Muta inki aambe. Muta ciciti, no bantu. Ikuti na mwaka ndisyoma lyoonse kuba mulanda wa Leza, a mubweze majwi angu kuseeni kuno, ikuti na mwakasola kucicita. Inga ciindi cinooli cakainda kale. Manji loko Malembe acitondezya munzila eyo. Lino, amuyeeye, Ta ndaambi kuti mbo cibede. Ta ndizi. Pele amulange buyo.

³⁵⁶ Elyo Nda kosola kutandila mapeegi aali kkumi awa, ayo nge Ndali kuyoowa ku mwaambila. Mwabona? Mwabona? Muka. Wood ngo bulunguluzi bwa ceeco, alimwi Ba. Wood. Cindi ni Nda unka kunselelo kuseeni sunu kuyo babona, Nda amba, “Ta—Ta ndikonzyi ku baambila eco, konzyi kuunka ambele boobo. Njo bikka buyo aya Malembe manji, a ku cisiya ambabo, nkaambo ciyo teping’wa.” Njo unka.

³⁵⁷ Elyo bantu bayo seka Mulumbe oyu. Kuli kabotu, kuyooba kuyeeya kakuli cindi cakainda kale, bumwi bwa mazuba aya. Ko zumanana, kuba buyo simbungano. Kogela masusu ako, kopenta busyu bwako. Ko zumanana, a kubweza “Taata, Mwana, a Muuya Uusalala,” ikuti na uyanda, eco, kucibamba Baleza botatwe a kuba muhedeni. Ko zumanana, kojatilila ku kabunga kako. Kocita boobo, ikuti koyanda.

³⁵⁸ Kwaamba, “Nda kazyana mu Muuya, Nda kaamba a myaambo; Nda ka Ci jana.”

³⁵⁹ Nda kabona madyabulosi kaacita cintu nciconya. Nda kabona balozi kabaamba mu myaambo a kwiipandulula; a kucilemba mu myaambo iitazizilwe, ku cipandulula; abo bakanywa bulowa kuzwa ku kapompo kamutwe wa muntu, a kwiitila dyabulosi, kazyana mu muuya.

³⁶⁰ I bana Muhamedani bala zyana mu muuya, mbuli boobo, kusikila bala konzya kubweza tusamu twa kapandulwa a kuzuza antuto kungsi lya tunwe twabo; a kubweza isumo akuliyasa kwiinda ku busyu bwabo, mbuli boobo, a kulisomona, nkabela taakwe akwalo dosi lya bulowa lizwa kuli ncico.

³⁶¹ I bama India bayo enda mu mulilo, kakutakwe cisamidwe ku matende, kubbila tukokola tuli totatwe; a tone-, kubwiingane bwa-tukokola totatwe-na tone; kifulida, kuulula makala aa

mulilo mane atuba buu kupya; a kutasola kupya ku matende abo, a kukaka kuti kuli cintu cili mbuli Jesu Kristo.

³⁶² Peepe, peepe, mweenzuma. Ndi Ijwi ndeli lungulula mbo cibede. I bantu a Ijwi beelede kuba bomwe. Mwabona? Jesu a Ijwi bakali bomwe; Wa kali Ijwi. Alimwi cindi Jesu napona mu muntunsi, eco cibamba walo a Ijwi kuba bomwe. Uta . . . Bumi bwako mbo bupandulula mbobede.

³⁶³ Lino koli langa buyo mu ciboniboni ca Leza, kwaamba, “Mbobuti mbo Ndi boneka cifumo cino?” Kuciindi no tukomba.

³⁶⁴ [I mukwesu waambaula mu mwaambo uumbi. Mukwesu uumbi wapa bupanduluzi. “Bana bangu, sunu, Nda amba kuli ndinywe. Inzya, akwalo Mebo, Leza Singuzuyoonse, walanga aa nyika sunu. Nda bona bubu obo bulenge obu nko bwaletwa. Inzya, Nda bona cibi eco muntu, buzuba buno, ci vumbilila mukati. Inzya, sa teemwa ziba kuti Nda mucitila cintu cipati? Inzya, Nda tuma muntu mu buzuba obo bwa mamanino, inzya, kuti abe caambawido ku nzyalani eyi. Pele Nda amba kuli nduwe, buzuba buno, bantu bangu, banji basabula ku zina eli. Inzya, ba futatya masule abo ku zintu nzya kanana. Pele Nda amba kuli ndinywe, abo balo bayomvwa Majwi aya, Njo citya zileleko zipati ku bawida. Ndime Leza Singuzuyoonse. Njo pa bulumbu, buzuba buno, kuli baabo bayo tambula Majwi aaya cakusinizya, mbwaamba Mwami.”—Mul.]

Ndakazimina kulaale kuzwa kuli Leza,
Lino Nda boola ku muunzi;

Komba, ikuti na wakasola kukomba!

Ko julisya maanza Ako a luyando,
Mwami, Nda boola ku muunzi.

Boola . . .

³⁶⁵ Kuciindi no muzumanana kwiimba, Ndi yanda kumubuzya cintu cimwi. Sena kuli kaimba mu myoyo yanu ako kaboneka kakasizigwa ku cibi? Ikuti mbombubo, lino nce ciindi ca kukagwisya, ndyoonya eno, ikuti kuli luse lusyeede.

³⁶⁶ Eci, Nda syoma, embo na. Nda syoma takako. Pele ikuti na ciboneka kuti inga caba? Amuswiilile eco Muuya Uusalala nco waamba aakati ka bantu, ni Nda mana, “Ndi Jwi kuli ndinywe.”

³⁶⁷ Elyo ikuti na nkokali, ikuti na ujisi kadima kali koonse mu buumi bwako, sa inga to boola nkoonya kuno kuzunguluka cipaililo eno, kuciindi notu zumanana kwiimba. Ndyoonya eno, ikuti na kuli kulibilika, ikuti na kuli kaimba, uta cisumpyi ku ciindi cimbi.

³⁶⁸ Kulangila a kusyoma kuti tacili boobo; pele ci yooba, bumwi bwa mazuba, alimwi inga caba sunu.

Lino, Mwami, Nda boola . . .

369 A kuyoya mu mpemo zyako nkoonya ku zungulukide nduwe! Ikuti na bantu baku teepu inga babona buyo eco cili mukucitika kubusena kuno lino; kusyankana buyo kuli umwi aumwi, kulila, kuboola kuzwa ku masena oonse.

370 Sa inga caba cilengaano eco, cindi ni Nda kali mulombe muniini, sa nde oora? Sa eci nce ciindi kwalo balo baboneka kukatala, kudimuka; gehena kaili yakalengwa nkoonya kuno aa nyika?

371 Zipaililo a mwakwiinda, a zintu zyoonse, zili zwide lino. Ikuti na to konzyi kusika ku cipaililo na mwakwiinda, kufumbwa busena aakati ka baaba bali myaanda awa; koima buyo, ikuti na waamba, “Ndi yanda kwiima a kukomba, bantu buyo kuti bazibe,” na kufugama, kufumbwa cintu nco yanda kucita. Oh, ma! Lino tokonzyi kubona muntu uuli oonse kakkede aa cuuno. Mbantu baimvwi ku masena oonse.

372 Akube kuti Nda ambe eci. Leza wakasya, Leza wakasya kuti eco nce Nda amba cili eno. Akube kuti Ndi cimvwisye, bantu boonse; Leza wakasya. Kuli i . . . Ndi jisi bana abo batako muno. Ndi jisi bana basimbi bobile a mulombe. Ndi jisi bakwesu. Ndi jisi bantu bangu abo batako. Leza wakasya kuti luzyalo lwa tusiya; kuti coonse eci ciyooba buyo kulicengeezya.

373 Sa kuli luzyalo lusyeede, Mwami? Andi lubile aali eci, Mwami. Aci lubile ku ciindi eci. Kuti Mebo, tacili obo, kuti bantu inga kaba cifutulwa. Ko cipa, Mwami. Nda komba, a kutuula baswiilizi aba kuli Nduwe lino, mu Zina lya Jesu Kristo.

374 Bantu boonse amukombe lino, mbuli buyo. . . Ino kuti mbo cakabede? Lino, Ta ndizi obo mbocibede, pele ino kuti cakali obo? Kokomba mu nzila yako. Kokomba buyo nzila njoyanda ku komba. Buyo ikuti eci cakali bwini, ino inga twa cita nzi, beenzuma? Ino inga notwacita nzi? Ino, ino ncenzi ciyo citika? Lino kokomba, bantu boonse. Kolila buyo—buyo, kokomba buyo nzila njoyanda kucita. Koompolola buyo kuli Leza, mu nzila yako iini. O Leza!

Maboko aako aa luyando,
O Mwami, Nda boola ku muunzi.

375 “Mwami, Ndali kuyanda kucicita cindi cilamfu cakainda. Sena Nda kalindila kwaciindi cilamfu, Mwami? Sa eci, sa camana? O Leza, kojulisya maboko Ako aa luyando a ku nditambula. Cintu cimwi mu moyo wangu kacikumbila ncico, Mwami. Kojula alubo. Ikuti na zina lyangu lyakali mu Bbuku lya Kabelele, ko ndaambila lino, Mwami. Andi citambule ndyoonya eno. Kaka cita, Leza.”

Boola ku muunzi, boola ku muunzi,
Oh, kutasola, Nse kasoli limbi, Mwami,
kutuntulika limbi;
Ko julisya maboko Ako aa luyando,
O Mwami, Nda boola ku muunzi . . .

376 I Bbaibbele iyakati, cindi noba kaziba Jesu, cakuti, “Umwi aumwi uyo omoka mbuli mwana wabo alikke kali mukujayigwa.”

. . . -a ku muunzi,

377 Nywebo nomuli aanze, nywebo nomuli mu myootokala, kwiinda ku kapepele ka mayuwe aluwo mafwaafwi, nywebo nomwiimvwi koonse ku buyake, bunji bwanu, amuyaamike mitwe yanu ku buyake, kwaamba, “Mwami Leza, kondifwida luse.”

Ko- . . .

Amube basinizizya cakumaninina, beenzuma! Amuyeeye eco ciindi nco tupona! Mpaali mpo tubede?

. . . luyando

Mwami, Nda boola eno ku muunzi.

Boola ku muunzi, . . .

378 Mwami Jesu, Nda cita eci kuli konse oko nko Ndi zyi eco. Nda cita konse oko nko Ndi zyi eco. Kopa, Mwami, kuti milyango ya luse icijukide. Kuli aba bali myaanda, myaanda iini bayandaula Nduwe ku ciindi eci, kogwisya kaimba ka cibi coonse, Mwami, a kuba njizya sunu.

379 Nda—Nda kumbila, a moyo wangu oonse, mbuli mbo tutaboni buyo muntu umwi kaambaula, pele, Lugwalo Lwini kutuleta ku oora eli. Elyo cilengaano eco, ca mulombe muniini, kubona bantu abo mu ciimo eco; alimwi eno, koyeeya, kuti gehena lwayo, luse lwaka mwaigwa ku nyika, alimwi lino gehena lwayo ili ano, a bantu, Mwami, bali mu ciimo eci ciyoosya maningi.

380 O Leza Singuzu, aa Mbungano eyi Iisalidwe, Nda lomba, Leza, kuti Uyo tila zileleko Zyako, kuti bakonzye kutambula a— a mulimo wa bulunguluzi, cakuti mbuli Lota mbwa kajisi, mbuli Nowa mbwa kajisi, mbuli Jesu mbwa kajisi, ku basweekede Cabutamani, ikuti na nkokuli; kuti balo beni kaba namatikidwe mu Bwami bwa Leza, pele kupa bumboni kuli Jesu Kristo kuti ngu mbobuca nguwenya, sunu, amuya myaaka. Ko cipa, Mwami. Akube kuti Yebo utambule kulomba kwesu, mbuli mbo tu kumbila mu Zina lya Jesu.

381 Kokomba buyo mu nzila yako njoyanda kukomba lino. Utabi mu kubinda. Utabi mu kubinda. Ino kuti uli zina lya mamanino kuunka mu Bbuku?

Nda boola ku muunzi.

Boola ku muunzi, boola ku munzi,

382 Mukwesu Neville, koya aatala a kuba kombela. I mweembeli uyo komba lino a ndinywe kuciindi nomu komba. Nda imba.

Ko julisya maboko Ako aa luyando,

Mwami, Nda boola ku muunzi.

Boola ku muunzi, boola ku muunzi,
Takucikwe kutuntulika; (Iiyi, Mwami.)
Ko julisya maboko Ako aa luyando,
Mwami, Nda boola ku muunzi.

Boola ku muunzi, boola ku muunzi,
Takucikwe kutuntulika;
Ko julisya maboko Ako aa luyando,
Mwami, Nda boola ku muunzi.

³⁸³ [Mukwesu Branham a mbunga bakaimba lwiimbo luli aatala kuciindi Mukwesu Neville naka komba. “Leza Singuzuyonse, Taata wesu Wakujulu, mbuli mbo cakabede, sunu, tuli kkomene kuti Wa tupa, mbuli mbo cakabede, mwaakwe wa ciindi eci cakukonzya kuyeeya nzila zyesu kumbele Lyako. Leza Wangu, sunu, kuzwa kungsi kwa buntu bwesu, twa lilila Nduwe, Mwami, mu kwiiminina, kutali buyo lwesu, pele umwi aumwi. Kolekela oora eli, Leza, libe ciindi, cifumo cino, Taata, cindi Yebo wa, ikuti na Yebo tona kuyungizya luse, Taata, acibe, kuti aba bacita buzuba bunu kusiya kulisumpula kwabo koonse, kweebeka kweebelezya, a zintu zimbi. Mwami Jesu, sunu, twa komba kuti Uyo pa eco bamwi abo bafugeme, oh, alimwi kukotamika mitwe yabo koonse ku buyake obu. O Leza, lekela Jwi eelyo, kuzwa ku Julu, likanane cifumo cino. Kopa kaanzambwene, Mwami. Kolekela baalumi aba, aba baalumi balimukufwa a banakazi, Jesu, atube a, buzuba bunu, kuumbulizigwa kwa Kamboni oyo kaseluka kuzwa ku Julu cifumo cino. Mu Zina lya Jesu Kristo, tula kumbila, Mwami, ikuti na kucili kuyungizigwa kwa luse kwiinda mu Bulowa, alu boole aali umwi aumwi, sunu, kweendelana ku kuboola kwabo. Acibe boobo, sunu.”—Mul.]

[Mukwesu Neville wazumanana kukomba. “Elyo akube kuti umwi aumwi, Mwami, akkutile, buzuba bunu, kuteeti Uli Leza Singuzuyonse. Ikuti na oku nkuyungizigwa kwa luse, akube kuli umwi aumwi, camuntu amuntu.”] Ko cipa, Mwami. [“Acibe lino, Taata. Alimwi lekela luumuno lwa Leza, olo lwiinda kumvwisya lyaonse, kolulekela kuboola alimwi ku myoyo iilindila.”] Iiyi, Mwami. [“Kolekela eli kuba oora.”] Iiyi. [“Tula syoma kuti Wa tumvwa kuzwaku Julu.”] Leza, ko cipa. [“Kufumbwa cintu cili mu ciyobwedo nkambo ka ndiswe, ikuti na camana, mpawo, Mwami, tu lizyi ayo aali mamanino.”] Iiyi, Mwami. [“Pele, ikuti na pe, kolekela Kamboni aboole.”] Iiyi, Mwami. [“Kolekela abo beelede kuboola, koba lekela bajane luumuno buzuba bunu,”] Ko cipa, Mwami. [“kwiinda muli Jesu Kristo. Alimwi mu Zina Lyakwe twa lomba. Ameni.”—Mul.]

³⁸⁴ Mwami Jesu, Nda komba kuti Uyo vuna Becky a Sarah a Joseph, a balo, kusanganya, Mwami. Uta lekeli eci kucitika ku bana bangu, Mwami. Uta lekeli eci kucitika ku bakwesu bangu a beenzuma bangu. Ko cipa, Mwami.

³⁸⁵ Ta tuzi, ta tuzi, pele tuli mukubona cintu cimwi, Mwami. Ncitondezyo ca kuzungaanya ndyoonya lino kumbele lyesu? Ko cipa, Mwami. Ko tuswenya loko toonse kuli Nduwe, cakufwambaana, Mwami. Tula Ku yanda alimwi tu bulide Nduwe. A cibe, Taata, Muuya Uusalala kutupa kumbulizigwa mu myoyo yesu lino.

³⁸⁶ Twa komba kuti inga twaba bakamboni kuli Nduwe mu oora eli, nkambo tu lizi kuti eci ceelede kucitika. Ca kaambwa kuyo citika mu makkalo oonse, alimwi twe elede ku cilanganya, kuteeti tuli ku ciindi caku mamanino kwalo twa bona zitondezyo ezi ka zili bonya. Tu lizi, alimwi kaambilwa kwa myaka minji lino, kuti cintu eci ciyo citika. Lino twa cibona nkoonya ku mulyango wesu, bukali bupati bwanguzu ibwa Leza kabweenda kwiinda mu tugwagwa, kugwisya batapalwidwe. Awo aatakwe Bulowa aa citendele, angelo wa lufu ulaswaya; alimwi bala zumanana ncobeni kupona, pele bali fwide kuciindi noba pona, kakutakwe luse, kakutakwe Leza, nkabela taba konzyi kufutulwa.

³⁸⁷ Leza, nzila mbo tu Ku lumba nkambo ka baaba bakafutulwa! Nzila mbo tu . . . Ino ncileleko cipati ku myoyo yesu, kuba aa mukati lino, kungsi kwa Bulowa, kuciindi angelo wa mamanino nainda mu nyika yoonse, kugwisya i . . .

³⁸⁸ I bantu batali kungsi kwa bulowa, bakafwa kakutakwe luse. Kuti kwakali kukwelwa kwa mamanino kwa Musa. Kusaanguna, i—i mwaalumi mukubusyi kaambaula kuli Israyeli; lwabili, kainka ku musanza kuyo bavuna; lwatatu, wakali mulumbe wa mamanino. I maleele akacitwa, Musa wakali mu lweendo lwakwe ku nyika ya cisyomezyo, aba kanununwa.

O Leza, koba siluse, Nda komba, mu Zina lya Jesu.

³⁸⁹ Lino Ndi yanda kubuzya eci. Yebo no komba, yebo nolimvwa kuti ujisi luse, alimwi kuti (Leza) wa mvwa kuti uli mu Bwami bwa Leza, yebo ulimvwa kuti—kuti wa bombomana munzila imwi iimbi, kuti muli Kristo ujisi lusyomo kusyoma kuti uli Munakristo, wa kazyalululwa alimwi ulizi kuti uli Munakristo, alimwi kakutakwe kuzumbauzya. Ndi lombozya kuti nyoonse mwiime, yebo noyanda, uusyoma eco, kuti luse olo lwayungizigwa kuli nduwe lino, alimwi muli Banakristo, alimwi mula—alimwi mula syoma kuti—kuti Bulowa buli bikkidwe ku moyo wanu, alimwi—alimwi—alimwi kuti mwajatilwa ku zibi zyoonse.

³⁹⁰ Eci cali cintu ciyumu kwaamba kuli ndinywe no bantu. Ndi lumbide maningi, a kubona bantu kubako kuzwa ku masena oonse. Elyo wa, Nda—Nda obo . . .

³⁹¹ Ta ndizyi kuti cintu eci cili bwini, pele ceelede kuba nzila eyo, ciindi cimwi. Mwabona, ceelede kuboola kuli eco, alimwi inga caba lino. Mwabona? Mu nzila zyoonse, nyika iyo zumanana ncobeni. Bantu ba ciyo boola ku cipaililo, ba cino ompolola, pele

tacika gwasyi pe. Mwabona? Bali nyonyookede, mwabona, cino manide. Taku kabi luse. Amuyeeye eco. “Elyo busena busalala buyo zula busi bunji.” “Oyo walo simatombe, kacili simatombe; oyo walo mululami, kacili mululami; alimwi oyo walo uusalala, kacili uusalala.” Takucikwe limbi luse, cindi Kabelele abweza Bbuku; nce ncico, kwamana koonse kuli ncico. Elyo ciboneka cintu coonse mbuli kuti inga caba lino.

³⁹² Ndiza tu jisi buzuba bumbi; ndiza sunu mbo buzuba obo. Ndiza juunza mbo mama- . . . Ndiza sunu masiku nge masiku aa mamanino. Ndiza oyu mwaka wa mamanino. Ta ndizi, beenzuma. Ndili mukumwaambila, Ta ndizi. Ta cikaambwi kuli ndime.

³⁹³ Pele cindi Leza abweza zina eelyo lya mamanino a kuli nununa kuzwa ku Bbuku eelyo ilya Buumi, kwamana koonse kuli ncico. Mwabona, taku cinookwe bambi, munzila iili yoonse. Ta konzyi kuba bambi, munzila iili yoonse. Kwa gola. Ca mana.

³⁹⁴ Mbangaye bazi kuti cili Bwini? [Mbunga yaamba, “Ameni.”—Mul.] Mbubo. Bwalo—bwalo Mbwini. Lino mukati tu limvwa . . .

³⁹⁵ Elyo Nda bona mbunga eyi nje Nda kakambaukila a kucenjezya, myaka eyi yoonse, a kubona Mulumbe mbuli oyu ngo Nda . . . kuti Nda—Nda leta eci mu ciimo cabuyumuyumu kucilanganya. Alimwi amuyeeye buyo, Nda caamba kutegwa mu cimvwisye, mu ciimo *cabuyumuyumu* kucilanganya; zintu zimwi zimbi inga zyatandila ku muzunganya kuzapauka, mwabona. Pele Nda ci sotoka buyo, ndalimvwa kucicita, nkaambo ta Ndili masimpe. Ikuti ta Ndili masimpe awo mpo Ndi lyata, Njo lyata kabotu, mwabona, pele ku mwaambila buyo.

³⁹⁶ Amuswiilile. Sa tamu kkomene? Sena inga kwaba cintu cili coonse cipati maningi, eco nco mukonzya kuyeeya, eco nco mwakacita mu buumi bwanu?

³⁹⁷ Ino kuti camana lino? Ino kuti ca citwa coonse? “Oh,” yebo wati, “Mukwesu Branham, ndiza . . .” Inzya, Ndi lizi. Inga bazumanana ncobeni. Ba kacita, ziindi zyoonse. Nda pandulula eco a ku citondezya ku Lugwalo, mwabona, nyika yaka zumanana kweenda ncobeni, pele ca kacitwa. Mwabona?

³⁹⁸ “I bufubafuba bwa kukambauka kufutula basweekede. Elyo mbufubafuba, ku bantu. Mbusongo bwa Leza.” Mwabona? Leza ngo Muuya. Ula beleka mu nzila zya kumuuya, mwabona, zigambyo Zyakwe ku cita; nzila zigambya. Pele, tuli bantunsi, tula gola. Ta tuzi; tu langa buyo ali eco nco tu konzya kubona. Pele Cintucimwi cili mukati muli ndiswe . . .

³⁹⁹ Cindi weenda kuzwa mu kaanda ako kuno, ikuti na tona cibona mu buumi bwako, tona bwene mumuni waku bucedo, inga waziba kuti wazwa mu kaanda aaka kuno, kunjila mu mumuni wazuba na cintu cimwi. Wali ku kasaala. Inga waumvwa. Ikuti na kwiina gano lya mubili wako ku

citondezya, inga waziba, oh, kwiina gano lya kukubona kuti ucibone. Taakwe nzila ya kubona masamu aa girini, kubona bulenge; toka jisi kukubona, taakwe muntu wakasola kuba ankuko. Inga waziba kuti uyooba mu busyu bwa cintu cimwi; kulimvwa kwako inga kwa kwaambila obo. Inga waziba eco. Ikuti na Nda sola ku kwaambila, “Ndi zuba. Lila tondezya. Li tondezya zintu.” Mwabona, inga waziba kuti lyaliko nkaambo inga walimvwa kubelesya kulimvwa kwako. Sa mbo mbubo? [Mbunga yaamba, “Ameni.”—Mul.]

⁴⁰⁰ Lino, tu lizi kuti Kristo mpali aano. Mwabona? Ndiza ta Mu mubwene a meso anu. Mwabona? Ndiza ta muciti. Pele kwiinda ku cilengaano, Nda mwaambila, Uli aano. Tula Mu mvwa. Tu lizi kuli Cintucimwi ano eco magano nca takonzyi kutondezya. Ngu Muuya ku citondezya, kuti Kristo uli aano.

⁴⁰¹ Nda limvwa kuti Wa tunununa. Nda limvwa kuti mazina esu ali mu Bbuku Lyakwe. Nda syoma kuti twa nununwa ku Bulowa bwa Kabelele.

Nda muyanda, alimwi Ndi lizi mula yandana.

Oh, kalelekwa kaanzyo ako ka swaanganya
Myoyo yesu mu luyando lwa Bunakristo;
I luswaanano lwa mizeezo iikozyenye
Kuli mbuli oko Kwaatala.

⁴⁰² Twe elede kulimvwa obo lyoonse kuli umwi aumwi. Mwabona, tu leelede, tu leelede kulimvwa obo kuli umwi aumwi. Mwabona? Nkaambo, mbuli mbo tu yandana, tu yanda Leza. “Sa inga wasulaika munyoko oyo ngo kabona, a kwaamba kuti ulayanda Leza Oyo ngo tana bona?” Twe elede ku yandana. “Luyando lupati maningi taakwe muntu uulujisi cakati Wa ka tuula buumi Bwakwe nkambo ka sinkondo Nyina, kuti bakonzye kuba balongwe Bakwe.” Oh!

⁴⁰³ Sena mula iyanda nyimbo eyo, *Kalelekwa Kaanzyo Ako Ka Swaanganya?* Sa tacili cibotu loko? Kalelekwa kaanzyo! Walombwa utupe bulile aali eyo, mucizi, awo? Ko ilizya buyo kaindi kaniini.

⁴⁰⁴ Ino kuti kwa mana? Ino kuti Kukwelwa Kwatatu, kuboole eno, nkwa kukambaukila basweekede? Ino kuti zikozyano zyoonse ziyo tondezya lino? Sa tuli mu ciindi eco, alimwi sa tuli mu ciindi eco, sena eco inga tii caba cibotu maningi? Ino nduswaanano!

Oh, kalelekwa kaanzyo ako ka swaanganya
(nceeci nco kacita)
Myoyo yesu mu luyando lwa Bunakristo;
I luswaanano lwa mizeezo iikozyenye
Kuli mbuli ku . . .

⁴⁰⁵ Cakali cinzi eco? Luswaanano lwa mizeezo iikozyenye. “Bwami Bwako buboole. Bukanze bwako bucitwe.” Mwabona?

406 Tu sola kubamba Leza i—i mulombe wasambwe, i lweendo lufwaafwi na cintu cimwi, “Leza, cita *eci*, cita *eco*.”

407 Jesu wakati, “Amukombe, ‘Bwami Bwako buboole. Bukanze bwako bucitwe mu nyika, mbuli mbobubede ku Julu.’” Mpawo, Julu lya letwa aansu kuli ndiswe, nkabela twa—twa sumpulwa ku Julu, alimwi tuli kkede mu masena aa Kujulu lino muli Kristo Jesu. Tula syoma kuti Mulombe ngwa Bwini, kuteeti Jesu Kristo, Mwana wa Leza, ula tunununa.

408 Atu jale meso esu lino a kutambika maanza esu, kuciindi no tuyiimba.

Kalelekwa kaanzyo ako ka swaanganya
Myoyo yesu mu luyando lwa Bunakristo;
I luyando lwa mizeezo iikozyenye
Kuli mbuli. . . (Kozumanana kwiilizya.)

409 Lino, kutali kumwetamweta komwe. Eci tacili ciindi ca kumwetamweta. A kusinizya kusakene, kuciindi lwiimbo olo nolu lila, atu sukane maanza a muntu umwi munsu lyako, kwaamba, “Leza aku longezye, o Munakristo,” a kusinizya.

410 Leza aku longezye, Mukwesu Neville. [Mukwesu Neville waamba, “Yebo uleleke, Mukwesu Branham!”—Mul.] Makumi ali osanwe afuka yakukomena. [“Mbo mbubo.”] I ciindi cilamfu loko!

Leza aku longezye, Mukwesu. . . ? . . .

Lino atu nyamune maanza esu kuli Nguwe.

Cindi twa ndaana,
Kula tupa kucisa kwa mukati;
Pele tu ciyo swaanganisigwa mu moyo,
A kulangila kuswaangana alimwi.

411 Lino atu kotamike mitwe yesu, alimwi, antoomwe, muku taziba eco ciindi ciza nco cijisi, ku cindi eci, mukutaziba pele cintu camana. Ta ndizi. Nse konzyi kwaamba. Nse konzyi kwaamba. Ta ndizi. Pele mu busyu bwa tusimpe oto nto twa yubununa kuseeni kuno, atu kombe mupailo wa Mwami ngwaka twaambila kucita. Nikubakuti mbo cibede, “Bwami Bwako buboole. Bukanze bwako bucitwe.” Atu cicite antoomwe.

412 [Mukwesu Branham a mbunga baamba mupailo uutobela aciindi comwe, kuzwa kuli Matayo 6:9-13—Mul.]

. . . *Taata wesu oyo uuli ku julu, Alilemekwe zina lyako.*

Bwami bwako buboole. Bukanze bwako bucitwe munyika, mbuli mbobuli ku julu.

Ko tupa sunu zilyo nzyo tubula.

Elyo tulekelele ku milandu yesu, mbuli mbo tu lekelela abo balo ba tubisizya.

*Elyo ta tweenzyi mu sunko, pele tu vune ku bubu:
Nkambo bwako mbwami, a nguzu, a bulemu, kwa
lyoonse. Amen.*

413 Lino a mitwe yesu kiikoteme. I Bbaibbele lyakati, “Ba kaimba ciimbo, nkabela ba kazwa.” Amuyeeye, cindi niba kacita eco mu Lugwalo, kakali kaambo kakuti bakabambula mulimo wa Kukwelwa Kwabili ikwa Mwami wesu, nkabela Kukwelwa Kwatatu kwakali libambilide kutalika. I maora masyoonto kumane eco, Wa kanyamuka kuya mu gehena a kukambaukila basweekede abo bakakaka luse lwabo.

414 I bulile bwa *Lusyomo Lwangu Lulanga Kuli Nduwe*.

Lusyomo lwangu—lwangu lulanga kuli Nduwe,
Yebo Kabelele wa Kalivari,
Mufutuli sibuleza;
Lino kondimvwa kuciindi ne Ndi komba,
Kogwisya zibi zyangu zyoonse,
Ta ndilekeli . . .kuzwa buzuba bunu
Kuba Wako cakumaninina!

Kuciindi kusiya kwa buumi mpo Ndi lyata,
Elyo buusu bwandibungilila koonse,
Koba Nduwe Mweenzyi wangu;
Lailila mudima kuba isikati,
Sanzya buusu, a buyoofu,
O ko ndilekela kuzwa buzuba bunu
Kuba Wako cakumaninina!

415 I Mwami amu longezye, kubamba Mwana Wakwe a luzyalo kumweka aali ndinywe. Elyo Mwami amupe Buumi Butamani, a kuba a ndinywe kuno mu nyika eyi, a nyika iciza kuzwa lino. Alimwi, Buumi Butamani, akube kuti Mu mubelekele muciiindi coonse ca mamiloni aa zyuulu eco ciciza.

416 Ikuti na eci nce ciindi, alimwi twa sika ku busena obo, Ta nduuside nsoni eco nce Nda kakambauka. Alimwi ikuti na umwi aumwi mukambausi weelede kwiima a mbunga yakwe a kuyo betekwa, mbuli mbo Nda kabona mu cilengaano, Ndi lumbide ku Makani mabotu ayo nge Nda kakambauka, nkaambo Makani mabotu ngaonya ayo Paulo abalo ngo bakakambauka.

417 Ndili kkomene nkambo ka ndinywe. Ndili kkomene kuti mwatambula Kristo kuba Mufutuli wanu. Amu Mu yande, a kukomba.

418 Elyo Ndila mubona isikati sunu, Mwami nawayanda, aa seveni okuloko, kuno ku cikombelo. Leza amu longezye. Mwa mwaisigwa.



MYUUYA EYO ILI MU NTOLONGO LINO TNG63-1110M
(Souls That Are In Prison Now)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa Munsondo kuseeni, Vumbipati 10, 1963, ku Branham Tabernacle mu Jeffersonville, Indiana, U.S.A., wakagusigwa kuzwa ku rekordi yamagnetiki a kulembwa cakatagwisyacintu mu Chikuwa. Obu busanduluzi bwamu Chitonga bwa kalembwa akumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org